

APOCALYPSIS IESV

CHRISTI, REVELATA PER

ANGELVM DOMINI, EXCEPTA

atque conscripta à Ioanne Apostolo

& Euangeligrapho;

*Brevi, perspicua, & methodica temporum & personarum
designazione, exposita*

PET IOANNEM FOORTHE.

2. Cor. 12. 9.

ἀπὸ τοῦ θεοῦ ἡ χάρις με.




LONDINI,

Excudebat Vidua Thomæ Orwini impensis

Rodulphi Jacksoni & Roberti Dexter.

1597.



CLARISSIMIS VIRIS

Cantianis, D. Drew Drewrie, D. Edouardo

Hobbie, D. Henrico Palmero, D. Antonio Sentlegero Equitibus;

D. Petro Manwoode, D. Guilielmo Cromer, D. Michaeli Sonders, D. Guilielmo Partherich, D. Henrico Finch, D. Edouardo Fagg, D. Ioanni

Dearing, D. Francisco Bourne, D. Ioanni Edwards, D. Nicho-

lao Vpton, & D. Ioanni Vpton generosis: Ioannes de

Vado, Anglicè *Foome* vel *Foorde*, gratiam &

pacem à Deo Patrè, & Domino nostro

Iesu Christo.



Ogitanti mihi sæpenuero & memoria re-
petenti beneficia Dei, qua in genus huma-
num contulit innumera, præsertim in suos
electos, quos præscinit ac prædestinavit ad
laudem gloriosa sua gratie, & inprimis
verbum ipsius, literarum monumentis con-
signatum, perpetuâque predicatione per
quamque ætatem annuntiatum in Ecclesia,
qua totam eloquitur gloriam suam; occur-
rit illud Davidis propheta Psal. 139. 17. O quàm pretiosæ sunt cogi-
tationes tuæ, Deus fortis, quàm numerosæ sunt summæ earum!
Narrare in illas, sed arenâ plures sunt. Atque ut cætera verbo pate-
facta hoc tempore præteream, illud, de quo monet huius libri argumẽ-
tum, summo studio semper recolendum, Deum clementissimum patrẽ
nobis servis suis, qui, dum peregrinamur in hoc mundo, peregrè absu-
mus à Domino, predicere dignatum esse omnia huius vite incommo-
da, offendicula, & afflictiones, quò nobis diligentius ab illis caveamus,
fortioribus animis feramus, minus miremur aut animis deficiamus.
Noë enim prædixit cataclysmum illum uniuniversalem, quo totum or-
bem terrarum inundavit, Gen. 6. Abrahamo prædixit servitutem
Egyptiacam Gen. 15. 13. nempe posteros eius peregrinos fore annos
quadringentos in terra aliena. Israëlitis ex Ægypto postea liberatis,
generatim futura prædicens, denuntiavit amplissimas promissiones ob-
servantibus mandata, & transgredientibus iudicia gravissima, Leuit.
26. & Deut. 28. Vaticinium illud Deut. 32. in morem cantici conscri-
bi iussit, ne unquam ex animis Israëlitarum efflueret. Iudeis Babylo-
nicam captivitatem annorum septuaginta præduxit Jerem. 25. 11.

EPISTOLA

Iisdem è Babylone reducibus euenturas ante primū Christi aduentū calamitates predixit Ezec. 38. & 39. Dan. 11. Neque nobis defuit providentia diuina in nouo Testamento. (Christus enim Matt. 10. 34. se venisse, ait, gladiū missurū in terram. Et alibi, Si quis vult post me venire, abneget semetipsum, & tollat crucem suam, ac sequatur me, Mat. 16. 24. Sed breui vaticinio cōplexus est Matth. 24. quicquid futurū sit vsq; ad finē seculi, idque duabus vicibus: primò, à versu quarto incipiente ad vers. 15. secundo, Excidio vrbs Hierosolymitana exposito à vers. 15. ad vers. 23. continuat prophetiā ad extremū vsq; iudiciū, de quo incipit differere vers. 30. & sequentibus ad finē cap. 25. Hic autē liber Apocalypses, tribus primis capitibus exceptis, in quibus tamen quadā prædicta sunt c. 2. 10. & 3. 10. totus est propheticus, in quo personis designatis, quæ sunt ecclesiā persequentura distinctis temporibus & eorū intervallis, quibus erit afflictio aut relaxatio, & generibus miseriarum arumnarumque expositis, quibus visum est maiestati diuinæ tum suos probare, tum aduersarios torquere; copiose describit Apostolus casus infestos, subitas vicissitudines variæque huius vitæ certamina, è quibus omnibus quum suos demum liberauerit, ac in cælum receperit, impios aeterno exitio perditurus est.

Hæc autem subobscurè scripta sunt & enigmaticè mirā Dei providentiā, ita scilicet ut videant pii & intelligant, improbi ne animaduertant. Si enim qui hoc libro denotantur, præsertim Imperatores & Pontifices Romani, sua ipsorum nomina expressa, crudelitatem prædicatam, fraudem detectam, tyrannidem descriptam, malitiam notatam intellexissent, ætulum iam olim fuisset de hoc libro, quem nonnulli lucem eius non ferentes, sæpius conati sunt abolere. Nam Marcion anno Christi 141. & post alij heretici anno 167. quos exre in qua errarunt, alogos appellat Epiphanius heres. 51. prorsus negarunt hunc librum esse apostolicum aut canonicum. Et illorum temperum opiniones de isto libro narrat Eusebius hist. Eccles. lib. 7. cap. 25. Deinde Papista circa annum 1190. vel 1194. (quo tempore m¹⁶ boni viri reuelatum iam tunc Antichristum præsertim in Hildeb¹⁶ do & Paschale 2. prædicarunt palam, veluti Concilium in Vangionum vrbe Quinquagenalibus habitum, Antistes Fluentinus, & Ioannes Sarisburiensis cum multis alijs) per (Cyrillum quendam visionarium hanc Apocalypsim, qua se notari animaduverterint, delere funditus conati sunt, & in eius locum reuelationem diabolicam eiusdem Cyrilli papiste & pseudopropheta substituere. Nostis autem his die-
bus

DEDICATORIA.


bus languentes & morituros iam tam papistas, in mortuos potius di-
 cam, tantopere tamque graniter vris hic liber, ut eum suo ipsorum
 exitio miserè detorqueant, depravent, & millies extinctum sed serò
 cupiant. Verantamen utut improbis huius libri mysteria clausa fu-
 erint & occulta maxima ex parte, & quicquid in eo potuerunt un-
 quam quasi per rimas cernere, totis viribus oppugnarunt: pijs tamen
 maximam huius partem viderunt, agnoverunt, & prædicarunt, li-
 brumq; canonicum semper iudicarunt. Iustinus enim Martyr recor-
 datur huius libri, manifestè illum Apostoli esse dicens, ut inquit Euse-
 bius lib. 4. cap. 18. Irenæus lib. 3. cap. 21. inquit: Manifestius adhuc
 etiam de nouissimo tempore, & de his qui sunt in eo decem regibus, in
 quos diuidetur quod nunc regnat imperiū, significauit Ioannes Domini Apoc. 17. 12
 discipulus in Apocalypsi. Tertullianus lib. 4. aduersus Marcionem
 inquit: Habemus & Ioannis alumnas Ecclesias. Nā etsi Apocalypsim
 eius Marcion respuit, ordo tamē episcopoyū ad originē recensensus, in Io-
 annem stabit authorem. Origenes apud Eusebiū lib. 6. cap. 25. inquit.
 Quid de Ioanne dicendū, qui supra pectus Domini Iesu recubuit, qui
 unum Euangeliū reliquit, simulq; fassus est, tā multa posse scribi Euā-
 gelia, ut mundus ea si scriberentur capere nō posset. Scripsit autē et A-
 pocalypsim, iussus silere, & non scribere septē tonitrui verba. Cypria-
 nus sermone tertio, de bono patiētia inquit: Et in Apocalypsi Angelus Apoc. 10. 4
 Ioanni volēti adorare se resistit Apoc. 19. Hieronymus in Catalogo in-
 quit: Quarto decimo igitur anno, secundā post Neronē persecutionē
 mouēte Domitiano, in Patmos insulā relegatus, scripsit Apocalypsim,
 quā interpretatur Iustinus martyr, et Irenæus, Hieronymus deniq; ad
 Dardanū ait, veteres scriptores plerunq; huius libri testimonijs uti, nō
 ut interdū de apocriphis facere solent, sed quasi canonicis et Ecclesiasti-
 cis. Ex quo verò in lucē prodijt Antichristus Romanus, qui præ ceteris
 in Apocalypsi perstringitur, omnes omniū aiatū fideles serui & mini-
 stri Iesu Christi, ipsū agnouerūt scortū esse Babylonicū, & meretricē
 Apocalypsicā, præsertim ex quo Hildebrādus ille sceleratus regnavit.
 Quum igitur huius libri authoritas semper viguit in Ecclesia
 Christi, ex quo eum literis prodidit Ioannes apostolus, summaque re-
 rū, quæ in eo continentur, doctis immò & indoctis plerisque satis sem-
 per perspecta fuit: nihil hic à me noui affertur, neque nouitatem sum
 affectatus, sed in hoc desudavi, ut quæ prius erant aperta, tum metho-
 dica dispositione, tum locorum, temporum, & personarum designatio-
 ne simplici, quatenus à me fieri potuit, redderem apertiora, ut de

EPISTOLA DED.

perspicuitate historia prophetica potius quam de rerum iudicio me laborasse constat. Libertate fateor magna usus sum. Quid verò praestiterim, penes Spiritum Christi, qui in ecclesia residet, iudicium esto. Vult enim Paulus spiritus Prophetarum Prophetis subiectos esse 1. Cor. 14. 32. Hoc ingnuè profiteor, desiderio benè merendi de sanctis Dei, me meo iudicio vehementer teneri. Quid enim aliud agerem dum in hoc malo mundo sim peregrinus, quod Deo meo gratum sit, quàm benè velle fratribus. sal. 16. 3. Quamvis autem non dubium sit, quin hac expositione sum experturus, quod Aristo (huius de philosophis dicere solebat, nocere eos audientibus is, qui benè dicta malè interpretarentur, nempe ut papisticos omnes graniter irritem (ut enim a soti ex Aristippi, & acerbis ex Zenonis schola exierunt: ita hac Apocalypsi benè intellecta penitusque perspecta, multi sunt vitiosi & deteriores discessuri) non tamen propterea tacenda sunt, quæ in suorum gratiam scripserit Dominus, id quod Apostolus nostrum monuit Christus Apoc. 22. 11. Qui nocet, noceat adhuc: & qui sordidus est, sordescat adhuc: & qui iustus est, iustificetur adhuc: & sanctus, sanctificetur adhuc. Improbe enim agent improbi, nec animadvertent ulli improbi: sed erudientes animaduersuri sunt, Dan. 12. 10. Quod hunc meum laborem vobis Cantianis viris illustribus, scriptum & dictum volo, tres sunt causa, quæ me impulerunt: una, ut animi mei gratitudinem erga nonnullos vestrum ostenderem, à quibus diu iam fuerim & summis affectus beneficijs: altera, vestra omnium erga me beneuolentia, quam sæpius expertus sum: tertia, ut maiorem in vobis amorem veritatis accenderem maiusque concitarem odium erga tyrannidem omnem papisticam, quæ non ecclesiam modo Christi, sed regna etiam & respublicas euertit, & euersura est, in quibus stabilitur, ut ex sola Hispania de ceteris facile sit iudicare. Quatuor iam plenis annis, varijs modis impeditus, tardius quam vellem & breuius hac vobis mitto, quasi ecclesia Christi utilia fuerint vobis scio erunt grata. Deum Optimum Maximum precor, ut vos, viri Cantiani illustres & generosi, ceterosque omnes, qui diligunt Dominum nostrum Iesum Christum ad immortalitatem, omni benedictione spiritali ornatos, verbo suo quotidie magis magisque illustret, potenti sua virtute suffulciat, ac demum ad sempiternam gloriam perducatur per Iesum Christum Dominum nostrum. Anno Christi. 1597.

Tabula summatim perstringens totius libri argumentum.

1. Descriptio presentis status Ecclesie, ut tunc erat, tribus primis capitibus.



ANNIS APOSTOLI.

ANALYSIS. Cap. I.

1. Inscriptio generalis, tribus primis versiculis.

1. Salutatione communi, verf. 4. &c.

1. Circumstantia, vers. 9.

1. Auditis, vers. 10, 11.

1. Septem candelabra, vers. 12.

1. Subiunctum. } Locus. }
2. Adiunctum. } Vestitus. } vers. 13

3. Partes corporis, vers. 14, 15. { Caput.
Oculi.
Pedes.

4. Facta { 1. Vocem edit, vers. 15
2. Tenet in dextra stellas.
3. Emittit ex ore gladiū. } vers. 16.

1. Vocis (quam vers. 10. audiuit) vers. 17. q.d. sum Deus omnipotens.
2. Hominis (quem vers. 13. vidit) vers. 18. q.d. Christus sum.
3. Mandati (vers. 11. dati) & vocationis, vers. 19.
4. Mysterij candelabrorum (visorum vers. 12.) & stellarum (visarum vers. 16.) vers. 20.

CAP. I.

A *Pocalypsis Iesu Christi, quam dedit ipsi Deus, ut indicaret ser-
uis suis que oporteat fieri cito: is vero missam per Angelum
suum, sermo suo Iohanni significauit.*

B

2. Qu

2 Qui testificatus est sermonem Dei, & testimonium Iesu Christi, & quacunq; vidit.

3 Beatus qui legit, & beati qui audiunt verba prophetia huius: & observant ea qua in ea scripta sunt, tempus enim propè est.

4 Ioannes septem Ecclesijs qua sunt in Asia: Gratia sit vobis & pax à Qui est, & Qui erat, & Qui venturus est: & à septem Spiritibus qui in conspectu throni eius sunt:

5 Et à Iesu Christo, qui est fides ille testis, primogenitus ille ex mortuis, ac princeps regum terra: qui dilexit nos, & lavit nos à peccatis nostris per sanguinem suum:

6 Et fecit nos reges & sacerdotes Deo & Patri suo: ei, inquam, gloria & robur in secula seculorum. Amen.

7 Ecce, venit cum nubibus, & videbit eum omnis oculus, etiam qui eum transfixerunt: & plangent coram eo omnes tribus terra, etiam, Amen.

8 Ego sum α & ω , id est, principium & finis: dicit Dominus, Qui est, & qui erat, & Qui venturus est, ille (inquam) omnipotens.

9 Ego Ioannes, qui & frater vester sum, & socius in afflictione, & regno & tolerantia Christi Iesu, eram in insula qua vocatur Patmos, propter sermonem Dei & testimonium Iesu Christi.

10 Fui autem Spiritu correptus die Dominico, & audini à tergo vocem magnam tanquam tuba:

11 Dicentis, Ego sum α & ω , primus ille & ultimus: &, Quod vides scribe in libro, & mitte septem Ecclesijs qua sunt in Asia, Ephesi & Smyrna, Pergami, & Thyatira, & Sardibus, & Philadelphia, & Laodicea.

12 Conuersus sum igitur ut viderem vocem qua loquuta erat mecum. Conuersus autem vidi septem candelabra aurea.

13 Et in medio septem candelabrorum aureorum quendam similem Filio hominis, indutum talari veste, & precinctum ad mamillas zona aurea.

14 Caput autem eius & capilli erant candidi ut lana alba, tanquam nix: & oculi eius ut flamma ignis.

15 Pedes autem eius similes chalcobano, veluti in fornace ardentes: & vox illius tanquam vox aquarum multarum.

16 Habebat autem in dextra sua stellas septem: & ex ore eius anceps gladii prodibat, & facies eius qualis sol in suo vigore lucet.

17 Quum autem vidissem eum, cecidi ad pedes eius veluti mor-

tunc: tum imposuit mihi dextram suam, dicens mihi, Ne metue: ego sum primus & ultimus.

18 Et qui vivo, sed fui mortuus, & ecce vivo in secula seculorum, Amen. & habeo claves inferorum & mortis.

19 Scribe quæ vidisti, & quæ sunt, & quæ post hæc sunt futura,

20 Mysterium septem stellarum quas vidisti in dextra mea, & septem candelabra aurea. Septem stelle, Angeli sunt septem Ecclesiarum: & candelabra septem quæ vidisti, septem Ecclesie sunt.

ANNOTATIO.

Apocalypsis Iesu Christi] *imprecat* siue inscriptio totius libri duobus primis versiculis continetur, cui subiungitur epiphonema ver. 3. In inscriptione hæc quinque, genus, author, finis, argumentum scripti, & modus communicationis summâtim exponuntur. Genus scripti demonstratur synecdochicè communi apocalypseos siue revelationis nomine. Quum enim duobus modis voluntatem suam olim patefecit Dominus Ecclesiæ, scilicet per visionem, aut per somnium Num. 12. 6. Iob. 7. 14. communi revelationis nomine denotatur prior modus, nempe visio. Hæc enim quæ sequuntur omnia Ioanni vigilianti reuelantur per visiones, non autem dormienti per somnia. Author huius scripti est Deus, qui solus in sua habet potestate reuelare abscondita. Modus communicationis est ordo in prophetiis tradendis visitatus & sæpe observatus. Huius enim doctrinæ author statuitur Deus essentialiter sumptus; Christus mediator; cuius interuentu & intercessione (Heb. 7. 25. & 9. 24.) nobis panduntur mysteria Dei infra, cap. 5. Porro Christus quæ obtinuit à Deo, ea ministerio angeli annuntiat Ioanni, Ioannes autem nobis. Est igitur hæc prophetia à Deo data, à Christo mediatore accepta, Angeli ministerio Ioanni delata, à Ioanne nobis annuntiata. Hic inquam est ordo prophetiarum tradendarum. Nam Christus est mediator inter Deum & hominem ab initio mundi, ex quo lapsus est Adam. Nec quicquam nobis communicatur à Deo, nisi propter Christum mediatorem, qui est Agnus ille mactatus iam inde à iactis mundi fundamentis Apoc. 13. 8. Itaque Abraham vidit ipsum & gaudius est, Ioan. 8. 56. & alij eius nomine inuocarunt Deum, ut liquit ex 2. Sam. 7. 21. Psal. 84. 10. Esaiæ. 10. 27. Dan. 9. 17. Hagg. 2. 5. Quum autem lex lata fuit Exod. 19. & 20. Christus erat mediator Act. 7. 35, 38. Galat. 3. 19. Item quando Esaias cap. 6. vidit magnificam illam visionem,

Inscriptio.

Genus

scripti.

Author.

Revelationis
modus.

Apoc. 22.
16.

visionem, vt colligitur ex Ioan. 12. 41. In illa visione Ezechieli ostensa, fuit etiam Christus mediator, Ezech. 1. 26. Eundem mediatorem vidit Daniel, cap. 7. 13. Angelorum autem operâ utitur tum Deus, tum Christus *θεοὶ καὶ υἱοὶ*, quoties rebus externis pulsandi sunt sensus nostri, vt ferè fit in visionibus, sicut est videre in locis prænotatis. Nulla autem fit expressa mentio Spiritus sancti, neq; Christi *ἀγίου*, quia extrinseca Trinitatis opera sunt indiuisa.

Finis.

Argumen-
tum totius
libri.

Finis reuelationis est, vt Christus *θεοὶ καὶ υἱοὶ* eam patefaciat seruis suis, id est, fidelibus. Operæ pretium est igitur ea scrutari & explanare, quæ nostri causa scripta sunt. Argumentum totius libri bis exprimitur: primum vers. 1. *καὶ εἶπεν ὁ ἀγγέλους ἐν τῇ ὁρασίᾳ*, Quæ oporteat fieri citò. Secundò, vers. 2. Ioannes, cui hæc mysteria reuelantur, vt is eadem annuntiet ecclesiæ, testificatus est *ὅσα εἶδον*, quæcunque vidit, id est, totum illud quod ei videndum exhibuerunt angeli. Sed argumentum in quibusdam codicibus apertius etiam exponitur, & ad finem vers. 2. expositionis vice apponuntur hæc verba; *καὶ αὐτὸς εἶπεν, καὶ ὁ ἀγγέλους μὲν ταῦτα*, id est, quæ sunt, & quæ post hæc oporteat fieri. Quamobrem hæc verba in omnibus codicibus contextui recte interferi posse censeo, quia summam totius libri continent, & quia deinceps vers. 19. huius capituli exprimuntur. Sunt enim capita huius libri in vniuersum duo: prius continet descriptionem præsentis status ecclesiæ, prout tunc erat, tribus primis capitulis: posterius prophetiam futuri status ecclesiæ vsque ad finem seculi, capite quarto & sequentibus ad finem huius libri. Atque visiones item summam sunt duæ: vna hoc capite primo, quæ incipit vers. 9. altera capitulis duobus, scilicet quarto & quinto. Quum autem duas tantum dico esse visiones huius libri, non intelligo duas solummodo res Ioanni exhibitas, vt eas exponeret ecclesiæ; multas enim res vidit: sed Dominum bis tantum ei apparuisse: primum hoc capite vt ostendat præsentem statum ecclesiæ: deinde cap. 4. & 5. vt futurum statum prænuntiet.

Partes reue-
lationis
sunt duæ.

Reuelationis partes
sunt duæ:

1. Descriptio præsentis status ecclesiæ, tribus primis capitulis.
2. Prophetia futuri status ecclesiæ, cap. 4. & c.

Vers. 4.

[Ioannes septem ecclesijs] Absoluta inscriptione generali, aggreditur apostolus munus suum, & imprimis præmittit salutationem quinque

que versibus; deinde visiones sibi exhibitas communicat cum ecclesia, infra vers. 9. In salutatione ista plane apostolica nihil est non apertum, nisi hoc vnum, quod gratiam ecclesiae precatur distinctè magis quam alij solent, à Patre, Spiritu sancto, & Filio. Cuius ratio est, quod in duabus, quas supra dixi, præcipuis visionibus, apertius vidit & distinctius personas, Filij quidem priori visione, quæ infra hoc capite habetur, & Spiritus sancti posteriori visione, cap. 4. vers. 5. quam vnquam prophetis in veteri testamento exhiberentur. Quamuis enim in illis, quas supra paulum retuli ex veteri testamento, visionibus, apparuit tota Trinitas, vt de Patre nemo dubitat, & de Filio ostendimus ex Ezech. 1. 26. & Dan. 7. 13. & de Spiritu sancto liquet ex collatione Esaia. 6. cum Act. 28. 25. & ex Esaia. 48. 16. tamen obscura fuit personarum exhibitio, vt & cæterarum rerum omnium in veteri testamento, præ manifesta & clara reuelatione ista, quam vidit apostolus noster Ioannes, quem dilexit Dominus, Ioan. 21. 7. Apostolus igitur Ioannes septem ecclesijs quæ sunt in Asia (quarum nomine catholicam ecclesiam intelligit, vt patet ex vers. 1. vbi hæc apocalypsis indicanda est seruis Christi omnibus sine exceptione, & ex fine cuiusque septem epistolarum vbi amabæum illud accinitur, *Qui habet aurem, audiat quid Spiritus dicat ecclesijs*) gratiam præcatur & pacem à Patre, Spiritu sancto, & Filio. Patrem præcipuè Pater, intelligit his verbis, *A Qui est, & Qui erat, & Qui venturus erat*: quibus expressit illud *ehjeh* Exod. 3. 14. vt præclare annotauit D. Beza. Deinde Spiritum sanctum intelligit sub nomine septem Spirituum qui sunt in conspectu throni; quia prius viderat Spiritum sanctum sub figuris septem ignearum Lampadum ardentium ante thronum, cap. 4. vers. 5. Sic etiam describit filium initijs septem epistolarum, cap. 2. & 3. quemadmodum ante viderat eum cap. 1. vers. 13. & sequentibus. Qua enim specie se exhibet videndum Deus, eadem homines eum describant est necesse. Quod septem dicitur Spiritus, non magis nos debet offendere, quam quod variæ linguæ igneæ in singulis Apostolorum consedissemus legimus Act. 2. Sed potius intelligendam, septem dici, quia Spiritus sanctus communicatione virtutis suæ, operumque diuinorum demonstratione in septem istas ecclesias ita se perfectè aperit, vt si totidem essent spiritus perfectè in sua quisque ecclesia operantes, vt eruditè in hunc locum scripsit insignis ille vir Dei Franciscus Iunius.

Spiritus
sanctus.

Vers. 5, 6.

Filius.

Triplex of-
ficiū Chri-
sti.

Et à Iesu Christo] Denique Filium describit duobus modis: primum ab officio triplici, deinde ab effectis tribus. Officium triplex, nempe, prophetæ, sacerdotis, & regis, declaratur priori hemistichio vers. 5. Tria eiusdem officij effecta exponuntur posteriori hemistichio vers. 5. & 6. *Qui est fidus ille testis*] Propheticum munus. Nam fideliter nobis tradidit, quicquid audiuit à Patre Ioan. 1. 18. & 7. 17. & 8. 26. & 17. 6. Heb. 3. 2. *Primogenitus ille ex mortuis*] Sacerdotium Christi synecdochicè denotatum. Nisi enim seipsum obtulisset pro peccatis nostris, & verè fuisset mortuus, non potuit ex mortuis resurgere & primogenitus esse ex mortuis. *Princeps regum terræ*] regium Christi munus.

Tria effecta
a officij
Christi.

Qui dilexit nos] Sequuntur effecta officij Christi, ac primum prophetici muneris his verbis, vt Christus ipse innuit Ioan. 15. 15. Vos dixi amicos, quia omnia quæ audiui à Patre meo, nota feci vobis. *Lauit nos*] effectum sacerdotij eius. *Et fecit nos reges*] fructus regij muneris.

Vers. 7, 8.

Ecce, venit] Duos istos versiculos per exclamationem adiectos salutationi censeo, vt ecclesias reddat attentas ad ea percipienda quæ sequuntur. Videtur esse enallage personæ vers. 8. eandem ob causam. Vers. 8. exponitur infra vers. 11. & 17.

Vers. 9, 10.

Ego Ioannes] Ostendimus suprà in vers. 1. duas à Spiritu sancto constitutas esse partes huius libri, quarum priorem nempe descriptionem præsentis status ecclesiæ quæ tunc erat, ingressus est apostolus suprà vers. 4. per salutationem communem: nunc sequuntur visiones, quæ sunt in vniuersum duæ; quarum prior quæ ad hunc locum pertinet, habetur reliquo hoc capite; posterior cap. 4. & c. vt suprà dictum est in vers. 1.

Distributio.

Prima pars
visionis.

Quod ad priorem partem attinet, scilicet præsentem statum catholicæ ecclesiæ, duo deinceps traduntur: primum visionem continet reliquo hoc capite, secundum descriptionem præsentis status ecclesiæ capite secundo & tertio. Visionis membra sunt tria: primum exponit varias circumstantias ad perspicuam rei narrationem omnino necessarias vers. 9. & priori parte vers. 10. Secundum continet ipsam visionem posteriori hemistichio vers. 10. & sequentibus
ad

ad vers. 17. Tertium interpretatur visionem posteriori parte ver. 17. & sequentibus ad finem capitis.

Circumstantiæ sunt præcipuè tres: persona scribens ista, locus ubi fuit, & tempus quando hæc scripsit: quibus duæ aliæ connumerari possunt, quarum una pertinet ad locum & personam, videlicet causa, ob quam tum fuit in Patmo; altera partim ad personam partim ad tempus, nempe quod fuit tum Spiritu correptus.

Persona manifestius declaratur, quam ut de scriptore huius libri dubitari potest. Quis enim alius Ioannem se toties nominasset his hoc capite vers. 4. & 9. & infra cap. 2. 1. 2. & cap. 22. 8. nisi Ioannes aliquis celebris & omnibus ecclesijs notissimus? Quis exulabat tunc Ioannes in Patmo, nisi hic noster Apostolus? Quis ubique semper, & ab optimis in ipsa sancta & catholica ecclesia creditus est scriptor huius Apocalypses nisi Ioannes dilectus Apostolus Iesu Christi?

1. persona.

Euseb lib. 3
cap. 18.

Locus ubi hanc apocalypsin vidit, est Patmus, insula in mari ægeo. Hic exulabat Ioannes Apostolus propter sermonem Dei, & testimonium Iesu Christi.

2. Locus.

Tempus, quod ad diem attinet, fuit dies dominicus: annus vero fuit penultimus regni Domitiani, & nonagesimus sextus à Christo nato. Hoc loco & tempore fuit Spiritu correptus, id est, incidit in eum mentis excessus, ut de Petro dicitur, Act. 10. 10. Eadem loquendi phrasim usurpatur infra cap. 4. 2. item Act. 22. 17. & 12. 11, Ezech. 8. 1. Animum scilicet habuit à rerum terrenarum cogitatione auocatum, & in diuinarum cognitionem omni cura studioque intentum.

3. Tempus.

Vers. 10. 11.

Et audiui à tergo] Secundum membrum in visione, ut supra diximus in vers. 9. in quo narrat Apostolus primum quid audierit reliquo hoc vers. 10. (etsi mallem vers. 11. hic inchoare) & vers. 11. Secundò quid viderit vers. 12. & sequentibus vsque ad ver. 17. Audiuit vocem magnam vers. 10. Vox loquens primò eloquitur quis sit, inquiens, *Ego sum* A & Ω, &c. Deinde duo mandat Ioanni, primum ut scribat in libro quicquid viderit, tum ut idem mittat septem ecclesijs Asiaticis, id est, catholice ecclesie. Nam numerus septenarius sæpè hoc in libro perfectionem denotat, ut frequenter etiam

Secunda
pars visionis.

etiam in alijs sacre scripturæ locis, vt Num. 16. 4. 11. & 2. Chro. 29. 21. Prouerb. 9. 1. & alibi sæpissimè. Porro hanc reuelationem communicandam esse cum omnibus seruis Dei constat ex vers. 1. huius capitis. Deniq; in fine cuiusque septem epistolarum vbiq; recurrit illud, *Qui habet aurem, quid Spiritus dicat ecclesijs*, vt supra in vers. 4. obleruauimus.

Vers. 12.

Tum conuersti me] Quid audiuit Ioannes modò dictum est: quid vidit sequitur exponendum. Summatim autem duo vidit; primum, septem candelabra aurea vers. 12. deinde quendam similem filio hominis, vers. 13. &c. De candelabris nihil hic dicendum, quia sequitur expositio eorum vers. 20. Quòd septem sunt, notant plenitudinem & perfectionem, vt modò dictum est de septem ecclesijs.

Vers. 13.

Et in medio septem] Altera pars visi, vt in ver. 12. diximus, in qua is qui apparuit, & qui similis filio hominis dicitur, quatuor modis describitur: primum ex subiecto loco, scilicet, quòd erat in medio septem candelabrorum aureorum, vers. 13. Secundò ex adiuncto vestitu, 12. Tertio, ex quibusdam partibus corporis vers. 14. & 15. & in fine vers. 16. Quarto, ex factis vers. 16. *Filio hominis*] Christo. Nam Christus præcipue hac visione describitur. Attamen intelligendum est id quod ante monui in vers. 1. extrinseca Trinitatis opera esse indiuisa, nullamque exhibitam esse visionem maiestatis diuinæ in scriptura sacra, quin ibi sit tota Trinitas. Quod ad hanc visionem attinet, & ad alteram illam quæ sequitur cap. 4. operæpretium est legere quæ scripsit Irenæus lib. 4. cap. 37. sub finem. In hac præsentī visione Patrem videre licet primis verbis quæ Ioannes audiuit, *Ego sum A & Ω*. Christum hic aperte describit, & in principio cuiusque epistolarum sequentium. Spiritum autem hic comprehendere constat ex clausula cuiusque epistolæ, *Qui habet aurem, audiat quid Spiritus dicat ecclesijs*. Hinc enim patet Ioannem mandatum scribendi ad ecclesias accepisse à Spiritu sancto Qui autem apparet in hac visione, is est qui Ioanni præcipit. *Indutum talari veste*] qualis erat sacerdotum sub lege, Exo. 28. 4. Significat igitur Christum esse sacerdotem nostrum.

Præcinctum] Quemadmodum cingebantur sacerdotes baltheo, Exod. 28. 4. Sensus est, Christum sacerdotem nostrum in procinctu stare, esseque paratissimum ad munus sacerdotale (quatenus iam restat) pro nobis obeundum, id est, ad interpellandum Deum pro nobis, & suffragium precum nostrarum iugiter offerendum coram Patre. Vide similem phrasim Apoc. 15. 6. vide item Dan. 10. 5.

Quod autem in medio stat candelabrorum, id est, ecclesiarum, significat ipsum semper adesse in medio totius ecclesiarum catholicarum, & cuiusque particularis ecclesiarum, ut promisit Matth. 18. 20. & 28. 20. Itaque vicario Romano Antichristo non eget, nec propior est uni ecclesiarum quam alteri, sed vniuersarum ecclesiarum, & cuiusque seorsim ecclesiarum curam gerit, regimenque sibi soli vendicat, ut apertius patebit in principiis sequentium epistolarum.

Verf. 14, 15.

Caput autem] Christum solum Pontificem nostrum sacerdotali vestimento indutum vidimus versu proximo: sequitur, id quod tertio loco posuimus, descriptio quarundam partium corporis eius, videlicet, capitis & oculorum, verf. 14. & pedum, verf. 15. Caput, id est, capilli, q. d. caput quum dico, dico capillos candidos esse tanquam lanam albam, tanquam niuem. Sensus est, quod præcellenti decore, nitore, splendore, & pulchritudine fuit, ut Cant. 4. 2. & 6. 4. vel 5.

Oculi eius, &c. Pedes eius] Oculorum & pedum descriptio eodem pertinet, & duplicem possumus colligere sensum. Nam designat excellentiam præstantiamque Christi ut in capillis describendis, & ut Ezech. 40. 3. Dan. 10. 6. vel potentiam & iram describit. q. d. est ignis consumens inimicos suos, Heb. 12. 29. ita enim describitur infra, cap. 2. 18. & 19. 12. & 10. 1.

Deinde huc referendum puto quod in fine verf. 16. de facie eius. q. d. immensi fuit splendoris. nisi illis verbis id totum concludi quis malit, quod præcesserat in descriptione.

Verf. 16.

Vox illius] Quarto & postremo loco sequuntur facta tria, nempe, 1. Quod vocem edit tanquam sonitum multarum aquarum. 2. Quod septem stellas (id est, doctores siue pastores infra verf. 20.) tenet in

manu dextra. 3. Quod gladium vtrique acutum emittit ex ore. Hic igitur vers. 16. inchoarem.

Vox illius] Voce tanquam tonitru reuerentiam, timorem sanctū, & attentionem conciliare voluit, vt Exod. 19. in lege ferenda. Vide Ezech. 1. 24. & 43. 2. Ierem. 10. 13. *Habebat in dextra stellas*] Id est, ministros verbi in sua potestate habet, primum vt emittat eos in vineam suam pro beneplacito, tum vt emissos tueatur, denique vt ecclesie arbitratu suo moderetur. *Ex ore eius*] Vt Esaia 49. 2. Ephes. 6. 17. Si clausulam huius versiculi suo loco retinere placet, erit repetitio vel brevis enarratio totius visionis præcedentis, id est, maiestatis diuinæ, vt Matth. 17. 2.

Vers. 17.

Tertia pars
visionis.

Quum autem vidissem] Tertium membrum visionis vt supra in vers. 9. dictum est, nempe, præcedentis visionis interpretatio & repetitio. Sed interponitur primum effectus visionis, scilicet, quod Apostolus consternatus cecidit velut mortuus, initio vers. 17. deinde sequitur repetitio & expositio visionis ad finem capitis. Consternationis duæ erant causæ, nempe conscientia peccati, & immensa gloria, quam mortalis dum in terris viuit, ferre non potest. Quoties igitur apparuit Patriarchis, Prophetis, aut alijs sanctis viris Dei maiestas, toties in faciem procidisse consternatos legimus, Gen. 17. 3. Iosue 6. 2. & alibi. *Tum imposuit*] consternatum consolatur, erigit, & confirmat, vt attentè audiat repetitionem & expositionem visionis antecedentis.

Ego sum primus] Quadrimembris expositio vel repetitio visionis prioris: Primum enim vocem supra vers. 11. auditam repetit reliquo hoc versu: deinde visionem quam vers. 12. & sequentibus quatuor versiculis viderat, exponit vers. 18. Tertiò, Apostolus supra vers. 11. vocatus ad hoc munus propheticum, denuo etiam confirmatur repetitione prioris mandati, vers. 19. Postremò mysterium candelabrorum quæ viderat supra vers. 12. & stellarum, quas vers. 16. viderat, exponitur vers. 20.

Ego sum primus] q. d. Ego sum Deus omnipotēs & æternus, qui te vocavi ad hoc munus. Similem loquutionem vide Esaia 41. 4. & 44. 6. & 48. 12. Hinc autoritas vocationis & doctrinæ sequentis.

Vers.

Verf. 18.

Et qui vivo] Secunda pars in expositione visionis: cuius summa est, quasi dicat, Ego quem supra vidisti similem filio hominis verf. 13. & tribus versiculis sequentibus, sum Iesus Christus, qui te præcipue dilexi, infra cap. 2. 18. Huius expositionis duo sunt membra: prius priori hemistichio, posterius altera parte huius versiculi. Prioris membri summa est, Ego quidem sum ille, qui mortuus fui te præsentem & videntem, Ioan. 19. 26, 27. sed ecce nunc morte superata vivo in secula seculorum non amplius moriturus, Rom. 9. 6. Amen. Posterius membrum his verbis continetur: & habeo claves inferorum & mortis: quasi dicat, data est mihi omnis potestas in coelo & in terra, Matth. 28. 18.

Verf. 19.

Scribe quæ vidisti] Tertia pars in expositione, scilicet repetitio & declaratio & confirmatio mandati Apostolo prius verf. 11. dati. His autem verbis continetur summa & argumentum totius huius libri, ut dictum est supra in verf. 1. Nempe quæ sunt, id est, præsentis status ecclesiæ, prout tunc erat, descriptio sub nomine septem ecclesiarum Asiaticarum, cap. 2. & 3. Et quæ posthæc sunt futura, id est, eorum quæ futura sunt in ecclesia prophetica prædictio, cap. 4. & sequentibus ad finem libri.

Verf. 20.

Mysterium septem] Quartus locus in expositione, ubi candelabra dicit significare ecclesias, nempe, allusione ad candelabrum illud Tabernaculi septem lucernis suis illustre, ex cuius scapo eminebant septem luchnuchi, Exod. 25. 31. Quemadmodum enim candelabrum illud sustentabat lucernas ad lucem præbendam in Tabernaculo: ita ecclesia *σύλος καὶ ἰσχυρίων τῆς ἀληθείας*, columna & stabilimentum veritatis, 1. Timoth. 3. 15. sustinet verbum Dei, quod est lucerna pedibus nostris, Psal. 119. 105. ut lucem præbeat nobis in hoc tenebroso errorum & ignorantiae mundo versantibus, 2. Pet. 1. 19. Ecclesia enim est *πῶμνος* lucerna, Christi baiulans lumen, ut olim dixit Irenæus lib. 5. cap. 17. vide Zechar. 4. 2. *Septem stellæ Angeli sunt*] Id est, pastores sunt seu episcopi ecclesiarum. Nam prophetæ veteris testamenti, Esaia. 44. 21, Hag. 1. 13. & sacerdotes Malach. 2. 7. Esaia. 42. 19. appellantur Angeli. Et in nouo testa-

mento Ioannes appellatur Angelus, Matth. 11. 10. item Apostoli Christi, Luc. 9. 52.

CAP. 2.

1 **A**ngelo Ephesine Ecclesia scribe, Hac dicit qui tenet septem stellas in dextra sua, qui ambulat inter septem candelabra aurea.

2 Novi opera tua, & laborem & tolerantiam tuam, & quod non possis ferre malos: & exploraris eos qui se dicunt Apostolos esse, & non sunt: & comperisti eos esse mendaces.

3 Et onere pressus fuisti, & sustines: & propter nomen meum laborasti, & non es defatigatus.

4 Sed habeo aliquid aduersum te, quod charitatem tuam primam omiseris.

5 Memor esto itaque unde excideris, & resipisce, & priora opera facito: sin minus, veniam aduersum te cito, & movebo candelabrum tuum e loco suo, nisi resipueris.

6 Sed hoc habes, quod odisti facta Nicolaitarum, quae & ego odi.

7 Qui habet aurem, audiat quid Spiritus dicat Ecclesiae, Victori dabo edere ex arbore vitae quae est in medio paradisi Dei.

8 Angelo vero Smyrnaeorum Ecclesia scribe, Hac dicit primus ille & ultimus, qui fuit mortuus & uiuit.

9 Novi opera tua & afflictionem & paupertatem, (sed dines es) & blasphemiam eorum qui se dicunt Iudaeos esse, & non sunt, sed synagoga Satanae.

10 Nil metue eorum quae passurus es, ecce, futurum est ut mittat diabolus aliquos ex vobis in carcerem, ut exploramini: & habebitis afflictionem dierum decem. esto fidelis usque ad mortem, & dabo tibi coronam vitae.

11 Qui habet aurem, audiat quid Spiritus dicat Ecclesiae, Victor non ledetur a morte secunda.

12 Angelo vero Pergamensis Ecclesia scribe, Hac dicit qui habet rompheam illam utrinque acutam,

13 Novi opera tua, & ubi habites, nempe ubi thronus est Satana: & quod teneas nomen meum, neque negasti fidem meam, etiam iis diebus quibus Antipas martyr ille meus fidelis trucidatus est apud vos, ubi Satanas habitat.

14 Sed habeo aduersum te pauca, quod habes istic qui teneant doctrinam Balaam, qui docebat Balac obicere offendiculum coram filiis Israel, ut ederent ex ijs qua simulachris immolantur, & scortarentur.

15 Ita habes etiam qui teneant doctrinam Nicolaitarum: quod odi.

16 Respice: sin minus, veniam aduersum te cito, & pugnabo cum illis gladio oris mei.

17 Qui habet aurem, audiat quid Spiritus dicat Ecclesys, Victori dabo edere ex Manna illo abscondito: & dabo illi calculum album, & in calculo nomen nouum scriptum, quod nemo nouit nisi qui accipit.

18 Angelo vero Thyatirensis Ecclesie scribe, Hac dicit Filius Dei qui habet oculos tanquam flammam ignis, & cuius pedes sunt similes chalcobano.

19 Noui opera tua & charitatem, & subministrationem, & fidem, & tolerantiam tuam, & opera tua, & ultima plura prioribus.

20 Sed habeo aduersus te pauca, quod permittis mulierem Iezabel, qua se dicit prophetissam, docere & seducere seruos meos, ut scortentur, & edant ex ijs qua simulachris immolantur.

21 Et dedi illi tempus ut respisceres a scortatione sua: & non respexit.

22 Ecce ego abiciam eam in lectum: & eos qui adulterium committunt cum ea, in afflictionem maximam, nisi respuerint ab operibus suis.

23 Et filios eius interficiam morte: scientque omnes Ecclesia me esse scrutatorem renum & cordium: & dabo unicuique vestrum secundum opera sua.

24 Vobis autem dico reliquis Thyatirensibus, Quicumque non tenetis doctrinam hanc, & qui non approbastis profunditates Satanae, ut aiunt: non imponam vobis aliud onus.

25 Tamen id quod habetis, tenete quousque veniam.

26 Nam si quis vicerit, & custodierit ad finem usque opera mea, dabo ei potestatem in Gentes.

27 Et reget eas virga ferrea: & tanquam vasa fictilia contentur, sicut & ego accepi a Patre meo:

28 Et

28 Et dabo ei stellam matutinam.

29 Qui habet aurem, audiat quid Spiritus dicat Ecclesijs.

ANNOTATIO.

Epistola
prima.

Angelo Ephesine Ecclesia] Accepimus suprà cap. 1. 9. & c. visionem gloriæ Dei in Christo ad vocationem Ioannis & fidem descriptionis sequentis capitibus istis duobus: nunc ipsam præsentis status Ecclesiæ, vt tunc erat, descriptionem ingreditur, qua septem scribit epistolas ad septem illas Ecclesias in Asia, sicut illi imperatum fuit cap. 1. 11. Huius descriptionis partes sunt septem, puta septem epistolæ Ecclesijs septem scriptæ. In singulis autem epistolis hæc quatuor in vniuersum sunt obseruanda: primum, mandatum scribendi Ioanni datum esse, & hæc verba, *Angelo Ecclesia scribe*, repeti, addito cuiusque Ecclesiæ nomine. Deinde, authorem epistolæ Iesum Christum eodem modo vbique serè describi, quo Ioannes eum viderat cap. 1. 13, 14, 15, 16. Tertiò, quanque epistolam constare laudè, vel vituperio, vel vtrisque. Postremò, epiphonema illud vers. 7. singulas epistolas claudere.

Angelo Ecclesia Ephesine] Tacita distributio totius cœtus illius in Angelum, & reliquum Ecclesiæ corpus. *Qui tenet septem stellas*] Christus, de quo suprà, cap. 1. 16. *Qui ambulat*] Vide cap. 1. 13.

Vers. 2.

Noni opera] Propositio duplex: vna laudis, vers. 2, 3. altera reprehensionis, vers. 4. cui annectit exhortationem, vers. 5, & solamen, vers. 6. De Nicolaitis vide infra vers. 15.

Vers. 7.

Qui habet aurem] Epiphonema, vt in vers. 1. dictum est. Vide Matth. 13. 9, 43. Apoc. 13. 9. *Victori dabo*] Posterior hæc pars epiphonematicæ conclusionis, duo continet: primum, magnum fidelibus restare in hac vita certamen: secundum, æternam felicitatem, quæ metaphoricè & periphrastice describitur esu arboris vitæ in medio cœlestis paradisi, vincentibus repositam. Vide infra 22. 14.

Vers. 8.

Epistola se-
cunda.

Angelo] Vide suprà in vers. 1. *Hæc dicit Primus*] Author secundæ epistolæ descriptus ita vt se exhibuit Ioanni cap. 1. 11, 17, 18. Vers.

Vers. 9, 10.

Noni opera] Epistola secunda constans laude, vers. 9. & cohortatione vers. 10. *Dierum decem*] q. d. Momentanea erit afflictio non annorum sed dierum, quæ non diu durabit. Vel de tertia persecutione Traiano auctore excitata exponi potest, quæ circiter decem annos duravit.

Vers. 11.

Qui habet] Vide supra vers. 7. *A morte secunda*] Id est, ab æterno exitio in inferno, Apoc. 20. 14. & 21. 8. Nam duplex est mors: prima, qua omnes mortui sumus in Adamo: altera, qua reprobi in æternum cruciabuntur cum diabolo & angelis eius in gehenna. Qui autem partem habent in prima resurrectione, & in Christo ac per Christum liberantur à prima morte, Rom. 6. in eos secunda mors non habet potestatem, Apoc. 20. 6.

Vers. 12.

Angelo] Vide supra in vers. 1. *Hac dicit qui habet romphæam*] Tertia epistola. Descriptio authoris huius epistolæ, desumpta ex cap. 1. 16.

Vers. 13.

Noni opera] Tertiæ epistolæ partes sunt tres: laus vers. 13. reprehensio vers. 14, 15. & hortatio, adiuncta conditionali comminatione, vers. 16. *Vbi thronus est Satana*] Id est, vbi Satanas habitat, ut est in fine versus. 13.

Vers. 15.

Doctrina Nicolaitarum] Nicolaus Antiochenus, vnus è septem diaconis, Act. 6. 5. author fuit huius sectæ, quæ promiscuos concubitus, & idolothytorum esum docuit.

Vers. 17.

Ex Manna] Manna duplex: vnum visibile & typicum, quo vescabantur Israëlitarum in deserto, Exod. 16. alterum verum in priori tanquam sub figura absconditum, de quo Christus Ioan. 6. 32, 49.

Calculus albus] Quadruplex fuit apud veteres calculorum vsus: modò enim in comitijs honores conferebant calculis albis, denegabant nigris: aliàs in iudicijs sententijsque ferendis reum albis lapillis absoluebant, & condemnabant nigris: tertio athletis maxima ludorum celebritate decertantibus & vincientibus præmij loco daretur

retur calculus: Denique Thraces solent calculos colore distinctos quotidie in vnam condere prout quisque dies illis felix videretur aut infortunatus, ac supremo die separatos dinumerare, ac ita de felicitate vel infortunio suo pronuntiare, vt inquit Plinius histor. natur. lib. 7. cap. 40. Ad quam istarum consuetudinum respexit hoc loco Christus parum interest, modo hoc teneamus, ipsum metaphorica ista locutione primum promittere vincentibus hostes animarum nostrarum. Possumus autem intelligere Spiritum sanctum, qui est arthabō hereditatis nostræ dum in terris peregrinamur, & id ipsum quod Spiritus sanctus in nobis obsignat, id est æternam vitam in cœlesti regno postquam hinc discesserimus.

Non enim nunc] Vt Esaiæ 56. 5. & 64. 2. nempe internum sanctorum gaudium, & gustum virtutum cœlestium in hac vita, atque plenam fruitionem in futura. Vide infra cap. 3. 10.

Vers. 18.

Epistola
quarta.

Angelo] Vide supra in vers. 1. *Hac dicit]* Author huius & ceterarum epistolarum alibi varijs modis descriptus tum cap. 1. 13. & c. & initio cuiusque epistolæ, hic palam dicitur Filius Dei. Vide supra cap. 1. 14, 15.

Vers. 19.

Novi opera] Huius epistolæ quatuor sunt partes: laus hoc versiculo, vituperatio vers. 20. admonitio vers. 21. & c. & conclusio, vers. 26.

Vers. 20.

Jezebel] Ita vocat mulierem quandam, quæ ad exemplum sceleratæ coniugis Achabi (de qua 1. Reg. 19. & 21. & 2. Reg. 9. 30.) non modo faucebat idololatriam, sed prophetias & revelationes mentita partem quandam gregis Thyatirensis in nassam suam pertrahabat. Eadem ratione Rufinus hist. ecclési. lib. 2. cap. 15. Iustinam coniugem Valentiniani magni appellat Jezebelem, quia ipsa Ariana molestias exhibuit multis, præsertim Ambrosio.

Vers. 21, 22, 23.

Et dedi] Tertia pars epistolæ, vt in vers. 19. diximus, nempe admonitio duplex: vna, ad Angelum Ecclesiæ, tribus his versiculis, vt supra in vers. 1. observauimus: altera, ad reliqua Ecclesiæ illius membra, quæ fictas revelationes & putidam

putidam doctrinam sceleratissimæ mulieris illius non amplectebantur, vers. 24. 25.

Summa prioris admonitionis est, vt mulier ista excommunicetur. Quum autem in excommunicatione duo sunt notanda, nempe officium ipsius Ecclesiæ, & iudicia Dei in excommunicatos: prioris Angelum admonet, vers. 21. scilicet vt Iezabelem istam satis diu toleratam eijciat e societate Ecclesiæ. q. d. ego iam diu toleraui & impuras eius scortationes, vt invitarem ad resipiscentiam, & vestram tarditatem, nunc igitur agite & eijcite eam: posterius se præstaturum pollicetur, vers. 22, 23. scilicet, vt eam excommunicatam varijs & dignis modis flagellet iudicijs suis. Nam solebat aliquando Deus illis primis temporibus excommunicatos ab Ecclesia & traditos Satanæ, manifesto aliquo iudicio grauitè vexare, vt de Stelliconis scriba ab Ambrosio excommunicato traditur, eum à malo spiritu vexatum fuisse. Idem de Anastasio dicitur dist. 19. cap. Anastasius. & de Ario omnium ferè scriptorum ecclesiasticorum testimonio confirmatur, ipsum intestina in forica egressisse. Montanus laqueo finiuit vitam.

Iudicia Dei in excommunicatos non semper cernuntur in hac vita, sed in futurum sepe differuntur.

Verf. 24. 25.

Vobis autem dico] Altera admonitio ad reliqua sana membra illius Ecclesiæ, quæ spurcissimâ pseudoprophetissæ doctrinâ non inficerentur. *Aliud onus*] q. d. etsi pseudoprophetissa ista nouas iactat reuelationes, & profundam doctrinam; tamen ego aliud onus, id est, aliam doctrinam vobis non imponam. Quod enim habetis scriptum in veteri & nouo testamento sufficit ad salutem, Ioan. 20. 31. & 2. Tim. 3. 16, 17. hoc tenete.

Verf. 26, 27, 28.

Ei denique qui vicerit] Conclusio, vt dictum est in vers. 19. *Potestatem in gentes*] Quatenus sumus corpus, cuius caput est Christus. Nam si militamus fortiter cum eo, simul regnabimus cum eo. Vide Psal. 149, 6, 7. Hoseæ. 6. 5. Heb. 4. 12. & 2. Cor. 10. 4. Apoc. 19. 15. *Stellam matutinam*] Quæ ita gloriam Dei (Apoc. 21. 23. & 22. 5.) antegreditur, vt stella Veneris quandoque solem exorturum. Vide Apoc. 22. 16. & 2. Pet. 1. 19.

Verf. 29.

Qui habet] Epiphonema, vt in vers. 1. diximus.

D

CAP.

CAP. 3.

1 **A**ngelo autem Ecclesie qua est Sardibus scribe, Hac dicit qui habet septem Spiritus Dei & septem stellas, Novi opera tua, nempe quod dicaris vivere, sed mortuus sis.

2 Esto vigilans, & confirma reliqua moribunda: non enim inveni opera tua plena coram Deo.

3 Memento igitur qua acceperis & audieris: serua igitur & resipisce Quod si non vigilaueris, veniam ad te tanquam fur, neque intelliges qua hora veniam ad te.

4 Habes tamen aliquot capita etiam Sardibus qua non inquinant vestimenta sua, ideoque incedent tecum albi: digni enim sunt.

5 Qui vicerit, amicietur vestimentis albis: neque delebo nomen eius ex libro vite, sed profitebor nomen eius coram Patre meo, & coram Angelis eius.

6 Qui habet aurem, audiat quid Spiritus dicat Ecclesijs.

7 Angelo vero Philadelphienfis Ecclesie scribe, Hac dicit Sanctus & verax ille, qui habet clavem Davidis: qui aperit, & nemo claudit: & claudit, & nemo aperit:

8 Novi opera tua: ecce, proposui tibi ostium apertum, nec quisquam potest claudere illud: quia nonnullam habes virtutem, & observasti sermonem meum, neque abnegasti nomen meum:

9 Ecce, praebebo eos qui sunt ex synagoga Satana, id est eorum qui dicunt se Iudeos esse, nec sunt, sed mentiuntur: ecce (inquam) faciam, ut veniant & adorent ante pedes tuos, & sciant quod ego dilexi te.

10 Quoniam observasti sermonem tolerantia mea, ego quoque te liberabo ex tempore tentationis, quod venturum est in orbem univrsam, ad explorandos incolas terra.

11 Ecce venio cito: tene quod habes, ut nemo accipiat coronam tuam.

12 Siquis vicerit, facia ut sit columna in templo Dei mei, nec foras egredietur amplius: & inscribam ei nomen Dei mei, & nomen civitatis Dei mei, id est nova Hierusalem, qua descendit de caelo a Deo meo, & nomen meum novum.

13 Qui habet aurem, audit quid Spiritus dicat Ecclesijs.

14 Angelo vero Laodicensium Ecclesie scribe, Hac dicet Amen, testis illa fidelis & verax principium opificij Dei:

15 *Noni opera tua, nempe te neq; frigidum esse, neque fervidum: utinam frigidus esses aut fervidus.*

16 *Itaque quoniam tepidus es, nec frigidus nec fervidus, futurum est ut te euomam ex ore meo.*

17 *Nam dicis, Dignus sum, & ditatus sum, & nullius egeo: Neque nosti te esse erumnosum, & miserabilem, & pauperem, & cecum, & nudum.*

18 *Consulor tibi ut emas à me aurum igni exploratum, ut dives fias: & vestimenta alba, ut induaris, nec appareat dedecus nuditatis tue: & collyrio inungas oculos tuos, ut videas.*

19 *Ego quoscunque amo, arguo & castigo: Ferve igitur ac resipisce.*

20 *Ecce, sto ad ostium, & pulso: si quis audierit vocem meam, & aperuerit ostium, ingrediar ad eum, & cenabo cum eo, & ipse quoque mecum.*

21 *Si quis vicerit, tribuam ut sedeat mecum in throno meo, ut & ego vici, & sedeo cum Patre meo in throno eius.*

22 *Qui habet aurem, audiat quid Spiritus dicat Ecclesys.*

ANNOTATIO.

Angelo] Vide in cap. 2. 1. *Hec dicit]* Descriptio authoris epistolæ accommodata causæ. Nam quum indormiebat Angelus Ecclesiæ, & mortua penè erat Ecclesia ipsa; Christus author epistolæ dicitur habere septem spiritus Dei, ut inter morituræ Ecclesiæ vitam restituat: & septem stellas, ut torpescentem Angelum excitet ad munus sedulo & strenue obeundum. Spiritus septem possumus intelligere vel Spiritum sanctum, quem Christus in Ecclesiam mittit Ioan. 15. 26. vel dona Spiritus sancti, quibus vivificantur mortui. De numero septenario diximus supra in cap. 1. 4. & v. bique ferè in ista Apocalypsi perfectionem denotat.

Epistola
quinta.

Noni opera] Partes huius epistolæ sunt quatuor: vituperatio reliquo hoc versiculo; exhortatio ad resipiscentiam vers. 2, 3. laus vers. 4. & conclusio vers. 5, 6.

Vers. 2, 3.

Esto vigilans] Exhortatio duplex: vna, priori hemistichio huius versiculi, cui adiuncta est ratio posteriori hemistichio: altera, initio vers. 3. cui adiungitur comminatio in fine vers. 3.

Vers. 4.

Habes] Tertia pars epistolæ, scilicet laus, cum adiuncto præmio. *Vestimenta*] Id est, iusticiam Christi in baptismo indutam (Galat. 3. 27.) malis operibus non inquinantur.

Vers. 5.

Qui vicerit] Quarta pars epistolæ, ut in vers. 1. diximus. *Albis*] Dealbatis in sanguine Agni, infra cap. 7. 14. & supra cap. 1. 5.

Vers. 6.

Qui habet] Epiphonema, ut in cap. 2. 1. dictum est.

Vers. 7.

Epistola
sexta.

Angelo] Vide in cap. 2. 1. *Hæc dicit*] Descriptio authoris epistolæ alludens ad cap. 1. 18. & Esaïæ 22. 22. Clauem Dauidis appellat collapsum illud Dauidis Tabernaculum, quod non solum crexit iuxta vaticinium Amos cap. 9. 11. & Act. 15. 16. sed etiam pro bona sua voluntate administrat & tuetur, videlicet spirituale regnum Christi in terris, quæ est Ecclesia & domus Dei viui. Habet igitur Christus clauem Dauidis, id est, regni & domus Dei.

Vers. 8.

Novi opera] Hæc epistola tota in laude ponitur, quæ per tres versiculos, 8, 9, 10. fusa est. Constat autem tribus partibus: præmio vers. 8, 9, 10. exhortatione ad perseuerantiam vers. 11. & conclusionem vers. 12. Præmium laudatis operibus ascriptum, triplex est: vnum præteritum vers. 8. alterum præsens vers. 9. tertium futurum vers. 10. *Ostium apertum*] Id est, facultatem promouendi Evangelij, & Ecclesiæ ædificandæ, ut 1. Cor. 16. 9.

Vers. 9.

Eccce præbo] Vide Esaïæ cap. 49. 7, 23. & 60. 14.

Vers. 10.

Ex tempore tentationis] Tertia persecutio, quam excitauit Traianus anno Christi 110. & decimo tertio post Apocalypsin istam.

Vers. 12.

Qui vicerit] Conclusio ut diximus in vers. 8. *Columna*] Ut Galat. 2. 9. *In templo Dei mei*] Id est, in Ecclesia militante in hoc

mundo, & triumphante in coelis. *Nomen Dei mei*] Id est, filius Dei vocabitur, Esaia 43. 20. & 1. Ioan. 3. 1. *Nomen ciuitatis*] Id est, ascriptus erit ciuis coelestis Hierusalem, vt Psal. 87. 5. *Nomen nonum*] Vt supra cap. 2. 17.

Vers. 14.

Angelo] Vide in cap. 2. 1. *Hac dicis*] Descriptio authoris epi- Septima e-
stolae partim ex cap. 1. 5, 18. petita, & praesenti causa accommo- pistola,
data.

Vers. 15.

Noni opera] Huius epistolae partes sunt quatuor: prima, est vi-
tuperatio vers. 15. cui adiungitur comminatio iudicij vers. 16. se-
cunda, est exhortatio ad resipiscenciam vers. 17, 18. tertia, ratio dua-
rum antecedentium partium, nempe vituperij vers. 19. & exhorta-
tionis vers. 20. postrema, conclusio trita vers. 21.

Vers. 21.

In throno meo] Vide Ioan. 14. 3. & 17. 21, 22, 24. Rom. 8. 17.
Philip. 3. 21. Luc. 22. 30.

D. 3

ANALY-

1. Prior	2. Cap. 3. modus
2. Que narrat	3. reuelationis
3. quid dicit	4. quod dicitur
4. hinc anno	5. hinc anno
5. hinc anno	6. hinc anno
6. hinc anno	7. hinc anno
7. hinc anno	8. hinc anno
8. hinc anno	9. hinc anno
9. hinc anno	10. hinc anno
10. hinc anno	11. hinc anno
11. hinc anno	12. hinc anno
12. hinc anno	13. hinc anno
13. hinc anno	14. hinc anno
14. hinc anno	15. hinc anno
15. hinc anno	16. hinc anno
16. hinc anno	17. hinc anno
17. hinc anno	18. hinc anno
18. hinc anno	19. hinc anno
19. hinc anno	20. hinc anno
20. hinc anno	21. hinc anno

Cap.

ANALYSIS. I. Cap. 4. & 5.

1. Cap. 4. de scripti- onem	1. Propositio summa bimenbris est vers. 2. vidit enim Ioannes	1. Insidentis throno vers. 3.	1. Thronum 2. Quendam insi- dentem throno.
2. Cap. 5. modū reuelationis, quo Deus cō- siliū suū patefacit ec- clesiæ. Sunt autem hīc duo loci,	2. Angelorum ministratium & stipantium, nempe	2. Expositio vtri- usque membri per hy- sterosum	1. Insidentis throno vers. 3. 2. Ex throno procedunt fulgura &c. vers. 5.
1. Prior rē or- dine narrat quinque di- stinctis mo- dis,	1. Quatuor anima- lium quorum	2. Throni	1. Thronum cir- cundant 2. Ex throno procedunt fulgura &c. vers. 5.
2. Posterior con- tinet triplicem hymnum cele- brantium Ag- num, nempe	2. Seniorum vi- ginti quatuor, qui	3. Ante thro- num sunt	1. Iris vers. 3. 2. Seniores vers. 4. 3. Lucernæ septem vers. 5. 4. Mare vitreum vers. 6.
			4. In medio throno & vndique sunt quatuor animalia vers. 6. 1. Forma vers. 7, 8. 2. Facta, honorem tribuunt insidenti throno vers. 8, 9. 3. Procidentes adorant, vers. 10. 4. Coronas abiciunt, vers. 10. 5. Laudem tribuunt Deo, vers. 10, 11.
			1. Insidens throno (id est, Deus) librum sig- natum tenet in dextra, vers. 1. 2. Angelus citat omnes creaturas ad librum legendum, vers. 2. 3. Nulla creatura potest legere librū, vers. 3. 4. Ioannes lachrymat, quia nemo potest li- brum legere, vers. 4. 5. Leo ex tribu Iudæ, Agnus mactatus legit librum, vers. 5, 6, 7.
			1. Quatuor Animalium, & viginti qua- tuor Seniorum vers. 8, 9, 10. 2. Infinitorum Angelorum, vers. 11, 12. 3. Omnium creaturarum, vers. 13. hīc subiungitur conclusio, vers. 14.

CAP. 4.

1 Post hac vidi, & ecce, ostium apertum in caelo: & vox prima quam audui tanquam tuba loquentis mecum, dicebat, Ascende huc, & ostendam tibi quae oporteat fieri postea.

2 Statim igitur fui correptus a spiritu: & ecce, thronus positus erat in caelo: & quidam throno infidebat.

3 Is qui sedebat, aspectu similis erat lapidi iaspidi & sardias: & in circuitu throni erat iris aspectu similis smaragda.

4 Et in circuitu sedis, sedilia vigintiquattuor: & super sedilia vidi vigintiquattuor seniores sedentes, amictos vestibus albis: & habentes super capita sua coronas aureas.

5 Prodebant autem e throno fulgura & tonitrua & voces: & septem lampades ignea ardentes ante thronum, quae sunt septem spiritus Dei.

6 Erat etiam ante thronum mare vitreum simile crystallo: & inter thronum, & in circuitu throni, quattuor animalia plena oculis ante & retro.

7 Animal autem primum erat simile leoni, & secundum animal simile vitulo, & tertium animal habens faciem velut homo, & quartum animal simile aquila volanti.

8 Et quattuor animalia singula per se habebant alas senas in circuitu, & intus plena erant oculis, die ac nocte sine intermissione dicentia, Sanctus, sanctus, sanctus Dominus Deus omnipotens, Erat, & Est, & Venturus est.

9 Et quum tribuebant illa animalia gloriam & honorem & gratiarum actionem ei qui throno infidebat, illi, inquam, viventi in secula seculorum.

10 Procidebant vigintiquattuor Seniores ante illum insidentes throno, & adorabant illum viventem in secula seculorum, & abiciebant coronas suas ante thronum, dicentes,

11 Dignus es Domine, qui accipias gloriam & honorem & virtutem: quia tu creasti omnia, & propter voluntatem tuam sunt, & creata sunt.

ANNOTATIO.

Postea aspxi] Haec tenus de prima visione, & de praesente statu Ecclesiae, ut supra in cap. 1. dictum est: sequitur visio secunda, & prophetiae futuri sequentis.

futuri status Ecclesiæ prophetia duplex: vna de Ecclesia in terris militante vsque ad cap. 21. altera de Ecclesia triumphante in coelis duobus postremis capitibus. Sed antequam ad istarum partium subdiuisiones veniamus, exponenda est visio hæc secunda capitibus duobus quarto & quinto comprehensa, qua propheta & Apostolus noster Ioannes ad hoc munus vocatur, & fides sequentium prophetiarum confirmatur. Duorum istorum capitum partes sunt omnino duæ: prima continet summam visionis cap. 4. secunda exponit modum reuelationis sequentium prophetiarum cap. 5. Visio cōstat descriptione duplici: vna gloriæ & maiestatis Dei vers. 2. & sequentibus ad vers. 7. altera Angelorum ministrantium inde ad finem vsque capituli. Atque hæc generatim dicta sunt, nunc verba & contextum expendamus.

Postea aspectus] Primus hic versus continet manifestam transitionem à præcedente descriptione ad prophetiam futurorum. *Ostium apertum*] Vide Act. 7. 56.

Vers. 2.

Statim igitur] Id est, comparatus fuit ad suscipiendum oraculum, vt cap. 1. 10. Ezech. 1. 3. & 2. 2.

Visio maiestatis diuinæ.

Et ecce thronus] Visio ipsa, vt supra paulum diximus, cuius summa propositio reliquo hoc versu continetur, expositio autem vers. 3. Propositio bimembris est, vidit enim Ioannes in primis thronum in cælo positum, deinde quendam throno insidentem. Quemadmodum Moses Exod. 24. 10. Esaias cap. 6. Michea 1. Reg. 22. 19. Ezechiel cap. 1. & 8. Daniel cap. 7. & 10. viderunt Deum gloriæ regum terrenorum more solio sublimi insidentem tanta cum maiestate, quantam humana imbecillitas ferre potuit: eodem modo hic adumbratur maiestas diuina, vt infra patet vers. 8, 9, 10.

Vers. 3.

Expositio visionis.

Is autem qui] Expositio vtriusque membri in propositione antecedente, ac primum eius qui infidebat throno, priori hemistichio huius versiculi; deinde throni, posteriori hemistichio & tribus versiculis sequentibus. Qui throno insidet, id est, Dominus Deus ille omnipotens infra vers. 8. & c. & cap. 7. 10. dicitur similis esse lapidi iaspidi & sardio, id est, gloriosissimus. De gemmis vide Plinium lib. 37.

Et

Et in circuitu] Thronum quatuor modis describit: primò, cum circumdant iris vers. 3. & Seniores viginti quatuor super totidem sedilia sedentes vers. 4. secundo, ex throno procedunt fulgura & tonitrua & voces priore parte vers. 5. tertio, ante thronum sunt septem lampades igneae ardentes posteriore parte vers. 5. & mare vitreum priore hemistichio vers. 6. quarto, infra & intus thronum sunt quatuor animalia, posteriore hemistichio vers. 6.

Iris] Quæ ornatus causa circumdat thronum, vt augustior appareat diuina maiestas.

Viginti quatuor Seniores] Id est, angelorum quidam ordo. Nam ordines quosdam esse Angelorum bonorum, & varios gradus, non quidè naturæ & creatione, sed ratione ministerij & officij, ad quod mittuntur & adhibentur à Deo, ex multis sacre scripturæ locis colligimus. Luc. 2. 9. Angelus Domini apparuit pastoribus, & vers. 13. repente adfuit cum Angelo multitudo exercituum cœlestium. Item Coloss. 1. 16. sunt throni, dominia, imperia, potestates. Est etiam Archangelus 1. Thess. 4. 16. Varia sunt autem Angelorum ministeria: Quandoque enim sustinent trahuntque currus Domini, & dicuntur quatuor animalia Ezech. 1. & 3. & 8. & 10. & hoc capite infra, vers. 6. Aliquando mittuntur ad perambulandum terram, & sunt equites Zach. 1. 8. 10. Aliquando tanquam satellites regij vel Consiliarij maiestatem diuinam circumdant, vt augustius illam nobis representent, & dicuntur Cherubim & Seraphim, vt Esaia 6. aut Seniores vt hoc in loco. Quòd autem istos viginti quatuor Seniores dico Angelos esse, non ratione caret, vt mihi videtur. Nam homines viui vel mortui, militantes in terris vel triumphantes in cœlis esse nequeunt, quia nusquam horum comitatu stipata decoris venerationisque causâ sese videndam exhibet maiestas diuina. His itaque bonorum omnium pacè dimissis, sic statuo; quæ hoc libro reuelantur omnia, ea Christum Angelorum (non hominum viuorum aut mortuorum) ministerio seruo suo Ioanni significare, vt supra vidimus cap. 1. vers. 1. At ex istis viginti quatuor Senioribus vnus mysterium patefacit Ioanni infra cap. 5. 5. & alter cap. 7. vers. 13. 14. Sunt igitur Angeli. Quod attinet ad reliquam istorum 24. Seniorum descriptionem, intelligendum est, visiones in vniuersum omnes hic & ubique ad rectum suarum argumenta accommodari debere. *Vestibus albis*] Id est, splendidissimis, quales à regibus ferebantur. Sic enim Angeli apparent amicti Matth. 28. 3. Ioan. 20. 12. Act. 1. 10. *Coronas*

Descriptio
throni.

Seniores 24.
sunt angeli.

Ordinis an-
gelorum.

Ministeria
angelorum.

nas] Quibus significatur consiliarios Dei esse reges maiestatis per-
ornandæ gratiâ. Sic gloriatur Assyrius principes suos esse reges, E-
saïæ 10.8.

Vers. 5.

Fulgura] Angeli alij fulgura, & tonitrua, & voces proferebant, vt
in lege ferenda Exod. 19.16. & infra sæpè, præcipuè cap. 19.5,6.
Et cap. 10.3,4. dicuntur esse septem tonitrua. vide cap. 6.1.

Lampades
significant
Spiritus
sanctum.

Lampades] Sunt typi figurantes Spiritum sanctum, vt verba se-
quentia interpretantur. Porro Ioannes post acceptam hanc visionem,
in communi salutatione, quam præmisit supra cap. 1.4. gratiam
precatur & pacem à septem istis Spiritibus, quo indicat Spiritum
sanctum his lampadibus repræsentari, quia gratiam nisi à Deo non
licet precari. Sicut igitur Spiritus sanctus figuratus fuit specie co-
lumbæ Matth. 3.16. & dispartitarum linguarum Act. 2.3. ita hic sep-
tem lampadibus adumbratur. Et vt Agnus dicitur lucerna Apoc.
21.23. ita hic lampades sunt Spiritus sanctus, quia vt Tabernacu-
lum septem Exod. 25.31,37. & Templum decem lucernis colluce-
bat 1. Reg. 7.49. ita Spiritus sanctus inhabitans in electis vt in pro-
prio templo seu tabernaculo 1. Cor. 3.16. & 2. Tim. 1.14. eos illumi-
nat vera cognitione Dei, & motus sanctos accendit in eis. Itaque
Paulus monet Theſſalonicenses, ne Spiritum extinguant 1. Theſſ. 5.
19. & Timotheum, vt donum Dei quod in se est, reardescere faciat
2. Tim. 1.6. Et Lucas ait, Considera ergo num lumen quod in te est,
tenebræ sint Luc. 11.35.

Vers. 6.

Mare vitreum] Id est, pavementum pedibus diuinæ maiestatis
substratum, simile erat mari vitreo, quasi ipse in mari vt in pavimen-
to incederet. Eodem fere modo apparuit Moſi Exod. 24.10.

Quatuor a-
nimalia
sunt angeli.

Quatuor animalia] Sunt Angeli sustinentes thronum, & trahen-
tes currum Dei, vt ex Ezechielis capite primo & decimo liquet ma-
nifesto. Ibi etiam dicuntur Cherubim cap. 10.15. Deus autem insi-
dens Cherubinis volat Psal. 18.11. Et currum Dei duæ sunt myria-
des, multa millia Angelorum Psal. 68.18. Infra quoque cap. 6.1,3,
5,7. & cap. 15.7. horum ministerio vitur Deus in patefacienda
prophetia ista, ex quo constat Angelos esse, vt supra in vers. 4. obser-
uauimus.

Inter thronum & quæ thronum ambiebant] Id est, sicut duode-
cim

cim ænei boues fufum lacum ſibi impoſitū ſuſtinebant 1. Reg. 7. 25. Angeli ſuſti-
ita hæc quatuor animalia thronum Dei ſuſtinent, poſterioribus eorū nent thro-
intus, intra thronum ſed ſub throno latentibus; prioribus, nempe ca- num Dei.
pitibus, ceruicibus, pectoribus foras vndique & omni ex parte pro-
minentibus.

Plena oculis] Vt Ezech. 1. 6. vnumquodque horum animalium
quaternos habet vultus, quibus figuratur omnimoda aptitudo ad
iuſſa Dei nullo negotio capeſſenda in omnes partes: ita hoc loco
ſunt oculis plena vndique, quibus ſignificatur etiam omnimoda ap-
titudo & promptitudo ad omnes mundi partes videndas & obeun-
das vt eundo opus non habeant conuertere vultus, in quo eſſet me-
ra. Nam ſine mora, ſine conuerſione voluntatem Dei expedite fa-
ciunt. Omnia ſunt eis anteriora & ante oculos poſita quocunque
eant, nulla ponè aut à tergo relictæ.

Verſ. 7.

Animal autem] Hactenus deſcripta eſt maietas diuina, ſequitur Deſcriptio
Angelorum iſtorum, nempe viginti quatuor Seniorum, & quatuor angelorum.
animalium deſcriptio, vt ſuprà in verſ. 1. diximus: ac primum qua-
tuor animalium tribus verſibus, deinde Seniorum 24. duobus vlti-
mis verſibus. Animalia deſcribuntur partim ex forma verſ. 7. &
priori parte verſ. 8. partim ex factis poſteriore parte verſ. 8. & verſ. 9.
Atque in primis quatuor ſimilitudinibus exponitur eorum forma
iſto verſu, tum ex partibus duabus, alis & oculis, initio verſ. 8.

Animal autem primum erat ſimile leoni] Primum aſſimilatur Angelorum
leoni, propter fortitudinem & potentiam: ſecundum vitulo, propter qualitates.
miniſterium ſeruile & laborem indefeſſum: tertium homini, prop-
ter prudentiam: quartum aquilæ, propter pernicitatem in officio
exequendo. Sed & hoc quoque intelligendum eſt, non vnum tan-
tùm ex animalibus ſimile eſſe leoni, alterum homini, tertium vitu-
lo, poſtremum aquilæ, ſed vnumquodque ex iſtis quatuor anima-
libus quatuor iſtis qualitatibus præditum eſſe, & de ſingulis intel-
ligi debere, quod de omnibus dicitur, nempe in ſingulis ſummam
eſſe potentiam, diligentiam, ſapientiam, & celeritatem exequendi
mandata omnipotentis Dei.

Verſ. 8.

Alas ſenas] Quarum binis tegebant faciem ſuam, & binis tege- Angeli a-
bant lati.

bant pedes suos, ac binis volabant, vt inquit Esaias cap. 6. vers. 2. Binis tegebant faciem suam, quia ne Angeli quidem immensum fulgorem maiestatis Dei valent intueri. Binis tegebant pedes suos, vel corpora sua, vt inquit Ezechiel cap. 1. vers. 11. & 23. propter Ioannis iam tum intentis oculis ad eos sursum versus aspicientis, infirmitatem. Nam sicut facies Moysis ex præsentia maiestatis per dies quadraginta adeo splendebat vt Israëlita non potuerint aspectum eius ferre, sed velamen faciei suæ imponere necesse habuit, quando loquebatur cum eis, Exod. 34. 29. ita Angeli, qui perpetuâ præsentiâ maiestatis diuinæ fruuntur, resurgent, vt eos intueri non valeat hebes oculorum nostrorum acies, quæ à splendore solis vincitur sapè.

Plena erant oculis] Id est, nihil temerè faciunt, ne alas quidem mouent nisi motu considerato. non modo enim aptitudo ad omnia mandata Dei exequenda inest Angelis, vt supra in vers. 6. obseruatum est, sed etiam motu composito agunt quicquid agunt.

Sanctus, sanctus, sanctus] Factum Angelorum, vt in vers. 7. dictum est, quo enarrant totam præcedentem visionem. q. d. hoc totum quod exhibitum fuit, nihil aliud est, quàm gloria & maiestas omnipotentis Dei, vndique stipata Angelis laudem eius iugiter buccinantibus.

Vers. 10, 11.

Et quum tribuebant] Quod fecerint quatuor animalia vers. 8, 9. id faciunt viginti quatuor Seniores. Primum procidentes adorant insidentem throno: deinde abijciunt coronas ante thronum vers. 10. tertio gloriam Deo tribuunt: postremo rationem reddunt vers. 11.

CAP. 5.

I Deinde vidi ad dexteram eius qui insidebat throno, librum scriptum intus & à tergo, obsignatum sigillis septem.

2 Et vidi Angelum fortem predicantem vocem magna, Quis est dignus qui aperiat librum, & soluat eius sigilla?

3 Nemo autem poterat neque in caelo, neque in terra, neque sub terra, aperire librum, neque eum inspicere.

4 Flebam igitur ego multum, quod nemo dignus inuentus esset qui aperiret & legeret librum, nec qui eum inspiceret.

5 Tum vnus ex senioribus dicit mihi, Ne fletis: ecce, viciit Leo ille

ex tribu Iuda, stirps Davidis, ut aperiat librum, & soluat septem eius sigilla.

6 Aspexi igitur, & ecce inter thronum & quatuor animalia, & inter seniores illos, Agnus stans tanquam mactatus, habens cornua septem, & oculos septem, qui sunt septem Spiritus Dei missi in omnem terram.

7 Is venit & accepit librum ex dextra eius qui throno insidet.

8 Quumque accepisset librum, quatuor illa animalia, & viginti-quatuor illi seniores prociderunt coram Agno, habentes singuli citharas, & phialas aureas, plenas suffituum, quae sunt preces sanctorum.

9 Et cecinerunt canticum novum, dicentes, Dignus es qui accipias librum, & aperias eius sigilla: quoniam mactatus es, & redemisti nos Deo per sanguinem tuum, ex omni tribu, & lingua, & populo, & natione.

10 Et fecisti nos Deo nostro reges & sacerdotes: & regnabimus super terram.

11 Tum aspexi, & audiui in circuitu throni & animalium & seniorum, vocem Angelorum multorum, numero millies centena millia, & centena millia:

12 Dicentes voce magna, Dignus est Agnus, ille mactatus qui accipiat virtutem, & diuitias, & sapientiam, & fortitudinem, & honorem, & gloriam, & benedictionem:

13 Sed & omnem creaturam quae in caelo est, & quae super terram, & sub terra, & in mari, & quae in eis sunt omnia, audiui dicentia, Sessori throni & Agno benedictio, & honor, & gloria, & robur, in secula seculorum.

14 Quatuor autem animalia dicebant, Amen. & vigintiquatuor seniores prociderunt in facies suas, & adorarunt eum qui vivit in secula seculorum.

ANNOTATIO.

Deinde vidi] Secunda pars huius secundae visionis, ut in cap. 4. 1. dictum est. q. d. primò vidi thronum in caelo positum cap. 4. 2. secundò vidi ad dextram vel in dextra (vers. 7.) eius qui insidebat throno librum, &c. Continet autem modum quo mysteria Dei reuelantur Ecclesiae, nempe per Iesum Christum Dominum nostrum, qui est in sinu Patris Ioan. 1. 18. & quaecunque audiuit à Patre reuelat nobis Ioan. 15. 15. Huius secundae partis loci sunt in vniuersum

Prophetia
sequens re-
velatur per
Christum.

sum duo : prior rem ordine narrat, prout gesta erat, quinque distinctis modis : primò enim qui throno insidet, id est, Deus, librum signatum tenet in dextra vers. 1. secundò, Angelus quidam citat omnes creaturas ad lectionem libri vers. 2. tertio, nulla creatura potest legere librum vers. 3. quartò, Ioannes vbertim lachrymat quia nemo potest librum legere vers. 4. quintò, Leo ille ex tribu Iudæ, Stirps illa Dauidis, nempe Agnus mactatus librum accipit vt deinceps aperiat ac legat vers. 5, 6, 7. Posterior locus continet triplicem hymnum celebrantium Agnum illum; ac primùm duorum ordinum Angelorum nempe quatuor Animalium, & viginti quatuor Seniorum vers. 8, 9, 10. Deinde infinitorum Angelorum vers. 11, 12. Denique omnium creaturarum vers. 13.

Librum] Qui continet argumentum sequentium prophetiarum vsque ad cap. 12. vt deinceps dicetur initio cap. 6. aperitur autem & exponitur cap. 6. & sequētib; vide Ezech. 2. 9. & infra cap. 10. 9, 10.

Vers. 5.

Tum unus ex Senioribus] Hinc patet Senior. Istos viginti quatuor ordinem aliquē Angelorum repræsentare, vt suprâ in cap. 4. dictum est. Nam Ioannes Apostolus tantopere dilectus paratior erat ad docendum quàm ad discendū, si conferatur cum hominibus viuis aut mortuis. Erat enim Apostolus. Mortuorum sanctorum operâ seruos suos in terris militantes non instituit Dominus de sua voluntate. Apparentes Moses & Elias Matth. 17. 3. cum Christo quidem colloquuntur, sed quid dixerunt sanctè nescitur. Petro, Ioanni, aut Iacobo ne Gry dixerunt. Testimonia fortassis erant resurrectionis, quia Moses olim mortuus adhuc viuit. Petenti diuini Luc. 16. 27. vt mortui mitterentur domum patris sui, qui fratres moneant, non annuit Dominus, sed eos ablegauit ad verbum Dei scriptum. Angelorum autem ministerio voluntatem suam patefecit sæpè Deus tum prophetis Dan. 7. 9. & 8. 16. & 9. 21. & alibi. tum Apostolis Act. 1. 9, 10. & 10. 13. & 27. 23.

Leo] Iesus Christus, Gen. 49. 9. &c. *Stirps Dauidis*] Esaia 11. 1.

Vers. 6.

Agnus] vide Ioan. 1. 29. *Cornua septem*] Id est, plenam potestatem, & absolutum imperium, quod cornibus sæpè figuratur in scriptura. Habak. 3. 4. *Oculos septem*] Tribus modis hic locus potest exponi:

poni: primum de Spiritu sancto, vt verba sequentia videntur innuere: Tum de infinita prouidentia Christi, vt Zach. 3. 9. & 4. 10. postremò de Angelis ministrantibus Christo, vt Zachar. 1. 10, 11. Psal. 97. 7. Heb. 1. 6. Hæc postrema interpretatio mihi præ cæteris placet.

Vers. 8.

Habentes citharas & phialas] Suprà in cap. 4. vers. 4. & 6. ostendimus viginti quatuor Seniores & quatuor Animalia representare ordines quosdam Angelorum. Hic verò ceremonijs legis Mosaicæ figuratur cultus ille quem Deo exhibent. q. d. vidi Angelos illos paratos ad laudandum Deum. Hæc enim omnia exhibita fuerunt Iohanni in visione. Quemadmodum igitur Deus non habet certum thronum in aliquo cœli angulo positum, nec in certo aliquo loco sedere potest, qui omnia implet, sed hoc modo ad captum nostrum adumbratur diuina maiestas ex parte: ita & de Angelis dicendum est; non sedent super sedilia, non habent oculos, nec alas, non ora, non citharas, non phialas denique, neque sunt ex aliqua tribu (vers. 9.) sed hæc omnia figuratè dicuntur, vt hoc modo nos hebetes & inepti ad percipiendas res cœlestes & inuisibiles, informemur de potentia, prouidentia, & bonitate Dei, item de ministerijs Angelorum.

Angeli Deum colunt.

Vers. 9.

Redemisti nos] Id est, corpus illud ecclesiæ, cuius nos sumus membra, infrà, cap. 12. 10. & 19. 10. & 22. 9. & Heb. 12. 22. Ita loquitur Christus Matth. 24. 9. Tunc tradent vos, id est, fratres & conseruos vestros, & vers. 23. Si quis dixerit vobis, id est, conseruis & fratribus vestris, & vers. 33. ita & vos, id est, fratres & conserui vestri. Multis enim seculis mortui sunt Apostoli & sepulti antequam implerentur prophetiæ illæ quas dixi, & de quibus concionatur Christus Matth. 24. 9. & c. Porro aliter loquuntur infrà cap. 11. vers. 18. *Es des premium seruis tuis Prophetis, & c.*

CAP.

CAP. 6.

Prophetia
futuri sta-
tus Ec-
clesiæ

1. Militā-
tis: est-
que du-
plex

1. Prior continet
prædictionem re-
rum futurarum in
Ecclesia quatuor
distinctis tempo-
ribus,

2. Posterior cap. 12.

2. Triumphantis cap. 21. & 22.

1. à prima euangelij promul-
gatione ad Constantinum
Magnum cap. 6. ad vers. 12.

2. à Constantino Magno ad in-
staurationē euangelij cap. 6.
vers. 12. &c. ad cap. 10.

3. Ab instauratione euangelij
ad finem seculi cap. 10. &c.
ad cap. 11. vers. 14.

4. In fine seculi cap. 11. vers. 15.
&c. ad finem capitis.

ANALYSIS. Cap. 6.

1. Promulgationem Euangelij per orbem terrarum hostibus in-
vitis, sigillo primo, vers. 1, 2.

Cap. 6. con-
tinet res
gestas per
annos
trecentos

2. Tria genera calamitatum

1. Gladium, sigillo secundo, vers.
3, 4.

2. Famem, sigillo tertio, vers. 5, 6.

3. Pestem, sigillo quarto, vers.
7, 8.

3. Salutem martyrum Iesu Chiristi sigillo quinto, vers. 9, 10, 11.

4. Poenam improborum

1. Persequentium,
sexto sigillo, vers.
12.

2. Incredulorum, si-
gillo septimo,
cap. 8. 1.

ab his liberā-
tur electi,
cap. 7.

CAP. 6.

1 **P**ostea aspexi, quum aperuisset Agnus primum ex sigillis, & audiui unum ex quatuor animalibus dicens, tanquam vocem tonitruum, Veni & vide.

2 Aspexi igitur, & ecce, aderat equus albus: & qui insidebat ei habebat arcum, & data est ei corona, & prodijt vincens, & ut vinceret.

3 Quumq; aperuisset sigillum secundum, audiui secundum animal dicens, Veni, & vide.

4 Et prodijt alius equus rufus: & ei qui insidebat super eum, datum est ut tollat pacem e terra, ut alij alios mactent: datumque est ei gladius magnus.

5 Et quum aperuisset sigillum tertium, audiui tertium animal dicens, Veni, & vide. Aspexi igitur, & ecce, equus niger aderat: & qui insidebat ei, habebat stateram in manu sua.

6 Et audiui vocem in medio quatuor animalium dicentem, Chœnix tritici denario, & tres chœnices hordei denario: & vinum & oleum ne laferis.

7 Quumq; aperuisset sigillum quartum, audiui vocem quarti animalis dicentem, Veni & vide.

8 Tum aspexi, & ecce aderat equus pallidus, & eius qui insidebat ei, nomen erat Mors: & infernus sequebatur eam, datumque est ei in quadrantem terre potestas trucidandi gladio, & fame, & morte, perque terrestres feras.

9 Quum vero aperuisset sigillum quintum, vidi sub altari animas eorum qui mactati fuerant propter verbum Dei, & propter testimonium quod tuebantur.

10 Clamabant autem voce magna, dicentes, Usquequo Domine, qui sanctus es & verax, non iudicas ac vindicas sanguinem nostrum de ijs qui habitant in terra?

11 Tum data sunt singulis stola alba, & dictum est eis ut requiescerent adhuc paululum temporis, usquequo compleantur etiam conferui eorum & fratres eorum, qui trucidandi sunt sicut & ipsi.

12 Deinde aspexi quum aperuisset sigillum sextum, & ecce terra motus magnus factus est: & sol factus est niger ut saccus cilicinus, & luna tota facta est ut sanguis:

13 *Et stella cœli ceciderunt in terram, sicut ficus abiecit grossos suos quum vento magno concutitur.*

14 *Et cœlum abscessit sicut liber qui conuoluitur: & omnes montes & insulae suis locis motæ sunt:*

15 *Et reges terræ, proceres, & diuites, & tribuni, & potentes, omnesque tum serui tum ingenui absconderunt se in speluncis & in petris montium:*

16 *Et dixerunt montibus & petris, Cadite super nos, abscondite nos à conspectu eius qui insidet throno, & ab ira Agni:*

17 *Nam venit dies ille magnus ira illius: & quis poterit stare?*

ANNOTATIO.

Distributio
totius pro-
phetiæ se-
quentis,

Exposita visione secunda duobus proximis capitibus quarto & quinto; succedit futuri status Ecclesiæ prophetica reuelatio, quam initio capitis quarti duplicem esse diximus: vnam de Ecclesia in hoc malo mundo militante sub cruce vexilloque Christi vsque ad cap. 21. alteram de triumphante in cœlis Ecclesia duobus postremis capitibus. Priorem prophetiam de militante Ecclesia bis sub diuersis figuris expositam atque præmonstratam habemus. Primò ab hoc loco vsque ad cap. 12. secundò eadem sed diuerso modo repetitur cap. 12. & sequentibus ad cap. 21. Neque insolens est rem eandem sæpius in scriptura sacra iterari. Esaias & Babylonis ruinam prædicit cap. 13. & eandem postea bis repetit, nempe cap. 21. & cap. 47. Visio Danieli oblata cap. 7. iteratur bis in reliqua prophetia, scilicet cap. 8. & cap. 11. Hæc ipsa prophetia futuri status Ecclesiæ militantis bis exponitur à Christo Matth. 24. primùm à versu quarto incipiente ad vers. 15. deinde nouo sumpto exordio vers. 15. & sequentibus ad vers. 32. Quare mirum videri non debet, quòd eandem prophetiam bis expositam dico. Atque hanc genuinam esse huius prophetiæ distributionem animaduersuros esse cōfido omnes qui penitus in rem introspexerint. Primam autem prophetiam istis sex capitibus comprehensam in quatuor video tempora distinctam. Primùm enim res futuras in Ecclesia & propter Ecclesiam à Christo ad Constantinum magnum prædicit quinque primis sigillis reueratis cap. 6. Secundò, à Constantino magno vsque ad restorationem Ecclesiæ superioribus his annis factam per Wiclesum, Hussium, Lutherum & cæteras Ecclesiæ lucernas sigillo sexto cap. 6. vers. 12. &c. Tertio, à restituto orbi Euangelio ad finem seculi cap.

Prior pro-
phetia in
quatuor tē-
pora distri-
buitur.

10. & tredecim primis versiculis cap. 11. Quartò, finis huius mundi tuba septima cap. 11. vers. 15. & sequentibus quatuor ad finem illius capitis. Atque hæc est prophetica huius reuelationis periocha. Nunc singula quo sunt proposita ordine videamus.

Vers. 1.

Postea aspexi] Huius capitis partes, si rem ipsam spectas, sunt Distributio
quatuor : prima est promulgatio Euangelij vers. 1, 2. Secunda est de huius capi-
calamitatibus sequentibus inde ad vers. 9. Tertia de salute martyrum tis,
vers. 9, 10, 11. Quarta de pœna hostium Ecclesiæ vers. 12. & sequen-
tibus ad finem capitis. Quòd si temporis habeatur ratio, tria tem-
pora cõtinet hoc caput: primum promulgationis Euangelij vers. 1, 2.
Secundum rerum gerendarum à prima illa & gloriosissima prædi-
catione Euangelij vsque ad Constantini magni tempora, quando
Deus eodem ferè momento ultus est cædes martyrum, & pacem
concessit Ecclesiæ vers. 3. & sequentibus ad vers. 12. Tertium iudi-
ciorum Dei in hostes Ecclesiæ diebus Constantini vers. 12. &c.

Vnum ex quatuor illis animalibus] Vide suprâ quæ diximus in
cap. 4. 6.

Vers. 2.

Equus albus, & qui insidebat ei] Eques iste est Iesus Christus mi-
nisterio Euangelij per totum orbem terrarum equitans, vincens, & Primum
euertens omnem sublimitatem quæ extollitur aduersus cognitio- tempus, sci-
nem Dei, & captiuam ducens somnrem cogitationem ad obediendū licet prædi-
sibi. Hanc interpretationem nobis suppeditatur infrâ cap. 19. vers. cationis eu-
11, 12, 13. Equo rufo insidet Christus Zach. 1. 8. Initium prædi- uangelij,
tionis Euangelij factum est à Ioanne Baptista, à Christo & Aposto-
lis eius. Tum post resurrectionem Christus Apostolos amandauit
in vniuersum mundum Marc. 16. 15. Act. 1. 8. Quàm strenuè ope-
ram nauarunt Apostoli, & quàm potenter operatus est Christus
ministerio illorum, constat. Rom. 10. 18. Coloss. 1. 6, 23. & Lucas o-
stendit in Actis Apostolorum. Quàm longè latè que spargeretur E-
uangelium scribit Eusebius per totum librum secundum Ecclesia-
sticæ historiæ, & capite primo libri tertij, & illum sequutus Nice-
phorus libro toto secundo & lib. 3. cap. 1. item Hieronymus in Ca-
talogo. Hoc obseruandum est, initium tantum promulgationis E-
uangelij designari, cuius nullus erit finis ante consummationem se-
culi.

Vers. 3.

Secundum
tempus, af-
fectionis
nempe.

Secundum tempus, vt in vers. 1. dictum est, quo paucis significatur res gestæ in Ecclesia & propter Ecclesiam à prima illa publicatione Euangelij ad Constantinum magnum Matth. 24. 7. Rerum istarum duo summa sunt capita, naturâ non tempore inter se distincta: vnum calamitatum cōmunium tum probis tum improbis sex versiculis: alterum salutis electorum, qui etsi in mundo affigerentur miserrimiq; viderentur toto illo calamitatis tempore, postquam tamen ex hoc mundo migrauerint beati esse cœlesti voce prædicantur vers. 9, 10, 11. Calamitatum illarum tria hîc notantur genera, naturâ non tempore differentia, vt modò dictum est, nempe illa, quorum toties meminit scriptura, gladius secundo sub sigillo figuratus equo rufo vers. 3, 4. fames equo nigro significata vers. 5, 6 & pestis pallido equo denuntiata vers. 7, 8. Nam inter quinque illa diuinorum iudiciorum genera ordine commemorata Leuit. 26. vers. 14. & sequentibus, hæc tria gladius, fames, pestis connumerantur, atque in prophetis legis diuinæ interpretibus sæpè repetuntur, vt Jerem. 24. 10. & 29, 17. Ezech. cap. 14. vers. 13. & sequentibus, & a libi passim.

Vers. 4.

Bellum.

Persecutio-
nes decem
primæ.

Equus rufus] Equus iste, & gladius equiti datus insignia sunt bellicorum tumultuum qui acciderunt totos trecentos annos à Christo ad Constantinum. Sed bella ista duobus modis geruntur, partim enim in vniuersum pacem tollunt è terra, præsertim ab Ecclesia; partim alij alios interficiunt, quod infidelibus & hostibus Christi contigit. Hæc igitur duo capita paucis sunt illustranda. Quod autem pacem Ecclesiæ perturbarūt prima illa trecentorum annorum tempora, loquuntur decem notissimæ illæ persecutiones, quas excitarūt crudelissimi tyranni Imperatores Romani martyrocidæ, adeo vt omnia regna, prouinciæ, vrbes, pagi sub Romana ditione Christianorum sanguine toto ferè spatio illo maduerint. Historiâ persecutionum scripserunt copiosè Eusebius, Orosius, Abbas Vrspergensis, Nicephorus & alij.

Primam excitauit sæuus tyrannus Nero, vt ait Tertullianus Apolog. cap. 5. anno à Christo nato 66. de qua vide Euseb. hist. ecclesiast. lib. 2. cap. 25. Orosium lib. 7. cap. 7. Nicephorum lib. 2. cap. 36. Et Vrspergensem.

Secundam

Secundam concitauit Domitianus anno Christi 96. Tertullianus Apologet. cap. 5. Euseb. lib. 3. cap. 17. Orosius lib. 7. cap. 10. Abbas Ursperg.

Tertiam mouit Traianus Hispanus anno Christi 110. Euseb. lib. 3. cap. 32. Orosius lib. 7. cap. 12. Niceph. lib. 3. cap. 16. Abbas.

Quartam exercuit Antoninus anno Christi 170. vel 178. Orosius lib. 7. cap. 15. Abbas. Euseb. lib. 5. cap. 1.

Quintam Seuerus intulit anno Christi 204. Euseb. lib. 6. cap. 1. Orosius lib. 7. cap. 17.

Sextam concitauit Maximinus anno 238. Euseb. lib. 6. cap. 28. Orosius lib. 7. cap. 19.

Septimam Decius mouit anno Christi 252. Euseb. lib. 7. cap. 1. Orosius lib. 7. cap. 21.

Octauam Valerianus concitauit anno Christi 258. Euseb. lib. 7. cap. 10. Orosius lib. 7. cap. 22.

Nonam commouit Aurelianus anno Christi 273. vel 278. Euseb. lib. 7. cap. 30. Orosius lib. 7. cap. 23.

Decimam accendit Diocletianus anno Christi 306. Euseb. lib. 8. & 9. Orosius lib. 7. cap. 25.

Hunc rabidum in Christianos furorem ultio cœlestis subsecuta est, quæ persecutores Ecclesiæ grauissimis iudicijs vindicauit, idque tribus præsertim modis. Nam quidam manus sibi intulerunt, vt Pilatus Euseb. lib. 2. cap. 7. Nero, Orosius lib. 7. cap. 7. Otho, Orosius lib. 7. cap. 8. & alij multi. Quidam occulta vi aut fraude fuerint trucidati: alij denique sese mutuis bellis laceffentes, innumerabiles ediderunt strages, vt in bellis Parthicis, Persicis, Marcomannico & Germanico. Sed hoc tempore & loco satis erit huic instituto nostro factum, si ostendero quali mortis genere truculenta illa septiceps bestia, Romanam nobis figurans monarchiam, Imperatores scilicet Romani qui prædictas decem mouerint persecutiones, finiuerunt vitam. Cætera iustam poscerent historiam. 1. Nero aliquid mali semper moliens, vbi ex Hispania Sergium Galbam aduentare didicit, Senatusq; sententiâ decretum esset, vt collo in furcam coniecto, virgis ad noctem cæderetur, clam medio noctis egressus est urbem, atque ingenti terræmotu, & spectris intersectorum ab eo occurrentibus perterritus, ad quartum ab vrbe lapidem semet ictu gladij transegit. 2. Domitianus, qui omnes de genere Dauidis interfici, sequetali quam Deum appellari, scribi, & adorari iussit, tandem omnibus odiosus,

Mutue impiorum cædes.

Persecutorum interitus.

odiosus, à famulis Parthenio & Stephano Domitia vxore tyranni in consilium adscita, interfectus est in palatio. 3. Traianus duobus prioribus moderatior, hydrope vel profluuiò ventris extinctus est. 4. Antoninus verus cæteris mitior apoplexia interiit. 5. Seuerus, dum membrorum omnium, maximè pedum dolorem pati nequireret, veneni vice, quod ei negabatur, cibum grandis ac plurimæ carnis auidus inuasit, quem cum conficere non posset, crudelitatem passus expirauit, vt author est Sextus Aurelius. 6. Maximinus, dum crudelitatem exercet in omnes, infantes pariter noxiosque, præsertim pecuniosos, tertio imperij sui anno Aquileiæ seditione militum disceptus est vnà cum filio, conclamantibus cunctis militari ioco, *Ex pessimo genere ne catulum habendum.* 7. Decius solo barbarico inter confusas turbas gurgite paludis summersus est, ita vt nec cadauer eius potuerit inueniri. 8. Valerianus in bello persico victus captusque, Saporì Persarum regi equum conscensuro dorsum scabelli vice præbuit vsque ad extremam senectutem, ac tandem pelle sibi à ceruice ad pedes detracta extinctus est. 9. Aurelianus fraude serui sui à militibus interfectus est medio itinere inter Constantino-
polim & Heracleam. 10. Diocletianus cum vidit Maxentium à Constantino magno interfectum, suspectans necem dedecorosa, sibi ipse hausto veneno consciiuit mortem.

Vers. 5, 6.

Fames.

Equus niger, & qui infidebat ei, habebat stateram in manu sua] Tertius iste equus, & statera in manu sessoris, figuræ sunt prædicentes famem per orbem terrarum futuram trecentis illis annis prædictis vsque ad Constantinum magnum. De tempore constat ex prædictis ab initio huius capitis, & infra ex vers. 12. huius capitis, vt ibi dicetur. Istarum figurarum, equi nigri, & stateræ in manu equitis significatio exponitur vers. 6.

Chœnix tritici denario] Nam Chœnix est demensum frumenti, quantum sufficit vni homini in diem vnum, vt in descriptione exercitus Xerxis Herodotus lib. 7. ostendit his verbis: *Nam subducta ratione comperio, si singuli quotidie singulas frumenti chœnicas non amplius acceperint, absumpta fuisse singulis diebus centum millia medimnorum, & trecentos ac quadraginta medimnos, &c.* Denarium autem diurnam fuisse mercedem serui colligimus ex parabola Matth. 20. 2. Quum igitur seruus, qui diurnam operam locabat de-
nario,

nario, nihil ad victum præter panem diurna mercede comparare potuit, maximam his figuris significari annonæ caritatem nihil dubitamus. Vide Leuit. 26. 19. Ezech. 4. 10, 11, 16.

Complementum huius vaticinij ex historijs petendum est. In Actis Apostolorum legimus cap. 11. 28 famem magnam ab Agabo prædictam, inuasisse orbem terrarum sub Claudio Cæsare. Iosephus belli Iudaici lib. 6. cap. 1. & Hegefippus lib. 5. cap. 18. & sequentibus ad cap. 42. narrant urbem Hierosolymitanam à Tito obsessam grandiore laborasse fame, quam ut ullius orationis vis satis sit ad eam exprimendam.

Tanta erat rei frumētaria inopiæ sub Antonino pio, ut plebecula Imperatorem lapidibus peterent, Sexto Aurelio narrante. Imperante Commodò ingens fames urbem Romanam oppressit, cuius causam præbuit Cleander quidam Phryx, ut est apud Herodianum lib. 1. Alexandriam sub Aureliano fame oppressam, sed Anatholij prudentiâ ex parte subleuatam narrat Eusebius lib. 7. cap. 32. Postremo, vnam tritici mēsuram mille & quingentis Atticis vendi, quando Maximinus sententias contra Christianos latas, per singulas provincias columnis affixisset, author est Eusebius lib. 9. cap. 8.

Vers. 7, 8.

Equus pallidus. Equus iste & mors ei insidens signa sunt futurae pestis & aliorum morborum pestilentium, quibus magna pars hominum propter Euangelij cōtemptum & persecutionem Ecclesiæ, trucidatur, ut ex fine versus octauī promptum est colligere. Ut autem sciamus hæc tria iudiciorum genera, gladium, famem, & pestem concurrere, & in idem tempus coincidere, ita coniunguntur in fine vers. 8. ut olim prædicta sunt Leuit. 26. 25. vide Ezech. 14. 13. &c.

Quamuis enim iudicia huiusmodi sensim immittat Dominus initio: tamen prius non imponit finem simul ac infertur secundum, nec secundum desinit, vndique peruadente tertio, ut omnium temporum historiæ docent. Ut autem quædam ex historijs repetam de morbis diuinitus immisissis eodem trecentorum annorum spatio, Iosephus antiquitatum Iudaicarum lib. 17. cap. 8. Herodem commemorat tetra ac foetido morbo extinctum. Imperante Vespasiano anno Christi 80. ingentem pestilentiam Romæ grassatam esse, ita ut diebus plurimis quotidie supra decem hominum millia extinguerentur, authores sunt Orosius lib. 7. cap. 9. & Nicephorus lib. 3. cap.

cap. 11. Anno Christi 134. quando Adrianus obsidebat oppidum Bethoron (Euseb. lib. 4. cap. 6.) plures fame & pestilentia perierunt, quam potuerunt numerari, ut scribit Melanthon commentarijs in chronicon Carionis. Orosius lib. 7. cap. 15. ait, totam Italiam sub Antonino pestilentia tanta vastatam esse anno 165. ut passim villæ, agri, atque oppida sine cultore atque habitatore deserta, in ruinas syluasque concefferint. Exercitus item Romanus, cunctæque legiones per longinqua latè hybernia dispositæ, ita fuerunt consumptæ, ut Marcomannicum bellum, quod continuò exortum est, non nisi nouo delectu militum, quem triennio iugiter apud Carnotum Marcus Antoninus habuit, gestum fuerit. Ingentem pestilentiam sub Commodone nempe anno Christi 187. Italiam vniuersam occupasse, & in ciuitatem Romanam tam vehementer sauisse, ut magna iumentorum atque hominum strages sit consecuta, scribit Herodianus lib. 1.

Exoritur ultio violati nominis Christiani sub Decio anno Christi 253. & quatenus ad profligandas Ecclesias edicta Decij cucurrerunt, eatenus incredibilium morborum pestis extenditur, ut inquit Orosius lib. 7. cap. 31. Nam nulla ferè prouincia Romana, nulla ciuitas, nulla domus fuit, quæ non illa generali pestilentia correpta atque vastata sit, ut ostendit etiam Auentinus lib. 2.

Eusebius lib. 7. cap. 21. & eum sequutus Nicephorus lib. 6. cap. 19 scribunt sub Valeriano, qui habenas imperij accepit anno Christi 256. tam grauem pestem inuasisse Alexandriam, quæ est in Ægypto, ut tot ciues in amplissima ciuitate non erant superstites, quot antea canos senes nutriuerat. Ioannes Funccius in Chronologia ex Trebellio adnotauit ad annum Christi 264. maximam pestem urbem & alia loca afflixisse. Sed de hoc argumento vide quid Plinius hist. natur. lib. 26. cap. 1. narrat accidisse in Italia medio principatu Tiberij.

Infernus sequebatur eam] Ut Ierem. 22. 6. Ioel. 2. 3.

Verf. 9, 10, 11.

Vidi sub altari animas eorum qui mactati fuerant] Haftenus de calamitatibus trecentorum annorum : sequitur salus æterna martyrum, qui toto illo spatio mactati fuerant propter verbum Dei, ut supra in verf. 3. dictum est. Ne enim defetiscerent christiani tot miserijs per totam vitam expositi, neue quis putaret pios omnium
hominum

Salus mar-
tyrum.

hominum infelicissimos, vidit hinc Apostolus animas intersectorum pro testimonio Christi, gaudia & quiete frui in oculis. Nam hoc aspectu consolatur etiam eos, qui per afflictiones conformandi sunt non tam iis qui propter verbum Dei interfecti sunt, quam Christo ipsi, quocum simul patientes, simul glorificabuntur Rom. 8. 17. Vide infra cap. 14. vers. 13. Videant nunc Papistae cuius spiritus sit Romana sella, quae anno Christi 1333. ex sortido ore Ioannis 22. bestiae bicornis (Pontificis maximi dicere deberem) hunc impurum spiritum exhalavit, *animas corporibus solutas non videre Deum ante novissimum diem.* Probate igitur spiritus an ex Deo sint 1. Ioan. 4. 1.

Ioannis 22. bestiae bicornis (Pontificis maximi dicere deberem) hunc impurum spiritum exhalavit, animas corporibus solutas non videre Deum ante novissimum diem.

Ioannis 22. bestiae bicornis (Pontificis maximi dicere deberem) hunc impurum spiritum exhalavit, animas corporibus solutas non videre Deum ante novissimum diem.

Deinde apparet Tertium hic incipit tempus huius capituli, ut supra diximus in vers. 1. puta iudiciorum Dei effusorum diebus Constantini & seculis sequentibus, partim in persecutores hostesque Ecclesiae hoc sexto sigillo, partim in incredulos septimo sigillo cap. 8. & 9. Sed & hoc quoque observandum est, Deum antequam haec efficiat iudicia in mundo, electos suos nota quadam signare cap. 7. & illis prospicere, ne seculis istis iudiciis pereant, ut initio cap. 7. dicitur.

Incipit hic etiam secundum tempus prioris prophetiae quadripartitae, diebus Constantini magni, ut initio huius capituli dictum est, & durat usque ad tempora Wiclefi, Hussij, & Lutheri, quando religio in papismo praesertim pene demersa, restauratur orbi cap. 10. Continet autem spatium quasi mille annorum, quibus iudicia sua in malum hunc mundum effecturus erat Deus. Nam Wiclefus floruit ac praedicavit Evangelium Christi circiter annum 1360. Res toto hoc tempore gestae sunt uniuersae iudicia Dei, quae naturae & tempore distincta sunt in duo genera ut modò diximus: vnum contra hostes ac persecutores Ecclesiae initio regni Constantini hoc sexto sigillo: alterum in incredulos sigillo septimo.

Iudicium Dei contra persecutores Ecclesiae exercuit Constantinus, sicut omnes testantur qui eius historiam scripserunt. Quamobrem dilucida huius iudicii, & huius sexti sigilli expositio ex historijs petenda est, velut ex duobus postremis capitibus libri octavi

Tertium tempus, nempe iudiciorum Dei in hostes ecclesiae.

Secundum tempus.

Duo genera iudiciorum Dei.


Iudicium Dei contra persecutores.

historia Ecclesiastica Eusebij ex tribus postremis capitibus libri noni, ex toto libro decimo, & ex libris de vita Constantini. Orosius lib. 7. cap. 27. comparat hanc liberationem Ecclesie per Constantinum, cum populo Israelitico ex Aegypto per Moysen ducto: & poenas persecutorum cum plagis Pharonis & Aegyptiorum. Tum rem uti erat à Constantino gesta, complectitur paucis cap. 28. Ex quibus facile est videre, minimis momentis maximas fieri rerum & temporum inclinationes; tristemque ac verè tragicam Ecclesie faciem trecentorum annorum, divina providentiâ subito conuersam in lætitiâ & gaudium. Atque hoc tempore ligatum fuisse Satanam arbitramur, ut infra cap. 20. dicetur.

Hæc autem quæ sexto reſerato ſigillo oſtenduntur Ioanni, intelligi debere de iudijs contra perſecutores improbos, non de afflictionibus piorum certo certius conſtat ex tribus poſtremis verſiculis huius capitis, ubi tyranni martyrocidæ ſeſe abduunt, in ſpectantibus propter metum Agni ſeſe vindicantis de perſecutoribus Eccleſie; & ex ſimili loquutione paſſim in prophetis occurrente. Nam primum narrat Apoſtolus quæ ſigna futura cladis viderit in terris & in cœlis verſ. 12, 13, 14. Deinde quæ effecta tantam cœli ac terræ commotionem ſequuta ſunt verſ. 15, 16. nempe, reges & pòtentes, qui tantum ſanguinis Chriſtiani hauſerant ſuperioribus trecentis annis, præoptantes à montibus obrui, quàm ferre aſpectum inſidentis throno & Agni. Ratio tantæ timoris redditur verſ. 17. quia venit dies ille magnus iræ. Vide Eſaiæ cap. 2. verſ. 21. Iſtiusmodi loquutiones hyperbolicæ frequentes ſunt in prophetis, veluti Eſaiæ cap. 13. 10. & cap. 24. 18, 23. & cap. 34. 41. Joel cap. 2. 10. in iſto

ANALY-

ANALYSIS. Cap. 7.



CAP. 7.

1 **P**ostea vidi quatuor Angelos insistentes quatuor angulis terra, tenentes quatuor ventos terra, ne flaret ventus super terram, neque super mare, neque in ullam arborem.

2 **E**t vidi alterum Angelum ascendentem ab ortu solis, habentem sigillum Dei vini: qui clamauit voce magna quatuor Angelis quibus datum est nocere terra & mari,

3 **D**icens, Ne nocete terra, neque mari, neque arboribus, quoadusque obsignemus seruas Dei nostri in frontibus suis.

4 Et audiui numerum obsignatorum: centum quadraginta quatuor millia erant obsignata ex omnibus tribubus filiorum Israel.

5 Ex tribu Iuda, duodecies mille obsignata: ex tribu Ruben, duodecies mille obsignata: ex tribu Gad, duodecies mille obsignata:

6 Ex tribu Aser, duodecies mille obsignata: ex tribu Nephthali, duodecies mille obsignata: ex tribu Manasse, duodecies mille obsignata:

7 Ex tribu Simeon, duodecies mille obsignata: ex tribu Levi, duodecies mille obsignata: ex tribu Issachar, duodecies mille obsignata:

8 Ex tribu Zabulon, duodecies mille obsignata: ex tribu Ioseph, duodecies mille obsignata: ex tribu Benjamin, duodecies mille obsignata.

9 Postea aspexi, & ecce, aderat turba multa, quam numerare nemo possit, ex omnibus gentibus & tribubus & populis & linguis: stabantque ante thronum & in conspectu Agni, amicti stolis albis: & palma in manibus eorum.

10 Et clamabant voce magna, dicentes, Salus à Deo nostro est, sedente super thronum & ab Agno.

11 Omnes autem Angeli stabant in circuitu throni & seniorum & quatuor animalium: & procubuerunt in conspectu throni in facies suas, & adorarunt Deum,

12 Dicentes, Amen: benedictio, & gloria, & sapientia, & gratiarum actio, & honor, & virtus, & robur Deo nostro in secula seculorum. Amen.

13 Tum me compellavit vnus ex senioribus, dicens mihi, Isti qui amicti sunt stolis albis, quidam sunt, & unde venerunt?

14 Et dixi ei, Domine, tu nosti. Et dixit mihi, Hi sunt qui venerunt ex afflictione magna: & lauerunt stolas suas, ac dealbarunt in sanguine Agni.

15 Ideo sunt ante thronum Dei, & seruiunt ei die ac nocte in templo eius: & qui insidet throno, habitabit cum eis.

16 Non esurient amplius, neque sitient amplius: nec in eis incidet sol neque ullus aestus.

17 Quoniam Agnus qui in medio throni est, pascat eos, & deducet ad viuos fontes aquarum: & absterget sursum est Deus omnem lacrymam ab oculis eorum.

ANNOTATIO.

Quæ hoc capite narrantur, cum præcedentibus coniungenda Electi libe-
sunt, ut supra in cap. 6. 12. annotatum est. Nam tempore & ordine ratur ab
conueniunt. Quum enim sigillo sexto soluto accepimus vindicta interitu im-
diuinam in sanctorum carnifices exardescere, ne promiscue forent proborum.
omnium strages, vidit Ioannes hoc capite septimo pios & pãno le-
thia illa eripiedos, quæ cruciabuntur reprobi. Ut enim Deus Noe
prospexit & familia eius, ceterisque animantium generibus, ante-
quam mundus aquis submergeretur Gen. 6. & 7. & 8. ut Lot præ-
reptus fuit ex incendio Sodomæ. & vicinarum ciuitatum Gen. 19.
ut Israëlitarum domus signata erat sanguine Agni postibus in-
perso, priusquam perderentur primogeniti Aegyptiorum Exod.
12. 7. 13. ut aquæ maris rubri non reuerse sunt ad obruendum Pha-
ronem & Aegyptios, antequam in tuto collocarentur Israëlita
Exod. 14. ut gementes & suspirantes Iudæi frontibus signarentur
ante excidium Hierusalem Ezech. 9. 4. ita hoc loco quatuor Angeli
tenent quatuor ventos, ne perflent; terram, ne concutiat; solem
ac lunam, ne retrahant lucem suam; stellas, ne cadant è cælo; cæ-
lumque, ne recedat & abscondatur antequam obfignentur serui
Dei in frontibus. Porro & hoc obseruandum est, electis prospectū
esse ut liberentur non modò à grauissimis iudicijs quæ exercuit
Constantinus magnus, ut diximus supra in cap. 6. 12. & initio huius
capitis patet; sed etiam è maximis calamitatibus, quæ per annos
mille venturæ & grassaturæ sunt in orbe simul ac aperiatur sigil-
lum septimum cap. 8. 1. ut videre licet cap. 9. vers. 4. & cap. 14. 1.

Vers. 12

Postea vidit] Huius capitis partes sunt duæ: prior est visio tri-
bus primis versiculis, qua partim figuris, partim verbis apertis ostē-
ditur conseruatio electorum è miserijs futuris: altera est modus
quo conseruantur vers. 4. & sequentibus ad finem capitis. Quoniā
verò electorum in hoc mundo peregrinantium, siue Ecclesiæ mili-
tantis pars quædam visibilis est semper, alia pars plerumque latet
mundo inuisibilis; ideo quæ ratione utrique parti cautum sit, in
sequentibus declaratur; ac de visibili Ecclesia vers. 4. & reliquis ad
vers. 9. de latente & inuisibili vers. 9. & c. ad finem capitis.

Iudicia Dei
nō grassan-
tur in mun-
do antequā
catura sit
electis.

Quatuor Angelos] Administros primorum iudiciorum Dei, de quibus dictum est in cap. 6. *Quatuor ventos terra*] Quibus Angeli ministri iudiciorum omnimodas procellas excitarent & tempestates in mundo contra hostes Ecclesie. Quamvis enim hæc bella gessit Constantinus; tamen Angelos ei adiutores datos esse a Deo non dubitamus. Nam Iacobo aderant contra Esauum Gen. 32. 1. & restiterunt Cambyfiniquā contra Iudæos cogitanti Dan. 10. 13. Neque fortuna res gerebatur, quando Maxentius aduersus Constantinum pugnans, lapsu equi in profundum demersus est, vt inquit Sextus Aurelius.

Verf. 2, 3.

Sigillum
Dei quid.

nam vidi alterum Angelum] Ratio proximi versiculi. Angeli quatuor tenebant quatuor ventos ne flarent super terram, quia ita illis imperatum fuit a Domino. *Sigillum Dei viui*] Publica professio Christi coram mundo est instar sigilli, quo internoscuntur fideles ab infidelibus.

Verf. 4.

Visibilis ec-
clesia obfig-
natur sigillo
Dei, ne pe-
reat cum
improbis.

Et audiui numerum obfignatorum] Expositā summā visionis; sequitur modus quo primum cauetur Ecclesie visibili, vt supra in verf. 1. diximus. Obfignantur autem sigillo Dei viui, vt cum ministri iræ Dei sigillum viderint, prætereant eos & intactos relinquant. Christus Spiritu sancto obfignat electos, dum in nouam vitam restituntur, & imago Dei restauratur in illis. Hoc verò sigillum non palam conspicitur, nisi dum publica fit confessio fidei.

Tribus filiorum Israël] Hoc nomine intelligitur sancta & visibilis Ecclesia tam ex gentibus quā ex Iudæis collecta, vt constat infra cap. 14. 1. *Numerare*] Numerus magnus ponitur pro infinito & innumerabili. Etsi enim solidum fundamentum Dei stat, habens sigillum hoc, *Novit Dominus qui sunt sui* 2. Tim. 2. 19. tamen nobis sunt innumerabiles.

Verf. 9.

Ecclesia in-
visibilis cō-
servatur
temporibus
difficillimis.

Postea aspexi] Quo modo cautum est Ecclesie visibili acceptus verf. 4. scilicet quod electi conspicui mundo habent sigillum; id est, nomen Patris scriptum in frontibus suis, vt infra dicitur cap. 14. 1. Nunc restat considerandum qua ratione prospectum sit invisibili Ecclesie, id est, electis qui in facie mundi non versantur, sed latitant

fatitant fidemque intus alunt, quales plures semper exiterunt, veluti diebus Eliæ, ipse solus nomen Patris, id est, hoc ipsum sigillum Dei scriptum habuit in fronte, cum reliqui septem milia hoc sigillum Dei in cordibus tantum impressum habuerunt. Reg. 19. 18. Quod autem hunc locum interpreter de Ecclesia militante, non autem de triumphante, faciunt series orationis, & scopus Spiritus sancti. Nam hoc caput interpositum inter iudicia contra hostes Ecclesie supra denuntiata (et si anteponi recte possit) & calamitates infra cap. 8. & 9. incredulis superuenientes, ostendit in talibus modis Deus tam longo mille annorum spatio hominibus suis electis consultum voluit, ut firmi fide, & immanes a periculis permanerent. Neque vlla, ut opinor, ista subest ratio, cur de triumphante Ecclesia hæc dicta putemus. Locutiones illæ in fine capitis vers. 13, 16, 17. tam de militante Ecclesia, & circumscriptis in prophetis vnde sumptæ sunt, ac de triumphante infra cap. 17. 13, 14. Quamobrem ut dilucidior sit hic locus, ista duo ordine posita, a nobis sunt considerata: primum visio proposita quatuor versiculis; deinde aperta visionis expositio vers. 13. & sequentibus ad finem capituli.

Duo autem vidit Ioannes: primum turbam electorum innumeram colentium Deum vers. 9. (quod enim stant ante thronum & in conspectu Agni, est cultus gratia) & salutem suam ei ascribentium vers. 10. deinde Angelos ipsis applaudentes vers. 11, 12.

Magna est turba electorum, qui non sunt conspicui mundo.

Amicti stolis albis] Id est, induti iusticiâ Christi, ut infra exponitur vers. 14. Vide supra cap. 1. 5. & cap. 3. 5.

Stabant ante thronum] Cultus gratia, ut modò diximus, & infra exponitur vers. 15. *Palma in manibus*] Insignia victoriæ contra carnem, mundum, & diabolum patre per Christum. Vide Machab. 13. 37, 38.

Vers. 13.

Tum me compellauit] Expositio visionis, ut in vers. 9. dictum est, in qua primum hæc tria exponit. 1. qui sint illa innumera multitudo, 2. vnde veniant vers. 13, 14. 3. cur sint ante thronum vers. 15 deinde satisfacit proposito, ac ostendit qua ratione proteguntur contra calamitates orbem inuasuras vers. 15, 16, 17.

Expositio inuisibilis ecclesie.

Me compellauit] Mirari quis meritò potuit tantum numerum hominum ex omni gente, lingua, & natione sub cælo, in conspectum throni venire post obsignatam visibilem Ecclesiam & benè munitam.

ANALYSIS. Cap.8.

Cap. 8. sigillo septimo reſerato
prodeunt ſeptem tibicines cum
ſuis tubis, quarum quatuor pri-
ores & minores ſunt tentatio-
nis, cap.8.

1. Prima tuba, vel primus tubicen denotat
Arium, verſ. 7.
2. Secunda indicat Conſtantium Impera-
torem & Iulianum apoſtota, verſ. 8.
3. Tertia prædicit Macedonium pneuma-
tomachum, verſ. 10.
4. Quarta ſignificat Neſtorium & Euti-
chetem, verſ. 12.

CAP. 8.

- 1 **P**ORRò quum aperuiſſet ſigillum ſeptimum, factum eſt ſilentium
in cælo, media ſerme hora.
- 2 Et vidi ſeptem illos Angelos qui adſtant coram Deo, quibus da-
ta ſunt ſeptem tuba.
- 3 Tum alius Angelus venit, & ſtetit ante aram, habens thuribu-
lum aureum: & dati ſunt ei ſuffitus multi, ut offerret cum precibus
Sanctorum omnium, ſuper altare aureum quod eſt ante thronum.
- 4 Aſcendit autem fumus ſuffituum cum precibus Sanctorum, &
manu Angeli ad conſpectum Dei.
- 5 Deinde accepit Angelus thuribulum, & implevit illud igne al-
taris, abiecitque in terram: & facta ſunt tonitrua & voces, & fulgu-
ra & terremotus.
- 6 Et ſeptem Angeli qui habebant ſeptem tubas, preparauerunt ſe
ut clangerent.
- 7 Primus igitur Angelus clauxit, & facta eſt grando & ignis,
miſta ſanguine, proiectaque ſunt in terram: & tertia pars arborum
exuſta eſt, & omne fœnum viride exuſtum.
- 8 Deinde ſecundus Angelus clauxit, & quaſi mons magnus igne
ardens projectus eſt in mare: factaque eſt tertia pars maris, ſanguis.
- 9 Et mortua eſt tertia pars creaturarum que erant in mari, ani-
mantia dico: & tertia pars nauium perierunt.
- 10 Tum Angelus tertius clauxit, & cecidit è cælo ſtella magna,
ardens velut fax, ceciditque in tertiam partem fluminum, & in fon-
tes aquarum.
- 11 Nomen autem ſtella dicitur Abſinthium: verſa eſt igitur ter-
tia pars aquarum in abſinthium: & multi homines mortui ſunt ex a-
quis, quòd amara facta eſſent.

12 Deinde quartus Angelus clauxit, & percussa est tertia pars solis, & tertia pars luna, & tertia pars stellarum: ita ut obscuraretur tertia pars eorum, & diei non luceret pars tertia, & noctis similiter.

13 Et vidi, & audiui unum Angelum volantem per medium cœli, dicentem voce magna, *Va, va, va incolis terræ, à reliquis sonis tubæ trium illorum Angelorum qui clangent.*

ANNOTATIO.

Iudicia Dei
contra in-
credulos.

Porro] Alterum genus iudiciorum Dei, naturâ & tempore à priori distinctum, ut supra in cap. 6. 12. dictum est. Nam primum genus cœpit Deus contra sæuos tyrannos martyrocidæ exsequi per Constantinum magnum anno Christi 310. ut dictum est, & exsequuturus est eodem modo per alios administratos, quoties sibi visum fuerit. Alterum hoc genus inceptum anno Christi 322. quando Arius presbyter Alexandrinus virus cœpit spargere in Ecclesiam, exsequitur per hæreticos & pestiferos homines vsque ad Wiclefi tempora & restitutionem veritatis Euangelij, ut, qui veritatis amorē nolunt recipere, qua salui fiant, sequantur doctrinas dæmoniorum, eorumque mēdacijs credant, & damnentur 2. Thess. 2. 10, 11, 12. Hanc enim Deus pœnam iustè hominibus irrogat, qui in verbo eius non acquiescunt, sed veritatem mutant in mendacium, ut Stephanus docet Act. 7. 41, 42. Sicut enim non visum est eis Deum in notitia retinere: ita tradit eos Deus in mentem omnis iudicij expertem Rom. 1. 28. Referato igitur sigillo septimo prodeunt Angeli septem iudiciorum istorum contra incredulos administrati, quibus datæ sunt septem tubæ, ut his buccinent, omnesque vocent ad spiritualem pugnam. Hæc autem iudicia ita in duo genera video distincta; ut quædam sint leuiora, alia verò grauiora. Angelus enim volans per medium cœli, & ter ingeminans voce magna, *Va, va, va incolis terræ, à reliquis sonis tubæ trium illorum Angelorum qui clangent* infra vers. 13. huius capituli, docet tres postremas tubas grauitate iudiciorum superare priores. Hanc itaque diuisionem retinebimus, præsertim quum hac ratione certam habemus etiam temporis distinctionem. Nam prima trium postremarum tubarum Pontificem pessimum Maximum Antichristum Romanum euocat ad prælium cap. 9. 1. Is autem e cœno abyssi infernalis præcipue emerfus est anno Christi 606. ut in Chronologia sua adnotauit D. Ioannes Funccius optimè de Ecclesia Christi meritis. Continet igitur

igitur hoc caput. quatuor priores tubas, leuiiores calamitates, & tempus annorum 284. videlicet ab anno Christi 322. ad annum 606. Hactenus res plana est & perspicua, vt mea fert opinio, sed in accommodatione quatuor primarum tubarum hæsito. Sequar tamen quod probabile videbitur. Tempus hoc annorum 284. puta à decimo tertio anno Imperij Constantini magni ad *Papatum*, ferax est impurissimarum hæresium, quæ fidei fundamentum conuellere conantur. Et vt priora bella Ecclesiæ indicta, à Christo ad Constantinum magni, externa erant, ab infidelibus ethnicis & professis hostibus illata: ita hæc quæ sequuntur maxima ex parte sunt domestica, ab ijs qui veri Dei nomen verbo tenus profitentur, importata, hærentque in ipsis Ecclesiæ visceribus.

Silentium in cælo mediâ ferme horâ] Quemadmodum Daniel Silentium in cælo. cap. 4. 19. obstupefactus grauitate iudicij in Nebucad-netzare, si-
luit quasi horam vnam: haud aliter cœlestis exercitus, qui aliàs voces edere solet, futurorum ciuiliū bellorum classico horrore percussus obstupescit & silentium altum tenet mediâ quasi horâ.

Vers. 2.

Angelos qui adstant coram Deo] Ministros sequentium iudiciorum expectantes mandatum Dei. Quum autem datæ sunt illis septem tubæ, facti sunt tubicines.

Vers. 3.

Tum alius Angelus] Videlicet magnus ille Angelus fœderis (E-
saia 42. 6. Malach. 3. 1.) Iesus Christus solus mediator inter Deum mediator. & homines tam intercessionis quàm redemptionis, & per quem solum fideles assidue offerunt sacrificia laudis Heb. 13. 15. Huius Angeli magni duo describuntur facta: primum, quòd sacerdotale munus obit pro electis, eorumque sacrificia precum & beneficentiæ offert Deo vers. 3, 4. secundum, quòd ignem ab altari sumptum mittit in terram vers. 5.

Thuribulum aureum] Quale erat sub lege. Etsi enim diserta aurei thuribuli mentio non facta sit in Exodo ab initio capituli 25. ad finem vsque libri; tamen ex Num. 4. 14. colligitur, tale Mosi imperatum fuisse in monte. *Suffitus*] Sunt preces sanctorum, vt verba sequentia docent, & suprâ cap. 5. 8. patet. *Altare aureum*] Quale

erat in Tabernaculo Moſis Exod. 40. 26. & in Templo Solomonis ante portam Adyti 1. Reg. 6. 22. ſed extra Adytum.

Verſ. 5.

Ignis miſſus
in terram.

Abiecitque in terram] Ut ubique excitaretur incendium illud futurum per hæreſes. Venit enim Chriſtus tam ignem miſſurus in terram ad perturbandum impios, quam pacem facturum inter pios Luc. 12. 49. Vide Ezech. 10. 2.

Verſ. 7.

Quatuor
tubarum
expoſitio
brevis.

Primus igitur Angelus] Primâ tubâ Arianam hæreſim figuratam: ſecundâ Conſtantium Imperatorem & Iulianum apoſtatam præmonſtrari: tertiâ Macedonium ſignificari: quartâ hæreſim Neſtorij & ſimilium qui in perſona Chriſti errarunt, notari arbitramur. Nam prædicto 284. annorum curriculo viguerunt, & ſacroſancta Catholica Eccleſia Chriſti contra iſtos maxime decertavit.

ANALYSIS.

ANALYSIS. Cap.9.

1. Ortus & potestas, vers. 1.

1. Aperto puteo abyssi emittat fumos, quibus obscurat veritatem Dei, vers. 2.

Habent in seipsis, est potestas scorpionum, vers. 3.

1. Quintus, qui significat Papam, cuius

2. Fructus & effectus est, quod

2. Ex fumo cudad locustas, vers. 3. quarum

1. Potestas quam

Exercent erga alios, finita est respectu

Personarum Nam reprobis tantum nocent, non electis, vers. 4. Factorum. Nam reprobos cruciari tantum possunt, non occidere, vers. 5, 6.

Cap.9 prodeunt duo tubicines,

2. Hypotyposis seu forma externa,

1. Similes sunt equis ad bellum paratis, vers. 7.
2. Capita redimita coronâ aureâ, vers. 7.
3. Faciem hominum habent, vers. 7.
4. Capillos habent mulierû, v. 8.
5. Dentes habent leonû, vers. 8.
6. Loricâs habet ferreas, vers. 9.
7. Sonus alarum, vers. 9.
8. Caudæ aculeatæ, vers. 10.

1. Ducum & imperatorum ex

1. Numero, quatuor sunt, vers. 14, 15.
2. Loco, Euphrates, vers. 14.
3. Prompta voluntate, parati sunt in horam, &c. vers. 15.
4. Fine, ut occidant, vers. 15.

1. Descriptio duplex

1. Sextus, qui significat Mahometem, cuius

2. Exercitus, ex

1. Numero, vers. 16.
2. Apparatu, vers. 17.

2. Effectus in

1. Ipsi, tertiam partem hominum interficiunt vers. 18; ratio vers. 19.
2. Alijs, qui horum gladium effugiunt, sunt impenitentes, vers. 20, 21.

CAP. 9.

- 1 **T**um quintus Angelus clauxit, & vidi stellam e celo cecidisse in terram, cui data est clavis putei abyssi.
- 2 Aperuit igitur puteum abyssi: & ascendit fumus putei ut fumus fornacis magna: & obscuratus est sol & aer a fumo putei.
- 3 Ex fumo autem exierunt locustæ in terram: dataque est illis potestas qualem habent potestatem terrestres scorpj.
- 4 Et ipsis est dictum ne laderent graminem terræ, neque viridem quicquam, neque vllam arborem: sed tantum homines qui non habent signum Dei in frontibus suis.
- 5 Datum autem est eis non ut occidant eos, sed ut crucientur illi menses quinque, sitq; cruciatus eorum ut cruciatus scorpj quum per-
cussit hominem.
- 6 Itaque per eos dies homines quarent mortem, sed non inuenient eam: & desiderabunt mori, sed fugiet mors ab eis.
- 7 Figura autem locustarum similes erant equis paratis ad praelium, erantque super capita earum tanquam corona similes auro, & facies earum ut facies hominum.
- 8 Et habebant capillos ut capillos mulierum: & dentes earum ut leonum erant.
- 9 Habebant etiam loricas ut loricas ferreas: & sonitus alarum ipsarum ut sonitus curruum, equis multis currentibus ad bellum.
- 10 Sed & habebant caudas similes scorpionum, erantque aculei in caudis earum: & earum potestas erat nocere hominibus menses quinque.
- 11 Habent autem sibi impositum regem, Angelum abyssi, cui nomen Hebraicè Abaddon, Græcè autem Apollyon, id est perdens.
- 12 *Va* unum abiit, & ecce veniunt adhuc duo *va* postea.
- 13 Tum sextus Angelus clauxit, & audiui vocem quandam ex quatuor cornibus altaris aurei, quod est ante oculos Dei,
- 14 Dicentem sexto Angelo qui habebat tubam, Solue quatuor illos Angelos vinctos ad magnum Euphratis flumen.
- 15 Soluti sunt igitur quatuor illi Angeli, parati ad horam & diem & mensem & annum, ut occidant tertiam partem hominum.
- 16 Eratque numerus equestris exercitus bis millies centena millia: nam audiui numerum eorum.

17 Itémque

17. Itēque vidi equos per visionem: & ipsorum sēssores habentes thoraces igneos & hyacinthinos & sulphureos: erant autem capita equorum ut capita leonum: & ex ore ipsorum prodibat ignis & fumus & sulphur.

18. Ab his tribus occisa est tertia pars hominum, nempe ab igne, & fumo, & sulphure, quæ prodibant ex ore ipsorum.

19. Potestas enim eorum in ore eorum est, & in caudis eorum: nam cauda eorum similes sunt serpentibus, habentes capita per quæ nocent.

20. Porro reliqui homines qui non sunt occisi his plagis, non respuerunt ab operibus manuum suarum, ut ne adorarent dæmonia & simulachra aurea & argentea & area & lapidea & lignea, quæ neque videre possunt, neque audire, neque ambulare:

21. Neque respuerunt ab homicidijs suis, neque à veneficijs suis, neque à scortatione sua, neque à furis suis.

ANNOTATIO.

Tum quintus Angelus] De quatuor primis tubis ex tempore & ex rebus ipsis coniecturam fecimus capite superiore, sequuntur tres postremæ tubæ, quæ priores quidem illas satis per se diras & funestas, gravitate mali longè superant, ut suprà dictum est in cap. 8. 1. Ex tribus istis tibicinibus primus filium perditionis euocat ab inferis, vnde decim primis versibus huius capitis: secundus soluit quatuor turmas Saracenorum, Turcarum, & Tartararum infra vers. 13. huius capitis: tertius voce Archangeli ac Dei tuba omnes excitat ad iudicium cap. 11. 15. ut observatum est suprà in cap. 6. 15. Aliud hîc initium temporis observandum est, ut in cap. 8. 1. diximus. Nam *Papatus* initium constituitur anno 606. Mahomet autem regnum Saracenicum instituit anno Christi 623. Sed ut Arianismus non desijt exorto Macedonio, nec priori hæresi finem imposuit posterior; ita nec Mahumetismus deleuit Papatum, sed Romanus Pontifex ipsemet Antichristus, & Mahumet pestis orbis terrarum & flagellum Dei simul regnarunt plusquam annis septingentis vsque ad restitutionem Evangelij. Atque Antichristo iam confosso atque profligato potēte & æterno verbo Dei, quod prædicarunt efficaciter duo illi testēs Christi, de quibus fit mentio infra cap. 11. 3, 11. Viuit adhuc Mahumetismus victurusque est, quandiu Domino visum fuerit. Sed inprimis tempus durantis ac regnantis Papatus ad restorationem

Distributio triū postremarum tubarum.

Hæc prophetia incepit anno Christi 606.

nem veritatis per veros prædicatores Euangelij factam, memoria tenendum est. Breuis igitur est Papistica tyrannidis descriptio vndecim versibus comprehensa, sed duratio longa seculis amplius septem. Sed de subuersione Papatus, & de restauratione Euangelij, dicendum initio cap. 10.

Stella cadēs
denotat Pa-
pam.

Stellam è cælo cecidisse in terram] Stella ista est Papa Romanus. Nam primò, ille, qui hæreticam prauitatem inuexit in Ecclesiam Christi, proximè ante Mahumetismum, de quo infra vers. 13. est stella ista cadens è cælo. Sed Bonifacius tertius Papatum crexit, & perturbauit Ecclesiam hæretica prauitate, proximè ante Mahumetem. Nam illum antecessit septemdecim tantum annos. Pontifex igitur Romanus est ista stella cadens. Secundò, hypotyposis ista locustarum, quarum rex est hæc stella è cælo lapsa, vt infra vers. 11. patet, clero tantum Romano conuenit. Igitur Antichristus ipse Romanus hac decidente stella significatur. Tertiò, filius ille perditionis, de quo Paulus vaticinatur 2. Thess. 2. 3. &c. est ipsissimus Antichristus Romanus, vt plurimum tum veterum, tum recentiorum virorum Dei testimonio poterit facilè comprobari. At hæc cælo lapsa stella est filius ille perditionis. Sic enim disertis verbis tum hebraicè tum græcè appellatur infra vers. 11. huius capituli. Et ne illud ei nomen immeritò impositum videretur, martyrocidæ dicitur cap. 11. 7. quum de incredulis improbis perdendis nulla potest esse apud pios dubitatio. Quamobrem ruens hæc stella est ipse Pontifex Romanus. Neque iniuriam vllam hoc dicto aut infamiam Romanæ sellæ inferimus. Quod enim Gregorio Episcopo Romano penultimo licitum fuit, id nobis non debet denegari aut vitio verti. Gregorius autem magnus in quo tantopere gloriantur papicolæ, prædixit Antichristum fore, quicumque œcumenici Episcopi titulum sibi vendicaret. Quum igitur tertio post Gregorij mortem anno, Bonifacius tertius (nisi Malefacium potius dicere debeam) Phocæ patriciæ patrociniò œcumenicum se Episcopum mundo venditauit, comprobatum fuit Gregorij vaticinium, *Papæ*que Romanus, Romanj Episcopi iudicio, Antichristus est declaratus. Itaque nobis Dei gratiâ liceat languentem iam Pontificem Romanum appellare Antichristum.

Papa habet
clauēs in-
terni.

Clauis patet abyssi] Clauēs iactat Pontifex Romanus, ecce infernales habet, neque ego illas ei inuideo, modò sibi ac suis habeat. Hæc

Hæc est Papæ Romani potestas diabolica & apostolica, quam latrones illi Apostolicam vocant.

Vers. 2. Apertis] Accepta potestate Pontifex inferni puteum aperit, &

mittit fumum falsæ & apostolicæ doctrinæ ut solem iustitiæ nobis obscuritate auferat, (ignorantia enim veræ est mater Papisticæ religionis) ac tandem ex fumo eudiit locustas sequentes, id est, totum Romanum clerum, ut videre est versibus sequentibus.

Fumus significat doctrinam papisticam.

Vers. 3. Exierunt locustæ] Id est, clerus Romanus. Locustarum declaratur potestas versibus quatuor, & hypotyposis seu forma externa vers. 7. & sequentibus.

Locustæ sunt clerus Romanus.

Vers. 10. Menses quinque] Ut vers. 5. supra. Nullum mysterium, aut certum temporis spatium hoc numero præfinitum arbitror, sed suum tantum his Papisticis locustis designari tempus per allusionem ad locustas naturales, quæ autumnæ tempore ova condensæ pariunt caule spinæ in terram dimisso, ex quibus nascuntur alie exitu subsequenti veris. Mares autem & matres post partum moriuntur omnes, ut tradit Aristoteles de natura animalium lib. 5. cap. 28. & Plinius histor. natur. lib. 11. cap. 29. & constanter affirmant, qui sæpè viderint. Nihil autem impedit eundem numerum aliquando cærere mysterio, qui aliàs mysticus est.

Vers. 12. Et unum abijt] Hoc versu transitur à quinta ad sextam tubam.

Vers. 13. Tum sextus Angelus] Qui tempore & ordine sequitur quintum, & clangere cœpit anno Christi 623. quando Mahomet regnum Saracenorum primum instituit.

Mahomet.

Altaris aures] Ut supra cap. 8. 91

Vers. 14, 15. Quatuor illos Angelos] Id est, Saracenos, Turcas, & Tartaros. Quamvis enim hi tres sunt; quatuor tamen constituerunt regna. Nam primum Saraceni regnarunt annis plusquam ducentis: de-

inde Turcæ vltibus paulatim acquisitis profligarunt Saracenos, & imperium arripuerunt: tertio, horum potentiam annis ferè ducentis post, Tartari attriuerunt, atque imperium rexerunt vsque ad Ottomanum illum Turcicæ libertatis vindicem acerrimum: postremo Tartarijs deuictis imperium rursus ad Turcas deuolutum est anno Christi 1300.

Deus lento gradu exsequitur iudicia in incredulos.

Qua ratione Deus & Pater misericordiæ sensim lentoque gradu effudit iram suam in incredulos, obseruare debemus. Nam primò emisit quatuor priores tubas, quibus leuiore signifiçari calamitates prædiximus ad cap. 8. 1. vt est ex transitione cap. 8. 13. manifestum. Secundò, ex puteo infernali euocauit Antichristum Romanum, ad incredulos cruciandos, non autem occidendos, priori parte huius capitis. Sicut enim Deus modum diabolicæ potestati statuit in Iobo affligendo: ita Antichristo Romano nõ permisit quilibet pro libitu agendi facultatem, sed disertis verbis quousque eius rabies progredi debet præscripsit suprà versibus quarto & quinto huius capitis. Tertio nunc demum loco excitauit barbaros istos sæuosque Saracenorum, Turcarum, & Tartarorum exercitus ad supplicium sumendum de ijs qui petulanter Euangelium Iesu Christi Domini nostri fastidiunt. Ac potestatem dedit eis, vt tertiam partem hominum occidant vers. 15. Attamen quum reliqui homines qui non sunt occisi his plagis, non resipuerint ab operibus manuum suarum, vt infra patet vers. 20, 21. iurat Christus cap. 10. 6. tempus ad resipiscentiam non fore amplius concessum ipsis, sed in diebus vocis septimi Angeli, quum cœperit clangere, consummandum esse mysterium Dei, & ipsos funditus perditum iri.

Huius tragœdiæ partes sunt præsertim duæ reliquo hoc capite: prima cõtinet barbaræ & inhumanæ gētis istius descriptionem vsque ad vers. 18. Secunda effectum inde ad finem capitis. Descriptio præferocium istarum gentium duplex est: primò describit duces primarios & imperatores vers. 14, 15. Secundò reliquum exercitum vers. 16, 17. Primarios duces describit quatuor notis: primùm, ex numero, quòd quatuor sunt: deinde ex loco vbi sunt, scilicet ad magnum Euphratis flumen vers. 14. tertio ex prompta ipsorum voluntate ad exsequenda iudicia Dei, quòd parati sunt ad horam & diem & mensem & annum: postremo ex fine, propter quem mittuntur à Deo, videlicet vt occidant tertiam partem hominum vers. 15.

Vers. 16, 17.

Eratque numerus] Reliqui exercitus descriptio, ut modò dictum est, cuius numerus vers. 16. reliquus apparatus vers. 17. exponitur.


Vers. 18, 19.

Ab his tribus] Effectus ut in vers. 14. diximus; estque duplex: vnus, quòd ad barbaras illas & immanes gentes attinet, fecerunt quòd illis imperatum erat à Domino, id est, tertiam partem hominum (puta incredulorum) occiderunt vers. 18. cuius ratio sequitur vers. 19. quia similes sint amphibænis. Alter effectus respicit verbi Dei contemptores, nempe duas reliquas partes hominum, id est, eos quibus etiam in his plagis parcitum est. Voluit enim Deus his ferulis eos ad meliorem frugem reducere, sed obfirmati in impietate sua permanent vers. 20, 21. Quamobrem nihil illis restat nisi horrenda quædam expectatio iudicij, & ignis feruor, quo cruciatus summo perituri sunt in æternum.

I 2

ANALYSIS.

ANALYSIS. Cap. 10. & 11.



CAP. 10.

- 1 **T**unc vidi alium Angelum fortem descendētem de cælo, amictū nubes: in cuius capite erat iris: facies autem eius erat ut sol, & pedes eius ut columna ignea.
- 2 Habebatq; in manu sua libellum apertum: & posuit pedem suum dextrum super mare, sinistrum autem super terram.
- 3 Clamavitque voce magna sicut lea rugit: & quum clamasset, loquuta sunt septem tonitrua voces suas.
- 4 Et quum loquuta fuissent septem tonitrua voces suas, ego scripturus eram: sed audivi vocem de cælo dicentem mihi, Obsigna qua loquuta sunt septem tonitrua, & ne ea scribas.
- 5 Et Angelus quem vidi stantem super mare & super terram, insulit manum suam ad cælum.
- 6 Et iuravit per eum qui vivit in secula seculorum, qui creavit cælum & ea qua sunt in eo, & terram & ea qua in ea sunt, & mare & ea qua in eo sunt, tempus non fore amplius.
- 7 Sed in diebus vocis septimi Angeli, quum cæperit clangere, consummandum esse mysterium Dei sicut annuntiauit servis suis Prophetis.
- 8 Et vox quam audiveram de cælo, rursus loquuta est mecum, & dixit, Abi, & accipe libellum illum apertum qui est in manu Angeli stantis super mare & super terram.
- 9 Abi igitur ad Angelum, dicens ei ut daret mihi libellum. Et dixit mihi, Accipe, & deuora eum: & amaritudinem adferet ventri tuo, sed in ore tuo erit dulcis tanquam mel.
- 10 Accepi igitur libellum e manu Angeli, & deuoravi eum: & eratque in ore meo dulcis tanquam mel: sed quum deuorasset eum, amaruit venter meus.
- 11 Tunc dixit mihi, Oportet te iterum prophetare coram populis, gentibus, linguis, & regibus multis.

ANNOTATIO.

Quæ gesta sunt per longam mille annorum, seriem à vers. 12. Tenuum capituli sexti ad hunc usque locum accepimus succedit tertium iam tempus, nempe restitutionis Evangelij in hac mundi senecta ut supra initio cap. 6. adnotauimus. Et si autem de momento ipsoque

Instauratio
euangelij
anno Chri-
sti 1320.

Præfagia
Instauratio-
nis euange-
lij.
Translatio
curiæ roma-
næ in Gal-
liam.

Terræmo-
tus.

Pestis.

Cometa.

Scholæ pu-
blicæ fun-
data.

Instaurato-
res euange-
lij.

temporis articulo non habeo quod liquidò mihi constet : tamen inceptam fuisse restorationem istam hoc capite & sequente ad vers. 14. commemoratam, post annum Christi 1300. & ante annum 1400. omnibus pijs competissimum esse iudico, qui historiam Ecclesiæ animis vnquam lustrarunt. Nam vt à diebus Constantini magni doctrina paulatim corrupta tandem in hæresim desinit, & disciplina in luxum; locustæque pseudocatholicæ Ecclesiæ Romanæ, in perniciem Christianæ religionis natæ, quasi nocte quondam Euangelio offuderunt vsque ad hæc ipsa tempora: ita ab hoc tempore, nempe ab anno Christi 1300. vel 1320. sensim creuit in dies veritas, vt cæcus sit oportet qui hodie solem iustitiæ non aspiciat. Porro post annum 1300. nonnulla restitutionis Euangelij, & ruinæ tyrannidis Romanæ præfagia extiterunt. Nam Clemens quintus, Pontifex Romanus Româ desertâ cathedram papalem transtulit in Galliam, Auenionique sedit, vbi successores eius mansere annos 74. vt inquit Volaterranus, ita fuerunt ex hoc tempore semper duo Papæ. Incidit hæc Romanæ aulæ in Galliam translatio, in annum salutis millesimum trecentimum quintum, vt inquit Sabellicus Ennead. 9. lib. 7. quo in loco sic etiam loquitur: *Fuit illa Pontificum absentia, cum cetera Italia, tum Romana ciuitati, supra quam dici possit calamitosa.* Post obitum Clementis sedes pestilentie biennij spatio ob patrum discordiam vacauit, vt idem Volaterranus author est. Sabellicus Ennead. 9. lib. 8. narrat sub Clemente sexto, qui sellæ impositus fuit anno 1342. ingenti terræmotu, qui durauit dies fere quindecim, multa corruisse ædificia, & mulieres grauidas fecisse abortum, item scdissimâ pestilentia, quam Inguinariam dixerunt, tot homines periisse, vt ex omni languentium numero vix centesimus quisq; mortem euaserit. Eodem tempore, vt idem author est, ingens cometa per quatuor menses in cælo obseruatus est, ac biennio post trabalis species ignea apertò cælo cucurrit, & flamma ingens post occasum solis inter Zephyrum & austrum, magnum trahens incendium, terribili sonitu ad terram deprimi visa est. Præterea intra spatium annorum 152. septem fundatæ sunt scholæ publicæ, Pragæ, Croatiz, Colonia, Erfordiz, Viennæ, Lipsiæ, & S. Andreæ in Scotia; ex quibus, vt etiam ex alijs tāquam ex equo troiano, prodierunt innumeri viri pietate & eruditione præstantes, qui tubâ Euangelij muros Romanos, vt olim sacerdotes leuitici Ierechuntinos Iosue cap. 6. deiecerunt, ac tenebris dissipatis

tis quasi iubare ardēte Ecclesiam illustrarunt. Quales in primis erāt
 Marfilius ille Patauinus defensor pacis Ecclesie, qui anno 1324
 vt est in Paralipomenis Abbatis Vrspergensis, defendit Ludovicum
 Bauarum contra Ioannem 22. Papam Romanum, insigni libro edi-
 to: & Ioannes Wiclefus Anglus anno 1336. Guilielmus Occam,
 Arnaldus de villa noua, Ioannes item Husius, qui anno 1390. Euan-
 gelium coepit prædicare, & Hieronymus Pragensis, cum multis alijs
 quorum nomina habentur in Paralipomenis Vrspergensis Abbatis.
 Græcas literas in Italiam reduxit Chrysoloras quidam Bizantius an-
 no Christi 1398. quum quinque & amplius ætates iniquitate tem-
 porum exulassent, vt tradit Sabellicus Ennead. 9. lib. 9. Quid illius
 ætatis viri pietate & doctrina insignes effecerint, patet tum alijs,
 tum præsertim ex cōcilio Francofordiense congregato anno 1338.
 vt est apud Auentinum lib. 7. Annalium Boiorum, & in Paralipome-
 nis Abbatis; & Pisano conuocato anno 1409. Sabellicus Ennead. 9. lib. 9. & Basiliense anno Christi 1433. in quibus Papam concilio
 subiectum esse planè docuerunt & decreuerunt. In concilio Con-
 stantiensi anno 1414. Ioannes Husius & Hieronymus Pragensis
 veritatem sanguine obsignarunt, & plurima ibidem maximaque
 negotia pro gloria Domini, pro publica vtilitate & honestate pote-
 rant agi, inquiunt Paralipomena Abbatis, *Si pueris caro Ecclesiasti-
 corum potuisset ferre saleu euangelicum.* Denique anno Christi
 1440. Ioannes Faustus ciuis Mogontinus, vt author est Auentinus
 lib. 7. annal. Boior. vel Ioannes Guttenberg. Argentoratensis, vt tra-
 dunt Wympfelingius rerum Germanar. epitome cap. 65. Paralipo-
 mena Vrsperg. & Sabellicus Ennead. 10. lib. 6. artem typographi-
 cam cœlitus reuelatam inuenit, quæ præclaram suppeditauit occa-
 sionem fidelibus seruis Christi ad regnum Pontificium diruendum.

Græcæ li-
 teræ.

Concilio ū
 decreta cō-
 tra papatū.

Ars typo-
 graphica

Verf. 1.

Tum vidi Quæ gesta gerendaue sunt in Ecclesia à prima E-
 uangelij restitutione, quam intra annos 1300. & 1400. inchoatam
 modo diximus, vsque ad finem seculi, summatim narrantur & pau-
 eis hoc decimo capite & tredecim primis versiculis capitis vndeci-
 mi. Huius tractationis partes sunt in vniuersum duæ: prior est de-
 nuntiatio grauissimorum iudiciorum vel potius æternæ condem-
 nationis contra impœnitentes illos (de quibus cap. 9. verf. 20, 21.)

Distributio.
 Iudicis cō-
 tra impœ-
 nitentes.

capitis:

capitis: posterior est cōsolatio fidelium ex restauratiōe rerum post tot exantlatas calamitates vers. 8. & sequentibus ad vers. 14. capitis undecimi. Sed pars vtrique duobus modis tractatur: primum typicā figurā; deinde manifesta expositione, quod memoria tenendū est, quia non summa tantum genera, sed singulæ ferè partes eodem modo exponuntur. Nam duo illa summa capita, quæ diximus, puta denuntiatio iudiciorum, & cōsolatio fidelium, primum typicè proponuntur tribus primis versibus; deinde vberius exponuntur vers. 4. & sequentibus. Proponuntur autem sub figura Angeli, qui primò descriptus est communiter vers. 1. & secundo, prædicta duo summa capita adumbrat vers. 2. &c.

Propositio.

Tum vidi] Hanc Angeli descriptionem dixi communem, quia vtrique generi, videlicet iudiciorum & cōsolationis æquè competit. *Angelum*] Nempe Christum, vide supra cap. 1. 15, 16.

Vers. 2, 3.

Habebat] Typicè adumbrantur & significantur duo illa summa capita, iudiciorum scilicet & cōsolationis, duobus his versiculis, ut in vers. 1. dictum est. Nam libellus apertus in manu Christi designat restitutionem Euangelij, ut infra patet quatuor postremis versibus huius capitis. Deinde quod pedem dextrum ponit super mare, sinistram autem super terram; & quod clamat sicut leo rugiens; significatur Christum Dominum esse terræ ac maris, potentiæque tantâ præditum, ut hostes debellet suosque liberet.

Vers. 4.

Expositio.

Et quū loquuta fuissent] Iudicia Dei cōtra hostes suos, & cōsolatio fidelium typis ac figuris erant significata tribus primis versiculis: nunc sequitur vtriusque expositio distincta, ac iudiciorum quidem versibus quatuor, cōsolationis autem fidelium vers. 8. & sequentibus ad finem capitis. Iudiciorum expositio duplex est: prior tacita & occulta hoc versu, posterior aperta licet imperfecta vers. 5, 6, 7.

Loquuta fuissent septem tonitrua] Id est, quum Angeli, ministri Christi ut Ioanni significant futura, (Apoc. 1. 1.) quorum voces sunt in lar tonitruum (Apoc. 6. 1. & 19. 6.) exposuissent tres primos versiculos, id est, quid figuratum & significatum fuit per Angelum illū fortem de cœlo descendentē, & præcipue per pedes eius, qui erāt ut columnæ

columnæ igneæ, & ponebantur alter super mare, alter super terram, & per magnum clamorem similem rugienti leoni; quum, inquam, Angeli exposuissent ista, quod attinet ad iudicia eius, Ioannes scripturus erat id quod ab Angelis expositum fuit. Sic enim mandauerat ei Dominus suprâ cap. 1. vers. 11. Sed dum scripturus erat, ecce, vox è cælo intonans iubet obsignare quæ nunc audierat, nõ autem scribere vt Dan. 8. 26. & 12. 4. Quamuis igitur hæc Ioanni erant exposita, tamen non sunt reuelanda. Itaque hanc priorem antecedentium typorum expositionem tacitam dico & occultam. Angeli metonymicè dicuntur tonitrua ab effectis, quia tonitrua proferunt dum loquitur Deus.

Verf. 5, 6, 7.

Et Angelus] Altera iudiciorum expositio, vt in verf. 4. diximus, quæ aperta quidem est, sed imperfecta quia ecliptica est oratio. Summa est, vt circumstantias prætermittam, tempus non fore amplius, in fine verf. 6. & in diebus septimi Angeli (de quo cap. 11. 14.) consummandum esse mysterium Dei. Quum dicit, *tempus non fore amplius*, est aposiopesis, quæ in pathetica oratione passim occurrit. Aliquid enim deest ad plenam orationem efficiendam. Dicit autem tempus non fore amplius, subaudi concessum impceniitentibus illis, de quibus cap. 9. 20, 21. vide Ezech. 36. 7. Quum enim duabus partibus hominum pepercerat Deus, & tertiam partem solummodo perdidisset, voluit ea benignitate ducere ipsos ad resipiscentiam. Sed quoniam tolerantiam & lenitatem Dei contemnunt, & admonitiones omnes ludificantur, iurat hic Christus, tempus non fore amplius concessum illis ad resipiscentiam, sed Angelo septimo buccinante, consummandum esse mysterium Dei, id est, impceniitentes istos damnandos à facie Domini & à glorioso ipsius robore; fideles verò in cælum recipiendos, sicut annuntiavit seruis suis prophetis. Quoniam igitur insanabiles sunt isti contemptores lenitatis Dei, non mirum quòd Ioannes iussus erat verf. 4. obsignare quæ septem tonitrua loquuta sunt. Sic Esaia 8. 16. Vt inter sextum & septimum sigillum interponeretur obsignatio electorum cap. 7. ita inter sextam & septimam tubam interponitur instauratio ministerij Euangelij hoc loco.

Verf. 8.

Et vox] Succedit expositio consolationis fidelium per rerum postliminio instauracionem in Ecclesia, vt in verf. 1. & 4. dictum est.

K

Hæc

Instauratio
euangelij.

Hæc instauratio duplex est: vna Euangelij & doctrinæ, reliquo hoc capite; altera Ecclesiæ & disciplinæ tredecim primis versibus capituli vndecimi. Instauratio Euangelij exponitur primum typicè tribus versibus, deinde apertè vers. 8. Typo autem libelli informatur Ioannes de Euangelio iterum prædicando, vt Ezechiel cap. 3. 1, 2. vel cap. 2. 11, 12. de suo munere. Quo tempore cepit instauratio ista, dictum est initio huius capituli, nempe inter annum 1300. & 1400.

CAP. II.

1 **D**atus est autem mihi calamus similis virgæ: adstititque Angelus, dicens, Surge, & metire templum Dei & altare, & eos qui adorant in eo.

2 Sed atrium quod extra templum est exclude, & ne metiaris illud: nam datum est Gentibus: & Urbem sanctam calcabunt mensibus quadraginta duobus.

3 Sed Dabo illam duobus testibus meis, qui prophetabunt diebus mille ducentis sexaginta, amicti saccis.

4 Hi sunt dua ille olea & duo candelabra in conspectu Domini terra posita.

5 Quod si quis velit eis nocere, ignis prodit ex ore ipsorum, qui deuoret inimicos eorum: nam si quis velit eis nocere, ita oportet eum occidi.

6 Hi habent potestatem claudendi cælum, ne pluat diebus prophetia ipsorum: & potestatem habent super aquas, conuertendi eas in sanguinem, & percutiendi terram omni plaga quotiescunque voluerint.

7 Porro quum finierint suum testimonium, bestia ascendens ex abyssu, geret aduersus eos bellum, & vincet eos, & occidet eos.

8 Et cadavera eorum iacebunt in plateis urbis magna, qua vocatur spiritualiter Sodoma & Egyptus: vbi & Dominus noster crucifixus est.

9 Et videbunt homines ex tribubus & populis & linguis & Gentibus cadavera eorum per tres dies & dimidium, & cadavera eorum non sinent poni in monumentis.

10 Et incola terra gaudebunt super illis, & latabuntur: & muneram mittent alij alijs, quod hi duo Propheta cruciarint terra incolæ.

11 Sed post dies tres & dimidium, spiritus vite à Deo prodicens ingreditur in illos: stabuntque erecti in pedes suos, & timor magnus cadet super eos qui ipsos spectarunt.

12 Deinde audierunt vocem magnam de cælo, dicentem ipsis, Ascendite huc. Ascenderuntque in cælum per nubem: & viderunt illos inimici eorum.

13 Factusque est in illa hora tremotus magnus, & decima pars urbis cecidit, & occisa sunt in tremotui capita hominum septies millo: & reliqui territi sunt, & dederunt gloriam Deo cæli.

14 Va secundum abiit, & ecce va tertium veniet cito.

15 Septimus igitur Angelus clauxit, & facta sunt voces magna in cælo, dicentes, Facta sunt regna mundi, regna Domini nostri, & Christi eius, qui regnabit in seculo seculorum.

16 Tum viginti quatuor illi Senes qui in conspectu Dei sedent in sedibus suis, proiderunt in facies suas, & adorarunt Deum,

17 Dicentes, gratias agimus tibi Domine, Deus omnipotens, Qui es, Qui eras, & qui venturus es; quod adeptus sis potestatem tuam magnam, & regnum inieris:

18 Et irata sunt Gentes, & aduenit ira tua: & tempus mortuorum, ut indicentur: & des primum seruis tuis Prophetis, & sanctis, & timentibus nomen tuum, paruis & magnis: & perdas eos qui perducunt terram.

16 Tunc apertum est templum Dei in calo, & visa est Arca fœderis eius in templo eius: & facta sunt fulgura & voces, & tonitrua & tremotus, & grando magna.

ANNOTATIO.

Datus est] Post instaurationem Euangelij, sequitur iam Ecclesiæ reformatio, ut supra in cap. 10. 8. ostendimus. Reformatio Ecclesiæ primum typicè proponitur duobus primis versibus; deinde aperte exponitur vers. 3. & sequentibus. In typica reformatione Ecclesiæ, qua alludit ad ceremonialem cultum qui viguit sub lege, primum datur Joanni calamus seu pectica; deinde ostenditur vltus eiusdem. Quemadmodum instauratione rerum post redditum è captiuitate Babylonica Iudæis prænuntiata fuit Ezech. 36. & 37. ita Christus hoc loco figuris & typis legalibus adumbravit instaurationem

Instauratione
Ecclesiæ.

onem ministerij ad Ecclesiam ipsius post spirituales captiuitatem sub Antichristo Romano & in Babylone apocalyptica peruenturam. Sicut Zacharias cap. 2. in rem presentem venit : ita Ioannes Wiclefus, Marsilius Patavinus, & alij eius ætatis fidelissimi serui ac ministri Iesu Christi, de quibus diximus initio capitis decimi, anno millesimo post Constantinum magnum instaurationem istam inchorunt. Sed Wiclefus doctrinam cap. 10. 8. Hussius verò disciplinam hoc capite instaurauit.

Templum
significat
sanctam ec-
clesiam.
Altare sig-
nificat pu-
um Dei
cultum.

Templum Dei] Id est, sanctam Catholicam Ecclesiam 2. Cor. 6. 16. Ephes. 2. 19. 20. 21. 22. & 1. Tim. 3. 15. & Heb. 3. 6. *Et altare*] Id est, purum & legitimum cultum Dei, 1. Cor. 9. 13. & 10. 18. & Heb. 7. 13. *Eos qui adorant in eo*] Id est, singulos fideles, qui facti sunt reges & sacerdotes Deo & Patri suo Apoc. 1. 6. ad offerendū spirituales hostias, acceptas Deo per Iesum Christū 1. Pet. 2. 5. Vers. 2.

Atrii nomi-
ne intelli-
guntur hy-
pocritæ.

Sed atrium quod extra templum est] Id est, hypocritas, qui sanctitatem simulant quum sint impurissimi canes. Duplex autem lectio quæ in diuersis codicibus reperitur, nihil detrahit sensui, vtramcūq; sequamur. Nam Salomon extructo Templo gloriosissimo duo adiunxit atria; vnum populi, alterū sacerdotum, vt videre licet 1. Reg. 7. 12. & 2. Reg. 21. 5. & 23. 12. & 2. Chro. 4. 9. Illud atrium quod populo erat destinātū, appellatur magnū aut maximū, fuitque exterius, id est, remotius à Templo respectu alterius atrii. At verò atrium sacerdotū propinquius erat Templo, & ided dicitur interius 1. Reg. 6. 36. Vtrumq; extra Templū erat. Quum igitur veri adoratores, ingrediuntur Templum Heb. 4. 16. ibiq; Patrem spiritu ac veritate adorant; hypocritæ verò foras stant in atrio (siue exteri & remotiore, siue interiori & propinquiori parum refert) & superbo Ecclesiæ titulo sese falsò venditant; mandatum accipit Ioannes metiendi Templū & altare, & eos qui adorant in Templo; atq; foras eijciendi atrium tam exterius quàm interius, id est, eos qui thrasonicè crocitant & crepant se Ecclesiam esse catholicā nec errare posse. Vt verò vtranque lectionem retineamus, per exterius atrium, intellige Romanæ Ecclesiæ numerosam multitudinem; & per atrium interius, clerum Papisticum, nempe Pontificem ipsum Pessimum Maximum, Monachos, Iesuitas, Franciscanos & eiusmodi greges, qui vi perumpentes in ouile Christi polluerunt Templum

atrium
papisticum
eijciendum
foras.

plum Dei, ut pij lugentes meritò decantent Psal. 79. *Deus, ingressæ sunt gentes in possessionem tuam, polluerunt Templum sanctitatis tuæ, &c.*

in idem, nam datum fuit Gentibus] Ratio cur atrium sit excludendum non autem metiendum, videlicet, quia datum fuit per annos mille Gentibus, id est, profanis Gentibus & impurissimis quibuscunque hominibus semper patuit, profanatumque fuit ibi nomen meum egregiè & sceleratè, atque idcirco ne metiaris, noli reædificare, aut ullam eius curam habere, sed exclude & eijce foras. Quod autem synagoga Romana, quæ sola Ecclesia dici voluit, libidine, fornicationibus, & stupris foetuit, luxurie diffudit, & crapulâ fuit distenta, omnes loquuntur historix. Notum est omnibus vitam Romanæ curiæ extitisse impurissimam, mores corruptissimos, & doctrinam prorsus diabolicam, iuxta vaticinium Pauli 1. Tim. 4. 1, 2, &c.

et tuâ mē, Igitur urbem sanctam calcabunt (nempe gentes) *mensibus quadraginta duobus*] Hæc verba optimè, ut mea fert opinio, cohærent cum superioribus hoc modo. Age Ioannes; surge, metire templum, id est, veram, sanctam, catholicam Ecclesiam Dei; atrium verò, id est, hypocriticam Ecclesiam Romanam noli metiri, sed eijce foras. Nam patuit iam diu profanis gentibus, nomenque meum ibi pollutum fuit. Itaque nunc etiam conculcabitur à gentibus mensibus quadraginta duobus. Sed & alter sensus, quem plerique omnes afferunt, optimè fluit. Noli metiri atrium, quia illud ego dedi gentibus, & conculcabit illæ urbem sanctam mensibus quadraginta duobus. Vter sensus magis genuinus dijudicent alij. Prior mihi magis placet.

Urbem sanctam] Si hæc verba cohæreant cum superioribus eo, quo diximus, modo; tum loco horum verborum, urbem sanctam, ponendum fuisset relatiuum, illud, nempe atrium; vel ipsum antecedens, scilicet atrium, fuisset relatiui loco repetendum sic: igitur calcabunt gentes illud, scilicet atrium mensibus quadraginta duobus. Sin hic noua inchoatur res, tum per urbem sanctam intelligere debemus sanctam Catholicam Ecclesiam. q. d. Noli metiri atrium, quia datur profanis gentibus. Porro calcabunt etiam gentes sanctam Ecclesiam Dei mensibus quadraginta duobus. Quid maximè eligendum, ego me nescire ingenuè fateor. Facilius enim est in omni re, quid non sit, quàm quid sit dicere. Vtraque expositio admitti &

Urbis sanctæ nomine intelligitur papistica synagoga Romana.

ex historijs confirmari potest. Nam ex quo facta est restauratio hæc ministerij Euangelij, tum papatus fuerit spretus & conculcatus ut hodiè vix spiritum ducere sentias; tum grauissimam afflictionem passa est sancta Ecclesia Christi ab antiquo illo dracone, qui hoc tēpore solutus vinculis, quibus ad annos mille cōstrictus fuerat omnia funestauit, per Europam præsertim vbi ferè peregrinatur Ecclesia, & innumeras martyrum strages edidit, ut infra dicetur cap. 20. 2. & c. Veruntamen quia scopus est Spiritus sancti hoc in loco, sanctæ Ecclesiæ Dei instaurationem potius quàm afflictionē prædicere, ut & pseudocatholicæ curiæ Romanæ excommunicationem typo atrij eiecti & præteriti figurare, per urbem sanctam, quæ mensibus 42. conculcanda est, synagogam Romanam potius intelligi & adumbrari existimo. Quod autem cacolica & Papistica Ecclesia Romana appellatur vrbs sancta, papicolæ nihil omnino iuuat. Nam ut Hierusalem dicitur vrbs sancta etiam tum, cum sceleratissima fuerit latronum, parricidarum, & idololatrarum spelunca Matth. 4. 5. & 27. 53. non quod tum sancta fuit, sed quod olim fuerat, & quod communiter populari sermone ita nuncuparetur: eodem modo hypocritica, immunda, & pseudocatholica Ecclesia Romana, vrbs sancta dicitur (manifesta enim est allusio ad legales typos) non quod ita sit, sed quod ita vulgo dicebatur, ita haberi voluit, & ita olim fuerat. Et hæc vrbs sancta, ut mea fert coniectura, dicitur vrbs magna infra vers. 11. huius capituli, & cap. 16. 19. & 17. 18. & 18. 10.

Menses 42.
denotant
annos 294.

Mensibus quadraginta duobus] Si menses isti definitum tempus significant, tum vel totidem numerantur, qui triennium ferè cum dimidio conficiunt, quæ sententia omnium minimè opinabilis videtur: vel per sabbatha annorum supputandi sunt, & efficiunt annos ducentos nonaginta quatuor, quæ ratio mihi videtur valde probabilis. Sin autem indefinitè sumantur, tum designant exiguum illud tempus, quo Satan solutus vagatur Apoc. 20. 3. De initio istorum mensium 42. statuere non est difficile. Tum enim incipiunt, quando Deus Templum metiri, Ecclesiam sanctam instaurare, & atrium papisticum excludere cœpit. Ab eo tempore si enumerabimus annos ducentos nonaginta quatuor, constabit finem quoque iam instare vel adesse. Menses istos per sabbatha annorum potissimum supputandos reor, quoniam infra cap. 13. 5. ita omnino eodem numerare est necesse.

Verf.

Verf. 3.

nam dabo] Ad plenam constructionem vel deest aliquid, vel aliter interpretanda sunt verba, quam vulgò solent. Defectus isto modo suppleatur: Surge, Ioannes, metire Templum Dei, & altare, & eos qui adorant in eo verf. 1. *nam dabo* (scilicet illud Templum, ut vir longè doctissimus & Ecclesie Christi utilissimus D. Franciscus Iunius in hunc locum præclare obseruauit, vel prouinciã hanc metiendi Templum, & altare, & eos qui adorant in Templo) duobus testibus meis. Sin alia quærenda sit expositio, tum quod deesse videtur, suppletur in verbo sequenti hoc modo: *nam dabo* duobus illis testibus meis, *ut prophetent*, & prophetijs suis merentur Templum, &c. Sed hæc de grammatica interpretatione satis.

Nam dabo] Reformationis Ecclesie typicè verf. 1. figuratæ, sequitur nunc aperta & plena expositio, ut suprà in verf. 1. obseruatum fuit. Narrat autem instaurationem istam Ecclesie efficiendam ministerio duorum prophetarum, quorum describit vitam quatuor versibus vsque ad verf. 7. mortem quatuor sequentibus versiculis, puta 7, 8, 9, 10. & resurrectionem tribus versibus, nempe 11, 12, 13. Vitam eorum describit primùm ex officio verf. 3, 4. deinde ex potestate illis data verf. 5, 6.

Duobus illis testibus meis] Duo hi testes sunt illi prædicatores verbi, qui post annum millesimum trecentimum cœperunt maiori cum potestate & autoritate faciem Ecclesie renouare. Quales fuerunt in primis Ioannes Hussus & Hieronymus Pragensis.

Duobus] Duo esse dicuntur, quia pauci erant, & quia duorum testimonio veritas confirmaretur, & quia sibi mutuo opem ferre opus habebant. Itaque Christus etiam discipulos misit binos & binos.

Prophetabunt] Id est, Euangelium prædicabunt & Ecclesias colligent. *Dies 1260.*] De hoc numero nihil certi habeo quod statuam. Istos tamen duos testes prophetias suas finire anno 1414. quando Ioannes Hussus & Hieronymus Pragensis in conciliabulo Constantiensi combusti sunt, omnes, qui propius ad rem attenderint, animaduersuros arbitramur. Amplector itaque verissimamque indicio sententiam sancti illius viri Dei D. Ioannis Foxi, qui dies istos 1260. refert ad concilium Constantiense, quod durauit absolute totidem dies, id est, annos tres & dimidium. *Amicti saccis*] Non serico, ut Romanenses præfules sunt sericati.

Reformatio
Ecclesie post
annu 1320.

Duo isti testes
sunt
prædicatores
illius
temporis.
Quare duo
testes esse
dicuntur.

Dies 1260.
significant
spatium triū
annorum
& dimidij,
& tempus
durationis
concilij
Constantiensis.

Vers. 4.

Laus duorum
testium.

Metaphori-
ca descrip-
tio testium.

Hi sunt dua illa olea] Alludit ad caput quartum Zachariæ, unde petenda est huius loci expositio. Sensus est, horum duorum testium ministerio Ecclesiam per se obscuram illustrari & collucere. Ministri enim verbi tanquam candelabra sustinent lucernam verbi, quo diriguntur fideles ambulantes in tenebris huius mundi. Item ministri verbi similes sunt oleis, quia prædicatione Euangelij oleum, id est, gratia Spiritus sancti infunditur in animos fidelium, ut perpetuo luceant. Denique hac descriptione duorum istorum prophetarum, indicatur id quod habetur Zach. 4. 6. nempe instaurationem Ecclesiæ factam esse non virtute neque vi humana, sed Spiritu meo, ait Iehoua exercituum.

Vers. 5, 6.

Duorum
testium po-
testas.

Quod si quis] Nunc vitam istorum testium describit ex potestate, quam illis dedit Dominus, ut in vers. 3. dictum est, nempe, quod nemo eis nocere potest vers. 5. ipsi autem alios lædere possunt vers. 6. Vide Ierem. 5. 14.

Vers. 7.

Mors duo-
rum testium.

Porro quum finierunt] Hactenus de vita & prophetia testium, sequitur mors eorum, ut supra ad vers. 3. obseruatum est. Mors narratur hoc versu, quid verò sequebatur post mortem eorum, exponitur vers. 8, 9. Hoc autem versu narrantur hæc tria. 1. quando mortui sunt, scilicet quum finierint testimonium suum, id est, in conciliabulo Constantiensi, anno 1415. 2. quis eos trucidauit, nempe bestia illa ascendens ex abyssu, id est, pontifex Romanus qui habet clauis abyssi supra cap. 9. 1. 3. quo genere mortis migrant ex hoc mundo, nempe violento non naturali, occiduntur enim ab hostibus.

Vers. 8, 9, 10.

Crudelitas
papistarum
in cadauera
duorum te-
stium.

Et cadauera] Duo mortem eorum sequuntur, videlicet feralis immanitas in eorum cadauera vers. 8, 9. & lætitia hostium vers. 10. Barbara est crudelitas in cadauera mortuorum desæuire, ita tamen factum fuisse satis idoneus testis est Æneas Syluius, qui historiæ Bohemicæ cap. 36. scriptum reliquit, cineres Ioannis Husij & Hieronymi Pragensis, qui Constantiæ combusti sunt, in lacum proiectos fuisse, ne raperentur à Bohemis. Discipuli autem eorum, quum nec ossa nec cineres eorum colligere liceret, terram ex eo solo

solo abstulere, in quo ignis fuit, eamque secum attulerunt in patriam.

Urbis magna] Id est, Romæ, de qua Ouidius metamorph. lib. 15. *Quæta nec est, nec erit, nec visa prioribus annis.* Atque ne dubitemus quam potissimum urbem intelligit, tribus notis insignitur. Primum spiritualiter vocatur Sodoma propter impuram & impudicam foeditatem, ut quæ mundum innumerabilibus pæderastijs impleuit, quod satis ille nouit, qui hoc disticho urbi magnæ valē dicit.

Romana
synagoga
appellatur
Sodoma &
Ægypta.

Roma vale: vidi: satis est vidisse: reuertar,

Quum leno, meretrix, scurra, cynadus ero.

Deinde vocatur Ægyptus propter crudelitatem in sanctos, quos infestauit & trucidauit. Denique dicitur vrbs magna vbi Dominus noster crucifixus est. Ea verò est vrbs Roma. Nam Christus prædicens mortem suam, dixit, filius hominis tradetur gentibus, & illudetur, & contumelijs afficietur, & conspuetur: & postquam eum flagellauerint, trucidabunt Luc. 18. 32. Quum prehensus & accusatus fuit Christus, Pilatus dixit Iudæis: accipite eum vos, & secundum legem vestram condemnate eum. Sed Iudæi responderunt ei, *Nobis non licet occidere quenquam*, Ioan. 18. 31. Itaque Christus crucifixus est sub ditione & imperio Romano, sub Pontio Pilato iudice Romano, & legibus Romanis. Sedes vero imperij, & iurisdictionis Romanæ est vrbs ipsa Roma, quæ infra cap. 17. vers. 18. dicitur vrbs magna.

Per tres dies & dimidium] Id est, per tres annos & dimidium, ut Num. 14. 34. & Ezech. 4. 6. Nam conciliabulum Constantiense, in quo Ioannes Hussius & Hieronymus Pragensis accusati, condemnati, combusti, & conculcati fuerunt, per tres annos & sex menses perdurauit.

Vers. 11.

Sed post dies] Vitam duorum testium, itemque mortem eorum vidimus: sequitur resuscitatio eorum, cuius summa hoc versu declaratur, effectus autem duobus sequentibus.

Resuscitatio
duorum testium.

Post tres dies & dimidium] Id est, post concilium Constantiense quod triennium totum & sex menses durauit, reuixit veritas Evangelij, quæ condemnata fuerat in Ioanne Hussio & Hieronymo Pragensi, & frequentissima congregantur Ecclesiæ per Germaniam, ut author locuples est Æneas Syluius historiæ Bohemicæ

cap. 36. vbi Ioannem Præmonstratensem veritatis Euangelicæ prædicatorem appellat ipse Papista & postea Pontifex pseudosacerdotem. Eandem doctrinam prædicauit Ioannes Rochezana, quem Ioannes Capistranus Minorita ad gremium Romanæ synagogæ reducere sæpè tentauit, vt est in Paralipomenis Abbatis Vierspergensis. Wympfelingius inuidiâ macrescens quod Hussitarum doctrina (vt is papista inuidiosè appellat) tantum quotidie inualesceret, causam ascribit ignauitæ Wenceslai regis, cap. 46. epitomes rerum Germanicarum. Quemadmodum Elias reuixit in Ioanne Baptista Luc. 1. 17. Matth. 11. 14. iuxta vaticinium Malachiæ cap. 4. vers. 5. ita Ioannes Hussius & Hieronymus Pragensis rediuiui fuerunt in his & in alijs fidelibus ministris Iesu Christi ad hunc usque diem, & adhuc viuunt victurique sunt quandiu sol & luna erunt. Nam in ipso concilio Constantiensi, & apud Aeneam Syluium cap. 35. videre licet, eandem tum ab illis duobus testibus prædicatam fuisse doctrinam, quam hodie Dei gratia prædicamus palam.

Resuscitati
testes mag-
num incu-
tiunt timo-
rem papistis

Timor magnus caderet] Etsi numerosa multitudine crescentium in dies singulos Ecclesiarum sanctarum, postquam duo illi testes Templum Dei metiri cœpissent, perculsa fuit pseudocatholica Ecclesia Romana, atrijs nomine supra vers. 2. figurata: summum tamen terrorem incutiebat Vappæ Romanæ & papicolis omnibus, nobilis ille vir Hussitarum propugnator fortissimus Ianus de Trosenau, quem Zischam vel Ziscum, id est, cæcum, quod luscus foret, nuncupant, vt est apud Aeneam Syluium, & in Paralipomenis Abbatis ex Epitaphio eius patet. Hic autem vers. 12. inchoarem. Atque ita quatuor sunt effectus, qui testium duorum resurrectionem sequuntur: primus, terror inimicorum his verbis: secundus, felicitas duorum testium, verbis sequentibus: tertius, ruina vrbs: quartus, resipiscentia fidelium vers. 13.

Vers. 12.

Deinde audierunt] Subaudi hostes & interfectores prophetarum. *Vocem magnam*] Nempe verbum Dei, quod resuscitati propheta isti prædicarunt, & quo testificabantur Ioannem Hussium & Hieronymum Pragensem veritatem Euangelicam prædicasse, atque nunc in cælum receptos esse. Posteriorum enim prophetarum testimonio confirmatur doctrina priorum testium.

Vers. 13.

Verf. 13.

Factusque est in illa hora] Id est, illo tempore instaurationis Ecclesie. Hora enim passim vsurpatur pro tempore, vt Marc. 13. 11. Ioan. 16. 2. & 1. Ioan. 2. 18.

Terra-motus magnus] Id est, magna rerum mutatio. Quum enim Imperator ipse, reges, ac populi in suspenso erant, atque de religione ambigerent, quænam potissimum amplectenda erat, ecce, veritate per resuscitados istos testes, ac præsertim per Lutherum & alios eum sequentes quotidie magis magisque patefacta & illustrata, qui prius superstitioni addicerentur, eidem prorsus renuntiant, euangeliumque Iesu Christi amplectuntur, & ita magna facta est mutatio per totam ferè Europam.

Quando testes illi resuscitarentur, magna facta fuit religionis mutatio in Europa.

Decima pars Urbis cecidit] Id est, Anglia, Scotia, Gallia, Germania, Belgia, Bohemia, Polonia, Heluia, Saxonia, Sueuia, & multæ civitates, ab Antichristo illo Romano defecerunt, quo fit, vt Urbis illius magnæ ac sedis apostaticæ imminuta & attenuata sit potentia, tyrannis, ac maiestas.

Magna hominū multitudo eodē tempore defecit à papatu.

Occisa sunt in terra-motu capita hominum septies mille] Id est, magna edita est strages, non carnalis & corporum, sed spiritualis & animarum, idque armis spiritualibus, non carnalibus. Sicut enim non decima pars murorum & ædificiorum urbis cecidit, sed decima pars ditionis, potentie, & opum: ita septies mille hominum capita occisa sunt, id est, confutantur, hæresium conuincantur, & reuera spirituali gladio, nempe verbo Dei interfecti sunt.

Cædes spiritualis pastarum.

Reliqui territi sunt, & dederunt gloriam Deo cæli] Id est, qui gratiâ Dei liberantur à terræ-motu illo, non sunt vt impenitentes illæ duæ partes hominum, de quibus cap. 9. 20, 21. sed abrenuntiant papismo, ac veritatem recipiunt, qua salui fiant, vt infra patet cap. 18. verf. 9. & sequentibus ad cap. 20.

Verf. 14.

Va secundum abijs] Transito à sexta tuba ad septimam, & à tertio tempore ad quartum & vltimum, vt initio cap. 6. diximus.

Vers. 15.

1. Breuius, vers. 15.

1. Præfens iudicium bis iudicatur

2. Fufius
vers. 16.
Seniores 24.

1. Adorant Deum, vers. 16.

1. Christus deuicerit
hostes suos, vers. 17.
2. Aduenerit tempus
iudicii, vers. 18.

2. Gratiarum agunt quod

3. Christus
suis fir-
Præmium
bonis da-
turus,
vers. 18.
Perditurus
improbos.

Finis seculi

2. Sequens gaudium ex

1. Conspectu & præsentia Arcæ Dei, priori
parte, vers. 19.
2. Perpetua celebratione Dei, posteriori par-
te vers. 19.

Vers. 15.

Tempus
quartum &
postremum
huius mun-
di.

Finis seculi.

Septimus igitur Angelus clauxit] Ex quatuor temporibus, in quæ priorem prophetiam Ecclesiæ militantis diuisimus supra initio cap. 6. hoc postremum est, continetque finem seculi, ut ibi dictum est. Finis autem seculi declaratio duplex est reliquo hoc capite. Nam primum narratur præfens iudicium quatuor versibus; deinde, sequens gaudium vers. 19. Præfens iudicium bis indicatur & à duobus Angelorum ordinibus: primò quidam Angeli dicunt, diem iudicii venisse vers. 15. secundò, viginti quatuor seniores per modum actionis gratiarum idem pluribus enarrant vers. 16, 17, 18.

Septimus igitur Angelus] Nempe Archangelus ille, qui clatigore tubæ Dei æthera mugire faciet, & cogat omnes coram Christo. *Facta sunt voces magna in cælo*] Id est, celestis ingens aliorum Angelorum.

Facta sunt regna mundi, [regna] Domini nostri] Id est, Christus, qui Ecclesiâ suâ in mundo militante, hætenus semper dominatus est

est in medio inimicorum suorum (Psal. 110. 2.) iam subactis hostibus vniuersis, abolitoque imperio omni, traditurus est regnum Deo ac Patri, vt Deus sit omnia in omnibus 1. Cor. 15. 24, 28.

Vers 16, 17, 18.

Tum viginti quatuor Seniores] Id est, Angeli alij, vt supra in cap. 4. 4. adnotauimus. Hi primùm adorant Deum vers. 16. deinde gratias Deo agunt priori parte vers. 17. propter tres causas: primò quòd Christus deticit & subiugauit omnes hostes suos, aboleuitque omne imperium, & omnem potentiam, & virtutem posteriori parte vers. 17. Secundò, quòd aduenit tempus omnium mortuorum, id est, dies iudicij, priori parte vers. 18. Tertiò, quòd Christus iam tandem iudicaturus est, ac præmium daturus seruis suis, media parte vers. 18. perditurus verò improbos, postrema parte vers. 18.


Vers. 19.

Tunc apertum est] Sequitur gaudium quo fruituri sunt electi post iudicium mundi, vt supra in vers. 15. diximus. Duobus autem modis declaratur: primùm ex præsentia, conspectu, & fruitione Tabernaculi & Arce Dei in cælo, priori hemistichio. Ita quoque figuratur beatitudo cœlestis in fine secundæ prophetiæ cap. 21. 3. Secundò ex perpetua celebratione Dei & psalmodia, posteriori hemistichio. Nam fulgura hæc, voces, & tonitrua, nihil sunt aliud, quàm voces Angelorum sanctorum celebrantium Deum.

L 3

ANALYSIS.

ANALYSIS secundæ prophetiæ.



CAP. 12.

1 **V**isum est autem signum magnum in cælo: Mulier aderat amicta sole, sub cuius pedibus erat luna: & in capite corona stellarum duodecim:

2 Et pragnans clamabat parturiens, & cruciabatur ut pareret.

3 Item, visum est aliud signū in cælo, nam ecce adfuit draco magnus rufus, habens capita septem & cornua decem: & in capitibus suis diademata septem.

4 Cuius cauda trahebat tertiam partem stellarum cæli, quas abiecit in terram: stetit autem is draco ante mulierem parituram, ut quum peperisset, filium eius denoraret.

5 Peperit autem filium masculum, recturum omnes gentes virga ferrea: & raptus est filius eius ad Deum & ad thronum eius.

6 Mulier verò fugit in solitudinem, ubi habet locum paratum à Deo, ut illic pascant eam diebus mille ducentis sexaginta.

7 Et factum est prælium in cælo: Michael & Angeli eius præliabantur cum dracone, & draco pugnabat & Angeli eius:

8 Sed non obtinuerunt, neque locus eorum amplius inuentus est in cælo.

9 Et proiectus est draco ille magnus, serpens ille antiquus, qui vocatur Diabolus & Satanas, qui seducit totum terrarum orbem: proiectus, inquam, est in terram, & Angeli eius cum eo proiecti sunt.

10 Et audiui vocem magnam dicentem in cælo, Nunc facta est salus, & virtus, & regnum Dei nostri, & potestas Christi eius: quia deiectus est accusator fratrum nostrorum, qui accusabat eos ante conspectum Dei nostri die ac nocte.

11 Sed ipsi vicerunt eum propter sanguinem Agni, & propter sermonem testimonij sui: & anima sua prodigi fuerunt usque ad mortem.

12 Propterea latamini cæli & qui habitatis in eis. Vā incolis terra & maris: nam descendit Diabolus ad vos, ira magna plenus, ut qui sciat se paululum temporis habere.

13 Quum igitur vidisset draco se proiectum esse in terram, persequutus est mulierem que pepererat masculum.

14 Sed data sunt mulieri ala due aquila magne, ut volet à conspectu serpentis in desertum, in locum suum, ubi alitur per tempus & tempora, & dimidium temporis.

15 Eicete

15 *Eiecit autem serpens ex ore suo post mulierem, aquam tanquam flumen, ut eam faceret rapi à flumine:*

16 *Sed succurrit terra mulieri, aperuitque terra os suum, & absorbuisset flumen quod eiecerat draco ex ore suo.*

17 *Iratus est igitur draco aduersus mulierem: & abiit ut gereret bellum cum reliquis ex semine eius, obseruantibus mandata Dei, & habentibus testimonium Iesu Christi.*

18 *Stetitque super arenam maris.*

ANNOTATIO.


Secunda
prophetia
de Ecclesia
militante.
Distributio
generalis
totius hu-
ius secundæ
prophetiæ.

Priorem prophetiam militantis Ecclesiæ præteruerti, accedimus nunc ad secundam, sicut diximus suprâ in cap. 6. 1. Hæc autem secunda prophetia duplex est: prior historiam continet à Christo nato ad hanc usque diem octo capitibus, nempe ab hoc loco usque ad cap. 20. posterior historiam paucis complectitur rerum gerendarum ab anno Christi 1320. (quo restitutionem Euangelij inceptam suprâ sæpius diximus, veluti initio cap. 10. & cap. 11.) ad finem usque seculi, capite vecesimo. Prioris prophetiæ duo sunt loci: primo loco ponitur ipsa prophetia quinque capitibus: posteriori sequitur eiusdem prophetiæ, aut saltem quarundam partium eius expositio, tribus capitibus sequentibus, scilicet cap. 17. & 18. & 19. Prophetia ipsa, (quæ vniuersæ complectitur historiam Ecclesiæ à nato Christo ad hoc nostrum seculum, ut modò dictum est) in sua tempora, nempe in duo distinguitur. Primum enim res in Ecclesia gestas enarrat à Christo nato ad restitutionem Euangelij inceptam circiter annum Christi 1320. ab initio huius capituli ad cap. 14. 6. deinde progreditur à cap. 14. 6. ad cap. 17. enarrans quid factum fuerit à restitutione Euangelij, vel ab anno 1320. ad hanc usque diem. Quod attinet ad primum tempus, nempe mille trecentorum & viginti primorum annorum post natum Christum, duo in vniuersum declarantur; videlicet fidelium continua afflictio capitibus duobus, nempe duodecimo & decimo tertio, & eorum constans professio quinque primis versibus capituli decimi quarti. Perpetua fidelium afflictio tribus distinctis temporibus notatur. Primum à Christo nato usque ad Nerone per annos sexaginta eoque amplius cap. 12. Hanc calamitatem Ecclesiæ intulerunt præsertim Iudæi. Secundo, à Nerone ad Constantinum magnum, quasi annos 254. aut fortassis diutius multò cap. 13. vers. 1. & sequentibus ad vers. 11. Istam persecutionem

mouerunt

mouerunt Imperatores Romani martyrocidæ. Tertiò, Pontifices ipsi Romani minas contra fideles seruos Christi spirarunt ferè mille annos cap. 13. vers. 11. & sequentibus ad finem capitis. Atque hæc est secunda istius prophetiæ periocha.

ANALYSIS. Cap. 12.



Vers. 1.

Deinde visum est signum magnum] Hoc caput continet afflictionem Ecclesiæ per annos sexaginta, à natiuitate Christi ad primam illarum decem persecutionum, quam excitauit Nero, vt modò dictum est. Hæc autem afflictio tribus distinctis temporibus aperte declaratur. Prima afflictio contigit tempore natiuitatis Christi sex primis versibus. Secunda tempore prædicationis Christi vers. 7. & sequentibus

Afflictio ecclesiæ à Christo nato ad Neronem.

De tempo-
re natiuita-
tis Christi.

sequentibus ad vers. 13. Tertia accidit post ascensum Christi in coelum vers. 13. & sequentibus ad finem capitis. Prima afflictio describitur sub typo mulieris prægnantis parturientisque, & draconis rufi obseruantis mulierem vt partum eius deuoret. Considerandum igitur ante partum, quid mulier vers. 1, 2. & quid draco vers. 3, 4. Post partum, quo modo tum partus in lucem editus, tum mulier conseruentur ac liberentur è potestate draconis vers. 5, 6.

Mulier par-
turiens sig-
nificat Ec-
clesiã præ-
seruam Iu-
dæorum.

Mulier] Id est, Ecclesia Iudæorum. Nam corpus vel totum aliquod appellatur mulier, veluti corpus improborum Iudæorum Zachar. 5. 7. & cacolicæ synagogæ Romanæ Apoc. 17. 3. Item corpus fidelium seruorum Christi sub typo mulieris figuratur Zachar. 5. 9. Porro Ecclesia non solum mulier aliquando vocatur, sed etiam mater passim in scriptura, vt duo illi peritissimi artifices in Tabernaculo Domini, D. Immanuel Tremellius & D. Franciscus Iunius, pulchrè obseruarunt annot. in Cant. 7. 6.

Amicta sole, sub cuius pedibus erat luna] q. d. pulcherrima, splendissima, ornatissima, vt Cant. 6. 7. *Quæ est illa spectata velut aurora, pulchra vt luna, pura vt sol.* Vide Ephes. 5. 27.

Vers. 2.

Et prægrauata, in ventre habens] Subaudi foetum seu infantem, id est, prægnans. Hæc mulier fide concepit Gen. 3. 15. ex quo tempore grauida facta vterum ferebat vsque ad annum mundi 3983. ad annum 41. vel 42. Imperij Augusti Cæsaris. Toto hoc temporis intervallo Ecclesia Iudæorum quasi parturiens expectabat Messiam, qui etiam dicitur expectatio Gentium, Esai. 2. 2. & 42. 4, 6.

Clamabat parturiens, & cruciabatur vt pareret] Id est, quando venit plenum tempus vt Deus emitteret filium suum, quem Maria virgo, illæsa virginitate concepit per singularem operationem Spiritus Sancti, citra alicuius viri cooperationem, Ecclesia Iudæorum quasi enitendo cruciabatur vt pareret Christum, sicut mulieres parturientes distinguntur doloribus partus.

Vers. 3.

Draco sig-
nificat dia-
bolum.

Draco magnus rufus] Id est, diabolus, vt infra vers. 9. declaratur. *Capita septem*] Id est, multos nocendi modos, multaque instrumēta, quæ ei militant aduersus Ecclesiam. *Cornua decem*] Id est, magnam potestatem in reprobos sancta voluntate & iusto iudicio Dei, Ephes.

Ephes. 2. 2. *Diademata septem*] Id est, magnam auctoritatem, ut ipse quidem iacet Matth. 4. 9. sed turpiter mentiendo. Et quidem princeps huius mundi, id est, impiorum in mundo dicitur Ioan. 12. 11. quia permissu & iusto iudicio Dei tyrannidem in eos exercet. Ephes. 2. 2.

Vers. 4.

Tertiam partem stellarum caeli] Id est, bonam partem sacerdotum, scribarum, pharisaeorum, & seniorum populi, adulatoria seductione, traditionibus, ceremonijs, & hypocrisi abiecit in terrenas curas & cogitationes. *Stetit*] Id est, occasiones omnes observabat, intentusque erat ut Christum perderet. Nam per Herodem conatus est Christum nuper natum occidere, regiamque dignitatem abolere quando Bethleemiticos pueros bimulos interfecit Matth. 2. 16. quando Synedrion, id est, delectum concilium ex posteris Davidis deleuit, quia in eo quaedam regiae dignitatis imago reliqua erat, Ioseph. antiquitat. lib. 14. cap. 17. & quando generum descriptiones exussit, quas ad id usque tempus in Archiuis diligenter conseruassent Iudaei, Euseb. lib. 1. cap. 7. histor. eccles.

Insidie diaboli.

Vers. 5.

Peperis] Subaudi Ecclesia Iudaeorum, ut Cant. 7. 9. secundum Tremell. & Iunium, vel cap. 8. 5. secundum alios. Quemadmodum enim alij e naturalibus parentibus orti, dicuntur nihilominus filij Ecclesiae Esaia 66. 8. ita Christus quoque est filius Ecclesiae, atque frater fidelium Heb. 2. 11. etsi natus sit ex Maria virgine. *Filium masculinum*] Hoc est, Iesum Christum.

Sed raptus est Filius] Haecenus de insidijs draconis: sequitur conseruatio vtriusque scilicet matris Ecclesiae, & Christi filij. Filius raptus est ad Deum & ad Thronum eius reliquo hoc versu (nisi quis malit hic vers. 6. inchoare) hoc est, Deus eius patrocinium suscepit, ut tueatur contra rabiem draconis. Sicut fideles proteguntur a calamitatibus, eo quod sint ante Thronum Dei supra cap. 7. vers. 9. & 15. ita hic Christus rapitur ad Thronum Dei, id est, in tuto collocatur: fugit enim in Aegyptum Matth. 2. 13. Non enim haec verba intelligenda sunt de ascensu eius in caelum, sed de protectione a natiuitate ad baptismum, vel saltem ad mortem Herodis, qui pueruli vitam quarebat.

Conseruatio Christi & Ecclesiae.

Vers. 6.

Mulier etiam fugit] Sicut Deus obstitit conatibus Cambyfis, ne gentem Iudæorum nuper à Babylone reuersam funditus euerteret Dan. 10. 13. ita hic Ecclesiæ suæ consulit ne tota pereat in illa persecutione grauißima excitata ab Herode Matth. 2. Furori enim draconis, & instrumenti eius Herodis, nequaquam fuisset satisfactum internecione puerorum Bethleemiticorum & Synedrij iudaici, nisi diuina prouidentia sæuitiam cohibuisset. *Vt illic eam pascat diebus 1260.*] Dies 1260. faciunt tres annos & dimidium, denotantque tempus quo durauit persecutio Herodiana. Quare non malè huic loco quadrat, quod obseruauit Epiphanius sub finem lib. 1. tom. 1. & hæres. 51. contra alogos, cui etiam non refragatur doctissimus Beròaldus lib. 4. cap. 1. Chron. nempe Magos venisse Hierusalem anno Herodis tricesimo quarto, & Herodem mortuum esse anno tricesimo septimo, scilicet ex quo à Senatu Rex Iudææ declaratus est. Hierosolymis enim regnauit tantum annis triginta quatuor, Ioseph. antiquit. lib. 17. cap. 10.

Dies 1260.
significant
tres annos
& dimidiū,
nempe tē-
pus quo
durauit He-
rodiana
persecutio.

Vers. 7.

Postea factum est prælium in cælo] Secundum tempus afflictio-
nis vt supra in vers. 1. dictum est. Quomodo tartareus draco pueru-
lo in cunis vagienti insidiatus sit, acceperimus: nunc puer adultus, &
ad maturam virilemque ætatem prouectus, scilicet annum tricesi-
mum incipientem Luc. 3. 23. adoritur draconem ipsum, & omnes
inferorum portas expugnat. Prælium in cælo commissum dicitur
iuxta visionem Ioāni oblatam. supra in fine vers. 5. Alioquin Chri-
stus hic in terris congressus est cum diabolo & ministris eius. Con-
tinet itaque hæc secunda pars capituli historiam trium annorum &
dimidij, id est, dimidium posterius septuagesimæ septimanæ Danie-
lis cap. 9. 24. quo temporis spatio Christus Mediatoris officium im-
pleuit in terris. Tria hic narrantur, prælium vers. 7. victoria vers. 8, 9.
& epiniciū vers. 10. &c.

Præliatur
Christus
prædicatio-
ne Euange-
lij contra
diabolum
& inferorū
portas.

Michaël] Id est, Filius ille masculus, quem peperit mulier su-
prà vers. 5. nempe Iesus Christus. Nam solus Christus est qui vicit
diabolum, & laus huius victoriae ascribitur sanguini Agni infra
vers. 11. *Et Angeli eius*] Angeli qui sub Michaële militarunt, sunt
in primis Angeli qui ministrarunt Christo Mat. 4. 11. item duoce-

cim

cim Apostoli & septuaginta discipuli, tum cæteri fideles. *Draco*] Scilicet diabolus. *Et Angeli eius*] Id est, cacodæmones omnes, item Principes sacerdotum, Scribæ, Pharisei, seniores populi, Herodes Antipas, Pilatus, milites, & quicumque Christo aduersabantur. *Preliabatur*] Cæpit istud prælium statim post baptismum Christi, quando diabolus tentauit eum Matth. 4. durauit totum triennium cum dimidio, à decimo quarto die mensis septimi, anni decimi quinti regni Tiberij, vsque ad decimum quartum diem mensis primi, anni decimi octauæ Imperij Tiberij, quando Christus in crucem actus est, vel potius ad diem decimum sextum, quo resurrexit à mortuis, & victoriam reportauit ascendens in cælum, & captiuam ducens captiuitatem Ephes. 4. 8. Coloss. 2. 15.

Vers. 8. *Sed non preualuerunt*] Subaudi draco & angeli eius. Hic enim

versus ostendit victoriam, vt in proximum versum diximus, scilicet quod Christus morte & resurrectione sua vicit, fudit atque profligauit diabolum cum omnibus eius copijs, & paucis post diebus cælum nube quasi curru triumphali conscendens, captiuam duxit captiuitatem, & dona dedit militibus suis.

Christi victoria in sua persona.

Vers. 9. *Et proiectus est*] Inclinare cœperunt vires diaboli à primo inde

congressu Matth. 4. & valde erant debilitatæ cum ad prædicationem septuaginta discipulorum dixit Christus Luc. 10. 18. se videre Satanam tanquam fulgur de cælo cadentem, sed Christo à mortuis resurgente, planè deuictus fuit diabolus.

Diabolus vincitur.

Vers. 10. *Tum audini vocem*] Epinicium seu triumphale carmen, vt in

vers. 7. diximus, quo primum prædicatur potestas Christi vers. 10. Secundò salus fidelium ascribitur sanguini Agni vers. 11. Tertiò hortantur fideles ad iubilum vers. 12. Continua oppositio cœli & terræ distinguit inter Ecclesiam Dei & profanas gètes. *Nunc facta est salus*] Vt Matth. 28. 18. Data est mihi omnis autoritas in cælo & in terra.

Epinicium.

Vers. 11.

Salus fide-
lum acri-
bitur san-
guini Agni.

Sed ipsi vicerunt] Hic versus primum ostendit quod fideles vicerunt diabolum, deinde tres causas huius victoriae, quarum prima praecipua & principalis est sanguis Agni, duae reliquae sunt instrumentales, nisi quis inter effecta numerare malit, nempe confessio testimonij sui quod dederunt de Christo, & martyrium.

Vers. 12.

Propterea] Exhortatio ad laetitiam vt in vers. 10. dictum est. *Va incolis terra & maris*] Id est, reprobis qui terrestria curant Philip. 3. 19. Videtur autem consulto nominare terram & mare, quia mox declaraturus est imperatores Romanos e mari ascendentes cap. 13. 1. & pontifices Romanos pessimos maximos terrae filios cap. 13. 11.

Paululum temporis habere] Nempe tempus illud ab ascensu Christi in coelum vsque ad Constantinum magnum, quod est quasi annorum 280. vel 290. Difficile enim est statuere quo die aut qua hora Constantinus pacem reddidit Ecclesiae, quum id sensim & pluribus annis praestitit, neque vbiuis loci eodem tempore. Certum est enim Satanam diebus Constantini magni ligatum fuisse ad mille annos, non quod nihil potuit, aut nihil egit interea, nam Romanos praesules toto illo spatio occupauit, & eorum opera vsus est contra Ecclesiam Christi, sed quod postea gentes tanto furore non dementauit, vt sanctos palam ferro & igne persequerentur.

Vers. 13.

Tempus
primitiae
& nouellae
Ecclesiae,
Primum
certamen
Ecclesiae
nouellae con-
tra diabolū.

Quum igitur vidisset] Tertium tempus afflictionis, scilicet ab ascensu Christi vsque ad Neronem, vt supra in vers. 1. diximus. Continet historiam persecutionis primitiae & nouellae Ecclesiae in terra Iudaeorum primum, tum alijs in locis, vt habetur in Actis Apostolorum. Draco autem bismulierem adoritur: primo versibus duobus, secundo vers. 15, 16.

Persequutus est mulierem] In Iudaea & ministerio Iudaeorum, vt videre licet Act. 4. 1. & 5. 17. & 6. 9. & sequentibus ad finem capituli septimi.

Vers. 14.

Vers. 14.

Sed data sunt mulieri] Fuga ista, si quis detur coniecturæ locus, Ecclesia su-
mihi eadem esse videtur, quam commemorauit Lucas Act. 8. 1. git.
Orta est verò per id tempus persecutio magna aduersus Eccle-
siam quæ erat Hierosolymis & omnes dispersi sunt per regiones Iu-
dææ & Samariæ, præter Apostolos.

Ubi alitur per tempus & tempora & dimidium temporis] Id est,
per tres annos & dimidium, vt omnes vno ore interpretantur. Ita
enim tempus alibi in scriptura designat annum; tempora, annos;
& dimidium temporis, dimidium anni, vt colligitur ex Dan. 4. 16.
& 11. 13. & 12. 7. Sic accipitur eadem loquutio Dan. 7. 25. Huius
vaticinij accommodatio optimè conuenire videtur postremis an-
nis Tiberij Cæsaris, qui acceptis Pilati literis de prædicatione, mira-
culis, morte, & resurrectione Christi, non modo rem retulit ad Se-
natum cum prærogatiua suffragij sui, vt Christus agnosceretur
Deus, verum etiam renuente Senatu in sententia permansit, & edi-
cto publico comminatus est periculum accusatoribus Christiano-
rum, vt author est Tertullianus apolog. cap. 5. Atque hac cœlesti
prouidentia Euangelium propagatur diebus Tiberij per orbem v-
niuersum.

Vers. 15.

Deinde eiecit] Secundum certamen draconis aduersus Eccle- Secundum
certamen
Ecclesiæ
contra dia-
bolum.
siam, vt in vers. 13. dictum est. Summa est, quum per Iudæos in-
credulos, & in terra Iudææ diabolus nequiret nouellam Ecclesiam
opprimere, quin fuga tanquam alis euasit è manibus eius, præser-
tim adiuta edicto Tiberij; aliâ eam viâ aggreditur, atque aliorum
operâ utitur, inprimis verò Herodis Agrippæ filij Aristobuli & ne-
potis Herodis Ascalonitæ. Hic enim diebus Caligulæ vel Claudij
interemit Iacobum fratrem Ioannis gladio, & Petrum coniecit in
vincula Act. 12. 2, 4. Porro vbique contra Ecclesiam excitauit ho-
stes, veluti Antiochiæ quæ est in Pisidia Act. 13. 45. Iconij Act. 14.
2, 4, 5. Lystræ Act. 14. 19. Antiochiæ quæ est in Syria Act. 15. 1, 2.
Philippis Act. 16. 19, 20, 21, 22, &c. Thessalonicæ Act. 17. 5. Berceæ
Act. 17. 13. Corinthi Act. 18. 12. Ephesi. Act. 19. 22. & alibi.

Vers. 16.

Vers. 16.

Inopinata
Ecclesiae li-
beratio.

Succurrit autem terra] Id est, Deus multis modis & infinita sua providentia conatus diaboli frustraivit, & idoneo tempore suppetias tulit Ecclesiae, ut locis actorum praenotatis apparet. Quandoque enim homines terreni, mundani & prophani opem tulerunt sanctis, ut dicitur de Lyfia Act. 21. 31. & 22. 24. & 23. 22, 26. de Felice Act. 23. 35. & Act. 24. 23. de Festo Act. 25. & de Agrippa Act. 26. 28.

Vers. 17, 18.

Deo Eccle-
siam libe-
rante furit
diabolus.


Iratius est igitur draco] His duobus versiculis transitur à primo afflictionis tempore ad secundum, q. d. quum draco conatus suos in persequenda muliere bis irritos fieri videret, ira ebulliens & desperans de proposito, abiit ut bellum gereret cum reliquijs ex eius semine, id est, cum Ecclesijs Gentium vbique locorum iam plantatis ab Apostolis.

Conatus
diaboli cõ-
tra Ecclesiã.

Stetitque super arenam maris] Id est, ut procella vehementissima incubuit toto mundo (cuius est princeps) in commouendos fluctus, & exacerbandas gentes, quæ insanis suis fluctibus Ecclesiam Christi inter gentes, piaque membra illius exagitaret, procelleret, perderetque ut inquit D. Francis Junius.

ANALYSIS.

ANALYSIS. Cap. 13.



CAP. 13.

1 **I** Vidi bestiam e mari ascendentem, qua habebat capita septem & cornua decem: & imposita cornibus eius decem diademata, & impositum capitibus eius nomen blasphemie.

2 Erantque hæc bestia quam vidi, similis pardo, & pedes eius ut pedes ursi, & os eius ut os leonis, dedit autem ei draco virtutem suam, & thronum suum, & potestatem magnam.

3 Et vidi unam ex capitibus eius quasi letaliter casum: sed ipsius plaga letalis curata est: & admirans uniuersa terra secuta est bestiam.

4 Et adorarunt draconem qui dedit potestatem bestie: & adorarunt bestiam dicentes, Quis similis bestia? quis poterit pugnare cum ea?

5 Datumque est ei os loquens magna & blasphemias: & data est ei potestas agendi menses quadraginta duos.

6 Aperuit igitur os suum ad blasphemiam aduersus Deum, ut conuicijs afficeret nomen eius, & tabernaculum eius, & eos qui in cælo habitant.

7 Sed & datum est ei bellum gerere cum Sanctis, & eos vincere: & data est ei potestas in omnem tribum, & linguam, & Gentem.

8 Itaque adorabunt eam omnes incola terra, quorum non sunt scripta nomina in libro vite Agni illius mactati, iam inde a iactis mundi fundamentis.

9 Siquis habet aurem, audiat.

10 Siquis in captiuitatem abducit, in captiuitatem abibit: si quis gladio occiderit, oportet eum gladio occidi. hic est patientia & fides sanctorum.

11 Deinde vidi aliam bestiam ascendentem e terra, habentem cornua duo similia Agni: sed loquebatur ut draco.

12 Ea vero potestatem prioris bestie omnem exercet in conspectu eius: & facit ut terra & ipsius incole adorent bestiam illam primam, cuius curata fuerat plaga letalis.

13 Editque signa magna, adeo ut etiam ignem faciat e cælo descendere in terram in conspectu hominum.

14 Et seducit incolas terra, propter signa qua datum est ei ut faciat

erat in conspectu bestiae: dicens incolis terra ut faciant imaginem bestiae, qua gladio vulnerata fuit, sed renixit.

15 Daturumque est ei ut animaret imaginem bestiae, ut etiam loquatur imago bestiae, & faciat ut quicumque non adorarint imaginem bestiae, occidantur.

16 Sed & faciat ut omnes, parui & magni, divites & pauperes, liberi & serui, accipiant characterem in manus sua dextra, aut in frontibus suis.

17 Et ne quis possit emere aut vendere, nisi qui habeat characterem aut nomen bestiae, aut numerum nominis eius.

18 Hic sapientia est. Qui intelligentia praeditus est, computet numerum bestiae, numerus enim hominis est: & numerus eius, sexcenta sexaginta sex.

ANNOTATIO.

Tum vidi bestiam] Secundum tempus afflictionis quam intulerunt Imperatores Romani decem illis maximis persecutionibus à Nerone ad Constantinum magnum, ut supra initio capitis duodecimi dictum est. Continetur autem decem primis versiculis huius capitis: Constat partibus duabus: descriptione bestiae octo primis versibus, & epiphonemate vers. 9, 10. Descriptio bestiae duplex est: primò, ex natura sua vers. 1, 2, 3, 4. Secundò, ex circumscriptione Dei vers. 5, 6, 7, 8. Natura bestiae quatuor modis describitur: primò ex forma vers. 1. secundò ex qualitatibus, vers. 2. tertio è signo quodam vers. 3. postremò ex effectis sequuturis vers. 4. Ut Leo ex vnguibus, ita hæc bestia notis istis internoscatur.

Afflictio
ecclesiae à
Nerone ad
Constanti-
num mag-
num.

Bestiam è mari ascendentem] Diabolus tandem è mari procelloso, cui incubuit cap. 12. 18. excitavit belluam, imò monstrum horrendum, sævum, & deforme ad mulieris semen ferro & flamma persequendum. Hoc autem fatale monstrum est Romanum imperium, ut sequens descriptio docebit. Hostes autem Ecclesiae bestiae sæpe appellantur, ut Psal. 22. 13, 17. Dan. 7. 3. &c. propter feralem crudelitatem in persequendis sanctis. Iustinus historicus lib. 38. ait Romæ conditores lupæ vberibus alitos fuisse, & sic omnem illum populum luporum animos habere, in explebiles sanguinis atque imperij, diuitiarumque avidos ac ieiunos.

Romanum
imperium
est instru-
mentum
diaboli ad-
uersus ec-
clesiam
Christi.

Qua habebat capita septem] Monstruosissimæ belluæ descriptio prima hæc est ex forma, quod capita habet septem, quibus singulis in-

forma be-
stiae.

scribitur nomen blasphemiarum: & decem cornua, quibus totidem imponuntur diademata vers. 1.

Septem capita significant montes septem.

Capita septem] Septem capita primum septem montes sunt; deinde septem reges sunt, ut in expositione patet infra cap. 17. 9, 10. Septem capita sunt septem montes super quos bestia seu mulier sedet. Ex omnibus per orbem terrarum urbibus, sola Roma, sedes imperij, super montes septem condita est. Propertius poeta in Umbria natus, hoc modo scripsit de Roma:

Septem urbs alta ingis, toto qua præsudet orbi.

Virgilius Mantuanus lib. 2. Georgic. sic loquitur:

Scilicet & rerum facta est pulcherrima Roma,

Septem qua una sibi muro circumdedit arces.

Et Æneid. lib. 6. sic.

En huius, gnate, aspicijs illa incluta Roma

Imperium terris, animos aquabit Olympo,

Septemque una sibi muro circumdedit arces.

M. T. Cicero non modo ciuis Romanus, & Oratorum eloquentissimus, sed etiam in urbe Consul optimus, in oratione secunda, quam ad populum habuit de lege agraria contra Rullum Tribunum plebis, his verbis Romam superbæ Capuæ opponit: *Romam in montibus positam, & conuallibus, cœnaculis sublatam atque suspensam, præ sua Capua planissimo in loco explicata, irridebunt atque contemnent, scilicet Campani superbi.* Idem Cicero epistolarum ad Atticum lib. 6. epist. 5. Romam septicollem appellat his verbis: *Hoc tu indaga ut soles: Ast hoc magis* ἢ ἄλλως ἰππάλισιν τοιχῶν περιδουκῶν ἡμῶν γὰρ οὐκ ἔστιν ἀμάται ὁ Κέρμιδος, hoc est, *è septicollis urbis* (id est, Romæ) *mœnibus tradidit nostri coniugij debita Camillus.* Tertullianus vetus pater, & antiquitatis indagator diligentissimus, ait cap. 35. Apologetici: *"Ipsos Quirites, ipsam vernaculam septem collium plebem conuenio, an alicui Cesari suo pareat illa lingua Romana.* Hieronymus, ut adhortaretur Marcellam sceminam nobilissimam, ut relictâ Româ, ubi tum commorabatur, ad se veniret rus Bethleemiticum, duabus eam sollicitat epistolis, vnâ suo, alterâ Paulæ & Eustochij nomine scriptis, & vtraque in epistola, hac ad persuadendum ratione utitur: *Et hic puto locus* (Bethleemiticus scilicet) *sanctior est Tarpeia rûpe* (est autem rupes Tarpeia editior pars môtis Capitolini, ubi olim arxerat munitissima, quam sub Romulo tenuit quidam nomine Tarpeius, cuius filia Tarpeia dicta, ipsam arcem Sabinis prodidit.

dit. Ex Tarpeio igitur, vel ex Tarpeia proditrice, pars illa dicitur col-
lis Tarpeius, vel rupes Trapeia, vnde etiam fontes deturbari solebāt,
vt pluribus verbis tradit Plutarchus in Romulo, & in Numa. Huius
item rupis meminerunt Virgilius lib. 8. AEnceid. & Varro lib. 4. de
lingua Latina) *qua de cælo sæpius fulminata ostendit, quòd Domino
displiceret.* Et in epistola priori hæc addit verba: *Lege Apocalyp-
sim Ioannis, & quid de muliere purpurata, & scripta in eius fronte
blasphemia, septem montibus, aquis multis, & Babylonis cantetur
exitu, continere.* Colles isti septem sunt: Auentinus, Cælius, Capi-
tolinus, Esquilinus, (quidam scribunt Exquilinus) Palatinus (à qui-
busdam dicitur Ianicularis) Quirinalis, & Viminalis. De quibus vi-
de Varronem de lingua latina lib. 4. Strabonem lib. 5. & Volaterra-
num geograph. lib. 6. Septem igitur capita monstrosæ belluæ sig-
nificant septem illos montes, in quibus posita est Roma caput or-
bis, & instrumentum diaboli ad bellum gerendum contra Eccle-
siam Iesu Christi.

Deinde septem capita sunt reges septem Apoc. 17. 10. id est, sep-
tem diuersi magistratus, vel septem diuersa magistratuum, siue gu-
bernationis genera, quibus gubernacula imperij Romani fuerunt
commissa. Regis enim nomen gubernatores in vniuersum signifi-
cat, vt clarissimi viri D. Immanuel Tremellius & D. Franciscus Iunius
obseruarunt annot. in Gen. 36. 31. & facile potest ostendi alijs in lo-
cis, vt Gen. 14. & ex collatione Matth. 10. 18. cum Luc. 12. 11. item
Luc. 22. 25. Apoc. 17. 2. Quamuis variant scriptorum iudicia, qui-
nam sint hi septem reges seu administratores Imperij Romani:
tamen cuique opinor liceat bona doctorem pace sententiam suam
in medium proferre. Duo primi reges seu gubernatores Romanæ
reipublicæ omnium consensu, nempe reges septem, & consules ag-
noscuntur sine controuersia. Tertio loco ponimus dictaturam, quæ
semelstris tantum erat, sæpius tamen, nempe quoties opus fuit, re-
petita. Hoc munus primus gessit T. Largius anno nono, vt quibusdā
videtur, vel vt alijs placet duodecimo ab exactis regibus, cum Oc-
tauius Manilius Tusculanus, Tarquinij superbi gener, à socero sti-
mulatus concitasset Latinos contra Romanos. Quartò, constitu-
untur Decemviri anno vrbs 302. qui imperium tenuerunt circi-
ter tres annos. Post enim ob tarquinianam superbiam in omnibus,
& ob audax facinus Appij Clodij vnus è decemviris, qui, filiam
Virginij hominis plebei Ilcio viro tribunitio desponsatam tenta-

Septem ca-
pita signifi-
cant Reges
septem.

uit nefarijs modis vitare, per seditionem populi, qui duce Virginio in Auentinum secedit, imperio summoventur anno ab exactis regibus sexagesimo, vt author est Cicero lib. 2. de finibus. Quinto loco succedit Tribunitia potestas. Sexto imperatoria Maiestas. Quod septimum bestiae caput deinceps videbimus cum ad cap. 17. 10. ventum fuerit.

Blasphemia
Imperatorum
Romanorum.

Et impositum capitibus eius nomen blasphemia] Prædicti moderatores imperij omnes fuerunt ethnici profani, & Deum blasphemarunt, præsertim execranda sua apotheosi, qua multi in numerum Deorum relati sunt. Roma enim vt alios Deos recepit, ita Cæsares dedit, vt prolixè ostendit Herodianus initio lib. 4. Imò & alios consecrare solet, vt ex blasphemio oratore Cicerone liquet, qui & ipse apotheosim expetiuit ad Atticum lib. 12. epist. 35. *Sepulchri similitudinem effugerent tam propter poenam legis studeo, quam vt maxime assequar* *apud Iulianum*. Quidam Imperatores etiam ante obitum diuinos sibi honores exhiberi mandarunt, vt Caligula, Domitianus, & Vespasianus. Gilimer rex Vandalorum, & Belisarius dux ille sub Iustiniano fortissimus, iussi Imperatorem ex more adorarunt, vt inquit Funccius lib. 8. commentariorum in Chronologiam. Blasphemias Romanorum exagitauit luculenter satis Tertullianus in Apologetico cap. 10. & sequentibus ad cap. 15. & in libro de Spectaculis initio ferè.

Principes
Europæi
adiutores erant
Imperatoribus
romanis in
malum.

Et cornua decem] id est, decem reges, qui regnum nondum acceperunt, sed potestatem tanquam reges vna hora accipient cum bestia, vt interpretatur Angelus infra cap. 17. 12. Videtur autem esse numerus certus pro incerto, vt passim in sacra scriptura. Reges enim isti, (vt facile est videre infra cap. 17.) sunt illi præfides, prætores, comites, proconsules, et reges (quamuis tum vix ullus erat rex in toto imperio) qui præfidebant populis subactis & in prouincias redactis, de quibus passim in Nouellis Iustiniani, & apud Strabonem sub finem lib. 17. Hi enim primò commodarunt operam suam Imperatoribus contra ecclesiam Christi, vt videre licet apud Tertullianum ad Scapulam & apud Eusebium in hist. eccles. Deinde quidam ex istis præsertim Europæi veritatem edocti ministerio Euangelij restaurati his postremis temporibus (vt suprà cap. 10. 8. & c. dictum est) meretricem illam (bestiam scilicet secundam, de qua infra vers. 11.) iam nuper capitali odio persecuti sunt, vel Angelo interprete infra cap. 17. vers. 16.

Et

Et imposita cornibus eius decem diademata] diademata ista insignia sunt potestatis tanquam regiae, quam acceperunt praesides illi prouinciarum, et reges sub Imperatoribus constituti.

Verf. 2.

Eratque haec bestia] formam marinae belluae monstrosam & figuram vidimus: qualitates hoc versu descriptae immanitatem eius ostendunt, suntque tres insitae, scilicet 1. pardi. 2. ursi. 3. leonis; & tres aduentitiae, nempe draconis 1. virtus, 2. thronus, 3. potestas. *Similis pardo*] propter fraudulentiam, & rapidam celeritatem. Fraudem eius notauit scriptura Ierem. 5. 6. Osee. 13. 7. vt etiam Plinius lib. 10. cap. 73. & celeritatem Habak. 1. 8. *Pedes eius vt pedes ursi*] Ursus est animal scedum, saeuum, & vt Inquit Aristoteles de natura animalium lib. 8. cap. 5. omnium: nam fruge, fronde, vindemia, pomis, apibus, cancris, & formicis viuit, teste etiam Plinio hist. natur. lib. 10. cap. 73. Viribus suis multum confidit, inuaditque non solum cetuos, sed etiam sues feros, & taurum quoque aliquando aggreditur. Nam resupinum se sternit, dumque taurus ferire conatur, ipse suis brachijs amplectitur cornua, ore etiam morsum defigit, ac ita ex ore cornibusque tauri pedibus omnibus suspensus, pondere eum fatigat, & tandem prosternit, Aristoteles de natur. animal. lib. 8. cap. 5. Plinius. lib. 8. cap. 36. Nec alteri animali stultitia solertior, ait Plinius. Sauiam eius celebrat scriptura 2. Sam. 17. 8. Prou. 17. 12. Osee. 13. 8. *Os eius vt os leonis*] vt rugiente leone contremiscunt cetera cuncta animalia; ita minacia edicta Romanae belluae territant orbem. *Dedit autem ei draco*] diabolus sciens se paululum temporis habere supra cap. 12. 12. selegit Romanum imperium fraude pantherina, sauitia ursina, & terrore leonino praeditum, cui virtutem, thronum, & potestatem suam traderet exercendam contra ecclesiam Christi. Non diffitemur igitur authoritate magna pollere Romam, sed vnde habeat, agnoscant sanctissimi pontifices insulati, qui infra vers. 12. omnem huius bestiae daemonicae potestatem exercent in conspectu eius.

Qualitates
bestiae.

Verf. 3.

Et vidi vnum ex capitibus eius quasi lethaliter casum] Tertia Caput bestiae descriptio e signo capitis vulnerati septem fuisse huius bestiae sive vuln-
capita ante vidimus vers. 1. ex quibus sex ibi numerauimus. Quod ratur

nam

nam ex his fuit vulneratum, aut quando, controuertitur. Plura vulnerata fuerunt capita, & sæpius. Consularis potestas accisa non semel fuit & iterum instaurata. Tribunitia potestas infringebatur anno urbis 369. vt inquit Plinius natur. hist. lib. 16. cap. 44. vel anno 379. vt inquit D. Ioannes Funccius, quem potissimum sequimur in computatione temporum, & tum per quinquennium capite caruit imperium. Imperatoria maiestas sæpe fuerit diminuta et infirmata. Sed missis præiudicatis omnibus, opinamur sextum hæc designari caput, videlicet Impetatoriam potestatem, eamque lethali-
ter cæsam anno Christi 70. vel 71. quando Otho Romæ, Vitellio in Germania, Galba in Hispania, Vespasianus in Syria imperia simul & arma rapuerunt. Tum enim laceratum erat imperium, & lethaliter vulneratum hoc sextum caput, durauerantque bella ciuilia amplius anno integro. Sed Galbam interfecit Otho, qui postea prælio superatus à Vitellione, seipsum occidit, Vitellio, deficiente in Vespasiani nomen exercitu, ex latebris extractus à militibus, nudus per viam sacram in forum ducitur, indeque ad Gemonias scabellæ, vbi ceruice furcæ inserta, corpus virgis, more maiorum, & crebris minutissimorum ictuum compunctionibus, ad necem cæditur & in Tiberim deturbatur. *Sed ipsius plaga lethalis curata est* scilicet per Vespasianum, qui restituit formam imperij, ordinem prouinciarum, distinctionem exercituum, leges & iudicia, quum sub tot portentis, Caligula, Claudio, Nerone, & in Ianiena Othonis & Vitellionis magnæ confusiones in toto genere humano extitissent, vt inquit Melantho in Vespasiano. Iste, nempe Vespasianus, exanguè diu, fessumque orbem terrarum breui refecit, inquit Sextus Aurelius Victor. *Et admirans vniversa terra sequuta est bestiam* Quarta bestię descriptio ex effectis sequentibus. Sensus est, omnes vbi-
que sub ditione Romana constituti imperiũ & pacem gratulabantur tum Vespasiano, tum sibi, dictoque erant obedientes, vt est versu sequente, & videre licet apud Sextum Aurelium, & Orosium lib. 7. cap. 9.

Vers. 5.

Datumque est ei Hactenus naturam bestię vidimus, sequitur vt qualis sit ex circumscriptione Dei videamus, vt diximus in vers. 1. Hic primò continetur potestatis eius circumscriptio vers. 5. secundo exsequutio vers. 6. 7. Potestas circumscribitur re, & tempore. Re, potestatem accepit (puta à Deo. Etsi enim draco potesta-

Effecta be-
stia.

Potestas
bestię à
Deo cir-
cumscripta
est.

tem

tem suam ei dedit vers. 2. tamen vel draco ipse potestatem accepit à Deo) loquendi, & agendi magna, scilicet id totum quod Romani Imperatores contra ecclesiam loquuti sunt & fecerunt trecentis primis annis vsque ad Constantinum magnum. Tempore, nenses quadraginta duos. Menses isti 42. designant paululum id temporis quod diabolo concessum erat supra cap. 12. 12. videlicet tempus grauissimæ illius persecutionis, quæ durauit vsque ad Constantinum magnum. Supputandi sunt enim prorsus sicut sanctissimus Pater D. Ioannes Foxus accepit, nempe per sabbatha annorum, quo modo menses 42. efficiunt annos 294. quibus ex vicesimo anno Imperij Constantini, qui idem fuit annus Christi 329. subductis, constabit prophetiam istam statim post mortem Christi incepisse. Vicesimum autem imperij Constantini annum potissimum statuimus (licet de articulo temporis victi, profligati, & vincti diaboli statuere non sit promptum) quia eodem tempore celebre illud concilium Nicænum habitum fuit in Bythinia, vt inquit Eusebius lib. 3. & 4. de vita Constantini.

Imperatores romani nihil possunt contra ecclesiam nisi permissione diuina. Imperatores Romani persecuti sunt ecclesiam annos. 294.

Verf. 6. 7.

Apernit igitur os] Acceptam & circumscriptam à Deo potestatem ver. 5. nunc vtique exsequitur loquendo blasphemias vers. 6. & impiè agendo vers. 7.

Facta be-
stia.

Verf. 8.

Itaque adorabunt] Conantur draco, & bestia beneficiaria eius fideles adigere ad abnegationem Christi, sed id nullo modo possint efficere. Voluntate eorum impiæ obsecundant tantum reprobi, quorum non sunt scripta nomina in libro vitæ Agni illius mactati iam inde à iactis mundi fundamētis

Imperato-
rum pote-
stas in re-
probos tan-
tum.

Verf. 9.

Si quis habet aurem] Epiphonema triplex: primum attinet ad lectorem, vers. 9. alterum ad persecutorem, maiori parte vers. 10. tertium ad fideles afflictos, in fine vers. 10. Primum ad finem cuiusque septem epistolarum ad septem ecclesias in Asia appositum fuit supra cap. 2. & 3. habetur etiam Mat. 11. 15. & 13. 9. 43. Idem valet, quod sententia illa Math. 24. 15. *qui legit, animadvertat*. Summa est, cui aures perforauit Dominus vt audiat & intelligat quæ hæcenus ab initio huius capituli dicta sunt de bestia ista truculenta,

Admonitio
triplex.

perpendat secum diligenter, seriòque cogitet qualis sit bestia beneficiaria draconis suâ ipsius naturâ vers. 1, 2, 3, 4. & quomodo feralem eius rabiem circumscripsit Deus vers. 5, 6, 7, 8. Sunt enim hæc duo præcipua huius loci capita.

Vers. 10.

Si quis in captivitate] Epiphonema secundum, vt in vers. 9. diximus, cuius interpretationem vide Gen. 9. 6. Matth. 26. 52. Nam *Hæc est pars proculeantium nos, & sors diripientium nos*, inquit Esaias cap. 18. vers. 3. secundum Tremel. & Iunium, vel cap. 17. 14. Si quidem iustum est apud Deum, vicissim reddere ijs qui affligunt nos, afflictionem 2. Thess. 1. 6. *Hic est tolerantia & fides sanctorum]* Tertium epiphonema vt dictum est in vers. 9. quod etiam iteratur infra cap. 14. 12. Hic, id est, mensibus istis quadraginta duobus, toto isto afflictionis tempore vsque ad Constantinum magnum, est tolerantia, id est, cernitur tolerantia & fides sanctorum, & sancti opus habent tolerantia & fide.

Vers. 11.

De bestia
secunda, id
est, de Pon-
tifice Ro-
mano.

Pontificis
Romani
descriptio
inde ab in-
cunabulis
repetita.
Papa in cu-
nis vagire

Deinde vidi] Hactenus de priori bestia, & de calamitate quæ accidit mensibus illis 42. id est, annis 294. à morte Christi ad Constantinum magnū: nūc sequitur altera bellua longè tetrior, alia tempestas magis turbulenta, & aliud tempus difficilius & diuturnius, itaque aliud hic caput inchoarem. Exordium temporis sumendum à Pontificatu Romano & ab anno Christi 606. & continuandum vsque ad instaurationem Euangelij circa annum Christi 1320. vt initio cap. 12. diximus. Sed vt illustretur hic locus perspicua declaratione, qui nonnullis videtur dubius & perobscurus, liceat bonorum pace summam totius rei paucis aperire, & bestiam hanc bicornem ab ovo repetere. Paulus Apostolus prophetiæ spiritu afflatus, prout Christus promiserat Ioan. 16. 13. prædixit hominem illum sceleratum, filium perditionis, Antichristum ipsum, Pontificem Romanum pessimum maximum, belluam hanc secundam, venturam & etiam reuelatum iri priusquam veniret Christus ad iudicium, 2. Thess. 2. 3. Imo iam tum ipsum in mundo esse, & mysterium iniquitatis inceptum esse ibidem testatur vers. 7. sed nondum mundo patefactum.

Porro,

Porro, imperium dixit Romanum impedimento esse quo minus patefieret, sed imperio sublato, reuelandum esse Antichristum Romanum. Quamobrem quid egerint Episcopi Romani triginta duo ante Constantinum, & quid postea mitrati Archiepiscopi Romani, & Papæ Antichristi ad conuulsionem vsque imperij dispiciendum. Illius sedis impietas durante persecutione vix vnquam se prodere potuit, etsi mysterium illud iniquitatis iam tum cœperat agere. Attamen Victor Episcopus Romanus decimus tertius papalem animum ostendit in eo quod ob leuem dissensionem de celebratione Paschatis, Episcopos Asiaticos excommunicauit anno Christi 198. Verum à pluribus, præsertim ab Irenæo Lugdunensi grauius est reprehensus, Euseb. lib. 5. cap. 26. Porro vel papistæ ipsi, vt Pauli comprobarent vaticinium, episcopis istis primis plurima impia & superstitiosa decreta ascripserunt, ex quibus licet sint nonnulla falso eis attributa, tamen consilio diuino factum est, vt contra se testentur si modo vlla vera sint, quod partim credit Ioannes Sleidanus lib. 2. de quatuor monarchijs. Sed hæc ad Constantini tempora. Imperium Romanum non statim ruit, cohibita sæua illa trecentorum ferè annorum persecutione, etsi mox dilacerari cœptum est, & suis tandem gradibus cecidit. Primum enim Constantinus Magnus, vt via sterneretur Antichristo, sedem imperij Roma transtulit Constantinopolim anno Christi 335. Deinde mortuo Constantino, imperium pro numero filiorum eius, in tres partes diuiditur anno Christi 341. Nam Constantinus natu maximus tenuit Hispaniam, Galliam, Alpes, & Britanniam: Constans Italiam, Africam, Græciam, & Illyricum: Constantius minimus natu orientem tenuit. Postea imperium, Iuliano apostata extincto, à nobilissima Constantini familia translatum est anno Christi 366. vt inquit Carion. Deinde occasum imperij à morte Valentis anno Christi 381. enumerat nobilis historicus Auentinus annalium Boiorum lib. 2. in Gratiano, qua in re Ruffinum sequitur & diuum Hieronymum. Atque sub finem eiusdem libri ait, Urbium reginam Romam dominamque terrarum intra annos septem & septuaginta, quinquies Germanorum robori cessisse: quinquies à Germanis sub iugum missam fuisse. Verum Carion, Philippus, & Funccius finem occidentalis imperij & Italicorum Imperatorum constituunt circa annum Christi 475. vel 480. quibus etiam assentitur Auentinus in Anthemio. Post hæc tempora Gothi & Longobardi infusi sunt in Italiam, & occidens

cœpit temporibus apostolorum. Papa, durante imperio, sese mûdo venditare non potuit.

Decreta primis Episcopis romanis adscripta, ostendunt anguē tunc in herba latuisse.

Post Constantinum creuit Pontifex romanus imperio sensim inclinante.

Pontifex
Romanus
duobus
modis sedē
Antichristi
occupauit.
1. Episco-
pus Roma-
nus domi-
nium quæ-
rit in cæte-
ros Episco-
pos.

certa & constante monarchia caruit annis plus quam trecentis vsq; ad Carolum magnum, ad annum Christi 800. Dum autem has inter se collisiones gentium nouarum pertulit Italia, collapsumque erat imperium, Antichristus Romanus, filius perditionis, bestia hæc secunda prodit in medium, seque ostendit mundo secundum vaticinium Pauli. Sed fide sensim & vera religione post mortem Constantini Magni deficiente, Archiflamen Romanus duobus præsertim gradibus ad tantæ impietatis tyrannidisque fastigium peruenit demum, subiugatis primū Episcopis, deinde imperatoribus conculcatis. Atque cæteris Episcopis iam inde ab initio imperitandi omnem vndique arripuit occasionem. Et quum scelerati quidam in Africa excommunicati, solebant quandoque ad Episcopum Romanum prouocare, vt de Felicissimo & Fortunato pseudoepiscopis, qui anno Christi 253. Romam cum Felice, Iouino, Maximo, & Priuato complicibus suis nauigarunt, grauissimè queritur Cyprianus lib. 1. epist. 3. Zosimus Archiflamen Romanus anno Christi 420. absoluit & ad communionem recipit Apiarium quendam presbyterum africanum Romam prouocantem, quem frequens in Africa synodus propter multa eius scelera condemnasset. Quod verò audax hoc facinus contra decreta Patrum concilij Nicæni cap. 5. & Antiocheni cap. 2. admissum figmēto aliquo coloraret, remisit sceleratum Apiarium in Africam, & cum eo duos presbyteros Romanos, qui excommunicatum pristinae dignitatis restituerent, & cum Episcopis Africanis agerent, vt cuius presbytero deinceps liceret ad sedem apostolicam prouocare. Nam ita in concilio Nicæno decretum esse affirmabant. Sed Africani authenticis exemplaribus Constantinopoli ad se missis insulatum archipræsulem romanum in manifesto mendacioprehenderunt. Deinde anno Christi 455. Leo primus Pontifex romanus veritus ne Anatholius Episcopus Constantinopolitanus hanc primatus dignitatem sellæ romanæ præriperet, scripsit ad Martianum Augustum vt compesceret arrogantiam hominis, cui tum subscripserant Episcopi Illyriciani, vt auctor est Ioannes Auētinus Annalium Boiorum lib. 2. in Valentiniano tertio. Eodem tempore concilium Chalcedonense Act. 16. Statuit parē dignitatē sedī Constantinopolitanæ atque romanæ tribuendam. Sed Lucentius Episcopus sedis Apostolicæ vicarius exclamauit. *Sedes apostolica nobis presentibus non debet humiliari.* Et Gelasius Papa in tomo quodam de vinculo anathematis, super acta

acta concilij Chalcedonensis, totam censuit adinittendam synodum excepto decreto illo de priuilegio Ecclesie Constantinopolitane, cui repugnarunt vicarij Apostolicæ sedis in ea præfidentes, vt habetur inter decreta Gelasij quæ concilijs interferuntur. Pelagius præsul Romanus primatum Ecclesie Romanæ non à synodis, aut ab hominibus, sed ab ipso Christo prouenisse primus asseruit circa annum Christi 560. vt est dist. 21. c. quamuis. Idem dicit Anacletus dist. 22. cap. Sacrosancta. Postea Ioannes Constantinopolitanus primatum ambiuit, sed illi obstitit Gregorius magnus circa annum Christi 600. Denique anno Christi 606. quod decessores sæpe tentassent ante, sed conatu irrito; Bonifacius tertius ardenti petitione, sed largitione multò seruidiori obtinuit à Phoca Parricida & Cæsaricida, vt Romana sedes omnium Ecclesiarum diceretur caput. Atque hoc principium regni Papatus supra cæteros Episcopos. Et ex hoc tempore Papæ nomen, quod omnium vocabulorum episcopaliū excellentius esse statutum est, solus Romanus Pontifex, quum antè omnibus commune esset Episcopis, retinet, quo vno potestatis eius dignitas, & supra cæteras Ecclesias vetus prærogatiua designatur, vt inquit Onuphrius annotat. in Platinam. Anno autem Christi 687. Constantinus Pogonatus imperator orientis, quando Benedictus secundus Romanæ sellæ incubabat, Papæ sanctitate permotus, sanctiōnem Romam misit, vt deinceps quem clerus, populus, exercitusque Romanus in Pontificem delegisset, eundem statim verum Christi (draconis dicere deberet) vicarium esse omnes crederent, vt ait Platina in Benedicto. 2.

Episcopus Romanus fit cæterorū Episcoporū princeps.

Sed cleris dominari, non satis sibi honorificum putauit Antichristus Romanus, nisi regna etiam huius mundi inuaderet, imperatoribus & regibus Europæis sub iugum missis. Animum igitur adiecit ad curas seculares, ac suo pte Marte se demum mundi dominum cōstituit. Inprimis verò egregiè mentitur donationem Constantini magni, fingitque eum Syluestro donasse urbem Romam & imperium occidentis, vt videre licet distinctione 96. cap. Constantinus. Deinde Papæ bruta fulmina, reuera ignita diaboli tela ei aculantur contra Imperatores occidentales & orientales. Gelasius 1. & Anastasius 2. excommunicarunt Anastasium Imperatorem orientis circa annum Christi 495. Platina in vitis eorum. dist. 19. cap. Anastasius. Constantinus 1. Papa Philippicum Imperatorem pronuntiauit schismaticum circa annum Christi 713. Gregorius 3. Papa excom-

2. Papa Imperatores & principes sub iugum committit.

municauit Leonem Isaurum Imperatorem circa annum Christi 734. Stephanus 2. Papa eidem Leoni Imperatori tributa Italiae negauit. Constantino Copronymo graue item fuit cum Papa Romano Gregorio 3. dissidium. Vt autem se defenderet contra Imperatorem, Papa eodem tempore amicitiam fecit cum Longobardis, magnam tum Italiae & imperij occidentis partem vi possidentibus. Paulus Exarchus 14. Papae perduellisprehendendi causa missus ab Imperatore Orientis, seditione Pontificis opera suborta, interficitur à ciuibus Rauennatibus. Atque ita Paparum artibus Imperatores spoliuntur imperio occidentis. Haud multò post, vix quatuor euolutis annis, Luithprandus Longobardorum rex regnandi cupiditate flagrans, & fines regni dilatare cupiens, cæteras Italiae partes aggreditur, ipsamque urbem Romam, Papa inuito, obsidione cingit. Gregorius 3. Pontifex, vel vt quidam volunt Zacharias, in istas adductus angustias, ad Carolum Martellum Maiorem Regiae domus in Gallia mittit, auxiliumque ab eo implorat. Carolus petitioni Papae annuens, statim impetrat à Luithprando propter veteres amicitias, vt obsidionem soluat, urbem & Pontificem metu liberet. Deinde sedecim vix elapsis annis, alter à Luithprando, Longobardorum rex, Aistulphus, totius Italiae Dominium quaerit. Stephanus igitur secundus Papa Pipinum nuper regem Galliae Pontificis auctoritate constitutum, è Gallijs euocat in auxilium. Pipinus beneficij modò accepti memor, Alpes transcendens festinat in Italiam, Papiamque Longobardorum regum sedem obsidet, ita vt breui Aistulphus cogatur qualibet pacis conditiones accipere. Itaque Pipinus subacto Aistulpho, nihil sibi praeda assumit, sed quod Longobardi vi tenebant, & iure ad Imperatorem pertinebat, nimium ex alieno liberalis, Papae Romano dedit. Atque hæc est, vt quibusdam videtur, Constantini magni donatio, de qua tam impudenter mentiuntur papistæ.

Papa fit princeps huius mundi, & Antichristus ple. nè reuelatur anno Christi, 800.

Denique Carolus magnus Pipini filius Rex Franciæ, ab Adriano papa in Italiam euocatus ad urbis Romanæ defensionem, transmissis Alpibus cum Desiderio ultimo Longobardorum rege congredditur, eumque in fugam conijcit, ac demum capit. Atque hic finis fuit regni Longobardorum anno 774. quod durauerat annos ducentos quatuor. Pontifici autem Romano Carolus iam Pipini patris donationem confirmauit. Nunc igitur Papa Italiam possidet & imperium occidentis, seque palam ostendit Antichristum esse, de quo tam diu

diurante vaticinatus fuit Paulus. Hæc est plenitudo potestatis papisticæ, & tolerandum est iugum, quod à sancta sede imponitur licet intollerabile videatur dist. 19. c. in memoriam.

Atque ob hanc causam Iustinianus imperator orientis non solum Pontificem Constantinum primum amplectitur, verum etiam eius pedes venerationis causâ exosculatur anno 708. vt ait Platina in Constantino. Pipinus Franciæ rex ad terram se prosternebat, Papæ Stephani 2. pedes osculabatur, strepam apprehendit, frænum accepit manu, stratoris officium adimpleuit, ac perpetuam fidelitatem iurauit, vt inquit Balæus in Stephano 2. Carolus Magnus secundum patris Pipini exemplum imitatus, Pontificis Adriani primi pedes exosculabatur. Quid verò cæteri fecerunt Imperatores, reges, & principes post Antichristum reuelatum (suis gradibus labente indies imperio à Constantino Magno ad Carolū vsque Magnum) non est instituti nunc exponere. Quod propositum erat ostendimus, filium perditionis post mortem Constantini Magni sensim prodixisse, ac se tandem ostendisse palam anno Christi 606. cæteris episcopis superiorem: deinde anno Christi 800. Imperatoribus ac principibus autoritate & dignitate celsiorem.

Imperatores adorant Pontificem Romanum.

Ex hoc tempore, ex anno 606. & ex anno 800. Pontifices Romani (principes facti huius mundi Ioan. 14. 30.) condiderunt non ecclesiam catholicam & orthodoxam Christo, sed hierarchiam sibimetipsis, similem politijs, descripto ex diaconis Urbis Romæ & vicinis episcopis collegio purpuratorum, in quos Nicholas secundus anno 1060 à populo romano ius omne atque potestatem eligendi Pontificem transtulit, distributis ordine in singula regna orbis christiani episcopis, ceu ducibus in prouincias, qui autoritate simili armati, & potentia politicis pari aut maiore etiam instructi erant, denique comparato satellitio innumerabilium monachorum, velut exercitu. Hanc hierarchiam fingerunt esse ecclesiam, Durandus rational. diuin. offic. lib. 2. cap. 1.

Hierarchia Romana condita.

Sed vt eò se referat oratio vnde deflexit, hoc restat declarandum, Pontificem Romanum esse illum ipsum Antichristum, qui sub typo huius secundæ belluæ è terra ascendentis figuratur. Hoc autem facile fieri potest, si modo hæc duo memoriâ teneantur: primum, bestiam priorem designare romanum imperium, vt supra satis declarauimus primis decem versibus huius capitis: secundum, alteram hanc bestiam esse pseudoprophetam, vt liquidò constat infra cap.

Secunda bestia denotat Pontificem Romanum.

16. vers. 13. & cap. 19. vers. 20. & cap. 20. vers. 10. quod etiam agnoscit Irenæus lib. 5. cap. 23. & meretricem magnam, de qua infra cap. 17. Sic igitur ratiocinor.

1 Quisquis exercet omnem potestatem prioris belluæ, id est, romani imperij, is sub hac secunda bestia denotatur, ut infra patet vers. 12.

Solus Archiflumen Romanus exercet omnem potestatem prioris bestia, quod totius orbis testimonio potest comprobari.

Solus igitur Antichristus Romanus hac secundâ belluâ significatur.

2 Quisquis animat imaginem prioris bestia, id est, restituit speciem imperij Romani quod prius annis amplius trecentis quasi extinctum fuit, ab anno 475. ad annum 800. is hac secundâ belluâ figuratur, ut liquet infra vers. 15.

Solus autem Antichristus Romanus imaginem prioris bestia animavit, id est, imperium sibi soli assumpsit & vendicavit, nudoque imperij titulo Francorum reges & principes Germanorum insigniuit.

Solus ergo Papa Romanus figurâ huius secundæ bestia significatur.

3 Quisquis facit incolas terræ adorare priorem bestiam, vel imaginem prioris bestia, is sub typo huius secundæ bestia describitur vers. 12, 14, 15.

Solus Præsul Romanus id præstat.

Itaque Papa solus sub figura huius secundæ bestia depingitur.

4 Qui omnibus suis imprimit characterem in manu aut in fronte, is significatur sub hac secunda bestia, infra vers. 16. 17.

Solus Cerastes ille Romanus imprimit characterem papicolis in manu aut in fronte.

Solus Papa Romanus igitur est bicornis hæc secunda bellua.

5 Quisquis falsis miraculis præcipue & præ cæteris omnibus seducit incolas terræ, is depingitur sub hac secunda bellua ver. 13, 14.

Pontifex Romanus Pessimus Maximus præ cæteris omnibus claret falsis miraculis, quibus incolas terræ seducit.

Itaque Papa sceleratissimus est hæc bicornis bestia.

6 Quisquis Agnum simulat, sed draconem agit, is est hæc ipsa secunda bestia vers. 11.

Sella Romana apostatica Agnū simulat (impudens enim nebulo vicarium

vicarium se Christi, & Petri successorem mentitur) sed diabolum agit, vt Syluester secundus, Gregorius septimus, & alij multi Pontifices Maximi congerrones diaboli vel ipsis papistis testibus.

Antichristus ergo Romanus est hæc secunda bellua.

7. Meretrix illa magna sedens super aquas multas, cum qua scortati sunt reges terræ, est hæc ipsa secunda bestia, vt in interpretatione huius mysterij liquet infra cap. 17, 1, 2, 3, 4, 5, 6, 15.

Scottum Romanum (Pontificem dico) est meretrix & lupa illa quacum scortati sunt reges terræ, vt ibi manifestum est & orbis videt.

Prostibulum igitur Romanum est hæc secunda bestia.

8. Pseudopropheta ille de quo infra cap. 16, 13. & 19, 20. & 20, 10. est hæc secunda bestia.

Papa est ille Pseudopropheta.

Papa igitur est hæc bellua.

9. Impostor ille quem patefactum iri prædixit Paulus 2. Thes. 2, 7, 8. quum sublatum foret imperium, est ipse Antichristus, pluribus tum veteribus tum recentioribus scriptoribus locum illum ita exponentibus.

Papa Romanus patefactus fuit quando collapsum erat imperium, vt supra paululum ostendi.

Ergo Romanus Pontifex est ipsissimus Antichristus.

Atque hæc papistarum causam dicta sunt, a quibus propterea gratias mihi debere puto, vix haberi credo, referri non desidero. Sed ad contextum redeamus.

Verf. 11.

Deinde vidi] Duohic in vniuersum notanda veniunt: descriptio bestiae hoc versu & sequentibus ad verf. 18. & epiphonema verf. 18. Bestia describitur duobus modis: primum ex forma hoc versiculo: deinde ex factis verf. 12. & sequentibus. Bestia cornibus Agnum simulat, voce draconem sonat, hoc versiculo. *Aliam bestiam*] id est, Pontificem Romanum, vt supra paululum diximus. *Cornua duo similia* (subaudi cornibus) *Agni*] Papa simulat Agnum, id est, Christum, & profitetur humilitatem, seruum se vocitans seruorum, & vicarium Christi, quasi Christus nobiscum non adesset vsq; ad finem seculi Math 28, 20. Est igitur impius nebulo & insignis hypocrita. *Loquitur vt draco*] Id est, vt vt simulat pietatem & humilitatem, reuera tamen loquitur vt diabolus si vim verborum eius expendamus. Nam etsi præfatur, seruus seruorum Domini, subinfert tamen.

Forma bestiae.

tamen, *Sic volo, sic inbeo.* & decreta Papalia sunt blasphemiarum plena, ut diabolus facile agnoscas. Diabolus princeps huius mundi (Ioan. 12, 31.) dixit ad Christum Math. 4. 9. *Hæc omnia tibi dabo si procidens adoraveris me.* Filij eius beatissimi scil. Papæ Romani, hæc eadem verba usurpant, ac dicunt in sua esse potestate omnia huius mundi regna, ut dent adorantibus apostaticam sellam Romanam. De potestate ista gloriabatur Bonifacius octauus, Gregorius 7. dixit *Petra dedit Petro, Petrus diadema Rodolpho.* Non est ouum ouo similis, quam Pontifex Romanus diabolo.

Vers. 12.

Ea verò potestatem Altera huius secundæ bellæ descriptio ex factis eius, ut in versum proximum dictum est. Facta autem sunt in vniuersum duo: Primo enim exercet omnem potestatem prioris bestię, initio huius versus: secundò characterem imprimit omnibus hominibus qui merces emant ab eo vers. 16. 17. Prioris facti summa continetur priori hemistichio huius versiculi, ut iam dictum est, expositio posteriori hemistichio & versibus sequentibus.

Potestatem prioris bestię omnem exercet Id est, aperuit os suum ad blasphemiam aduersus Deum &c. ut prior bestia fecerat supra vers. 6, 7. Hoc manifestum est omnibus qui vitas & decreta Paparum Romanorum legerint. *In conspectu eius* Id est præsentibus & videntibus imperatoribus Orientis & Occidentis Papa ciuile assumpsit gladiū, res politicas disposuit, ecclesiam Christi persequutus est, & quicquid poterant imperatores, id sibi suis artibus vendicauit.

Et ait, nam facit ut terra Expositio prioris facti, ut modo diximus, estque duplex: prior, reliquo hoc versu & duobus sequentibus; posterior vers. 15. Si enim quærat quomodo Papa exercet potestatem prioris bestię, facilis est solutio. Nam facit ut incolæ terræ adorent bestiam primam, idque falsis suis miraculis, vers. 13, 14. deinde quod maius est, primam bestiam pene emortuam animat vers. 15. Itaque plus potest quam potuit prior bestia. Quantò enim sol maior luna, tantò filius hic perditionis (Papam dico) maior est Imperatore, ut in blasphemis distinctionibus de maiestate & obedientia habetur.

Adorent bestiam primam Id est, ut impij (nam in electos talem non habet potestatem) idololatriam amplectantur, & sicut improbis edictis Imperatorum obtemperassent ante, ita nunc partim

ijdem

ijisdem, partim nouis beatissimorum (si dijs placet) Paparum & superstitionis traditionibus decretisque parent. *Quins curata fuerat plaga*] Vide supra in vers. 3.

Vers. 13.

Edit enim signa] Modum ostendit, quo facit vt incolæ terræ adoret bestiam primam, nempe falsis miraculis, qualia Papæ ediderunt permulta. Nam Symmachus Paschasii diaconi animam pertinacem, purgatorio post mortem deputauit. Imò diebus illis tria alia miracula valde magna fiebant, inquit Balæus in vita Vitelliani. Monachorum coenobia erigebantur, reges in monachos tondebantur, & quotidiana scortatio erat in sanctam canonizata. Syluester 1. Sozimus, Benedictus 2. & Zacharias vestes complures in sacrum vsuū dederunt, & Ecclesiam, histrionum in morem iudaicis & ethnicis ritibus perpulchrè adornarunt. Gregorius Magnus Traiani animam ab inferis liberauit, si draconi credamus. Constantinus 1. Kenredum & Offam, duos Anglosaxonum reges, vertit in monachos, anno 711. Idem Papa imperatorem primus ad beatorum pedum oscula admisit. Zacharias, vt aiunt Abbas Urspergensis & Funccius, vel Stephanus 2. vt author est Eginhartus in vita Caroli Magni, Hildericum legitimum regem Franciæ deposuit, detondit, & in monasterium detrusit, Pipinumque in eius locum suffecit. Leo 3. imperium transtulit in Francos. Formosi cadauer in Tiberi à piscatoribus repertum, dum funus celebratur, ab imaginibus (idolum ab idolis) venerabiliter fuit salutatum. Ioannes 19. purgatorium reperit in Ætna monte. Benedictus 8. post mortem apparuit nigro insidens equo. Alexander 3. Fredericum Barbarossam primum prodidit Suldano Turcarum, & postea collum eius pedibus conculcauit, dicens: *Scriptum est, Super aspidem & basiliscum ambulabis, & conculcabis leonem ac draconem.* His & infinitis huiusmodi myriadibus miraculorum orbem seduxit Antichristus Romanus. *Adeo vt etiam ignem*] Id est, sicut fideles confirmarentur de vera religione, igne cœlitus dimisso ad preces Eliæ 1. Reg. 18. 6, 37, 38. ita pseudochristi Romani miraculis falsis & impijs demerantur & seduxerunt reprobos. Sic enim accipere malim, quàm ad vnum vel alterum Papam referre qui miracula ignota ediderunt, id quod quidam ex Benone Cardinale narrant de Papa longè sceleratissimo

Miracula
insignia
Pontificum
romanorum.

tissimo Gregorio 7. qui sacramentum coniecit in ignem, & quum vellet, manicas ita discutebat suas, ut ignis in modum scintillarum dissilicbat.

Vers. 15.

Datumque est ei] Posterior expositio prioris facti huius bellæ, ut in vers. 12. dictum est. Qui enim vitam alicui potest indere, is facile facturus est, quicquid ille præstat, cui tribuerit vitam. Vappa autem Romanus Imperatoribus vitam reddit inuestiturâ, coronatione, & vinctione satis pingui.

Papa collapsum imperium instaurat.

Et animaret imaginem bestie] Id quod fecit, quando collapsum imperium restituit in Carolo Magno, Volaterranus lib. 13. Quum enim pro calumnia Leoni 3. Papæ ingesta, Romani veniret Carolus, & natale Domini ibi celebraret, ei ab oratione surgenti, & nihil minus speranti, Leo Antichristus Romanus coronam imponit, & Imperatorem Romanum pronuntiat, tumque à cuncto Romano populo acclamatum est anno Christi 800. vel 801: *Carolo Augusto à Deo coronato, Magno & pacifico, Imperatori Romanorum totius, victoria.* Nihilominus Papa de alieno liberalis, non seipsum penitus exclusit ab Imperio, sed potius id ferè totum sibi assumpsit, Carolo concedens nomen solum atque titulum Imperij. Suprà enim diximus Pipinum donasse Papæ, quod iure pertinebat ad Imperatorem Constantinopolitanum, Carolumque postea subuerso regno Longobardorum, Patris Pipini donationem confirmasse. Vappa igitur imperium Occidentis tenet, Carolus solo nomine gaudet. Quamobrem non imperium, sed imaginem & speciem imperij, bicornis Papa restituit in Carolo Magno, & insequentibus imperatoribus. *Et etiam loquatur*] Hoc fit, quia Imperatores coronationem & inuestituram accipiunt à Papa, nec alias censentur pro legitimis imperatoribus. Hac enim lege Imperatorem inungit Papa, ut iurando polliceatur, se perpetuam obedientiam sellæ pestilentiae seruaturum. Quod diligenter notauit Platina de Henrici quarti tragedia in vita Hildebrandi, qui fuit pestis vrbis & orbis. Sed forma iuramenti habetur disti 63. c. tibi domino. & lib. 1. ceremoniarum sect. 5. cap. 2.

Imperator coronam accipit à papa.

Character papæ.

Vers. 16, 17.

Sed & facit.] Alterum bicornis Papæ factum, characteris scilicet impressio, ut suprà in vers. 12. diximus. Quoniam de caracte-

re bestiae huius secundae, multa hoc libro dicuntur, veluti hoc ipso in loco, & infra cap. 14. 9. cap. 15. 2. cap. 16. 2. cap. 19. 20. & cap. 20. 4. & charagmate quoque isto insigniri sit exitiale, vt constat cap. 14. 9. paucis dicam quid de eo sentiam. Character autem nihil aliud est, quam nota externa alicui rei impressa, vt ab alijs distinguatur. Sic igitur habendum: Cuicumque quis sistit se seruum ad obediendum, eius seruus est, cui se tradit in obedientiam, siue Christo se tradat ad veram religionem & pietatem, siue Antichristo Romano ad profanam superstitionem & impietatem. Deinde Christus eos, qui se illi in obedientiam tradiderunt, notâ aliquâ externâ & sancto characterē obsignat, sibi que obligat. Antichristus item Romanus eos, qui se illi tradunt in obedientiam, notâ aliquâ externâ, & superstizioso charagmate obsignat, sibi que obligat. Quare expositis seorsim Christi & Antichristi characteribus externis, quibus eorum serui insigniuntur, & dominis suis obligantur, patebit omnibus huius loci sensus. Character autem propriè est signum aliquod externum, vt modò diximus, quo res vna ab alijs discernitur apud homines, non interna aliqua nota. Quòd si vnquam signum aliquod internū esset, quod non puto, tamen Spiritus sanctus hoc quidem in libro per characterem significat externam tantū notam. Imprimitur enim frontibus, vel manibus hominum. Character in fronte impressus, significat externam professionem, vt de seruis Christi suprâ diximus in cap. 7. & infra patet cap. 14. 1. In manu autem impressus, significat externam actionem. Etsi verè credentes in Christum multos acceperunt externos characteres in frontibus & in manibus, quibus Dominum suum ore & opere, verbis & factis palam profitentur: commemorabo tamen quatuor solummodo hoc tempore. Sunt autem verbum Dei veteri & nouo testamēto comprehensum; duo sacramenta, Baptismus, & Coena Domini; & disciplina ecclesiastica. His enim characteribus ceu notis tesserisq; sanctis, suos obsignat Christus, & ab alijs coetibus ac sectis omnibus discernit manifestò. Et qui verè sunt serui Christi, dum hos characteres suscipiūt, neque eosdem palam verbo & opere profiteri erubescunt, manifestò internoscuntur ab alijs omnibus. Ac si res esset cum Ethnicis & cum Mahumetanis, nulla latere potuit difficultas. Sed quia negotiū est cum Antichristo ipso Romano, & cum satellitibus eius papistis, multae suboriuntur in animis quorundam hominum difficultates, eò quòd Papa sedet in Templo Dei, Christumque, verbum Dei, sacramenta,

De cha-
acteribus
pisticis.

Differen-
inter cha-
acteres C-
risti & Pa-

Chara-
acteres C-
risti.

acteri
tico-
duo
genera.

cramenta, & disciplinam proficitur. Vt igitur de discrimine inter Christum & Antichristum Romanum, inter veros Christianos (loquor de externis characteribus & de externa professione, Solus enim Deus nouit qui sui sunt) & papistas; inter characteres Christianos & papisticos discernamus, considerandum est, omnes in vniuersum characteres papisticos duorum esse generum: quorum vnum est characterum Christianorum, sed Papæ artificio corruptorum: alterum, eorum characterum, quos ex proprio cudit sella ista pestilentia. 1. Nam quum sacrosanctum verbum Dei, legitimus sit verorum Christianorum character, dum legitime adhibetur, Pontifices Romani, vt ex eo papisticum characterē conficerēt, sacrilegē adulterarunt addendo Apocrypha plurima, detrahendo authoritatem & plenitudinem, commutando & corrumpendo eò quod tum spretis fontibus authenticis Hebrææ & Græcæ veritatis, sentinam corruptæ veteris, nesciunt cuius, translationis consecretantur; tum sensum pro libitu deprauant, ac suo ipsorum exitio detorquent. Ita ex christiano papisticum characterem fecit Archiflumen & Antichristus Romanus. 2. Baptismum characterem Christianorum commutat Antichristus Romanus in papisticæ seruitutis signum, quando præter institutionem Christi, insuper adhibet chrisina, aphrogala, sputum, salem, cruces, cereos, cappas, exorcismos & eiusmodi, de quibus Conradus à Liechthenair sub anno 1124. Durandus rational. diuin. offic. lib. 6. cap. 83. & Catechismus Tridentinus. 3. Sacram Domini coenam multis etiam modis polluit Romanus Antichristus, & in characterem papisticum commutat. Primò enim comminiscitur ingeniosus diabolus panem & vinum ad pronuntiationem paucorum verborum, naturam suam alijcere, & in carnem sanguinemque conuerti. Secundò, idolatriam inducit, & præcipuè idololatriam. Nam hoc modo Antichristus ipse, quem merito idolum appello, in primis adoratur. Sicut enim Reges Persicos præcedebat equus gerens paruum aram, in qua inter modicos cineres refulgebat subinde flammula sacri ignis, quem Orismasda nominabant, & quem adorabant Persæ: ita Antichristum Romanum antegreditur asturco ephippiatus & phaleratus gerens panem consecratum. Quod præcipuè fit, vt Papa, idolum illud ingens, eò magis adorationem lucretur à populo lib. 1. ceremoniarum sect. 12. cap. 1. Tertiò pro communi pane azymum substituit Papa, fortè vt eò facilius aliam indueret naturam: nihilominus sacrificium appellat

pellat anæmatum siue incruentum. Quarto poculum, quod sacrificuli abradi valde diligunt, negat Antichristus plebi. 4. Sanctam Christi disciplinam Antichristus Romanus metamorphosi miratransulit in hierarchiam papisticam constantem ex ordinibus maioribus & minoribus, cum ingenti affeclarum colluue. Ex quibus omnibus ne vnum Templo & Domui suæ, id est, Ecclesiæ, præfecit Dominus. Et isto modo foeda hæc bellua Romana characteres Christianos commutauit in Antichristianos. Interim tamen hypocrita egregius Christi nomen his prætendit, quò efficacius decipiat decipiendos.

Proprios autem characteres Pontifex Romanus fabricauit infinitos, quos ferè omnes in vitis Paparum legimus. Nam quinq; sua sacramenta, vñctionem scilicet postremam, confirmationem, ordines papisticos, matrimonium, poenitentiam excogitarunt. Purgatorium inuenerunt. Matrimonium, quamuis sacramentum suum, multis prohibuerunt. Scortationem publicam in Deam papisticam canonizarunt. Parentibus filios ad sacrum baptismum offerre interdiciunt. Antichristianam obedientiam iurare cogunt suos sacrificulos. Imperatores & Reges iuramento obligant ouili Romano. ecclesias gestibus histronicis, & vestibus idololatricis sumptis partim ab Ethnicis partim à Iudæis, spectabiles reddunt. Imagines ligneas, lapideas, marmoreas, alabastricas, & multas ex his deauratas, erigunt. Execranda apotheosi mortuos deficiant. Sabbatha dijs suis instituunt, & templa illis extruunt. Cruces adorant. Annatas instiunt & portoria. Lucernas accendunt meridie. Campanas & nolas baptizant, his dæmones fugant. Ex meretricum fornicatione censum exigunt. Mortuos inuocant. Plaustra denique decretorum & decretalium inuehant in Ecclesiam. Qui autem istam papisticam religionem, & ceremonias Antichristianas istas, & decreta hæc papalia atque huiusmodi alia profitentur, probant, aut defendunt, illi characterem huius teterrimæ belluæ acceperunt in fronte. In manu verò acceperunt, qui secundum decreta ista Antichristiana & diabolica vitam instiunt, faciuntque quod iusserit Antichristus Romanus. His demū licet qui characterem istum diabolicum acceperunt, emere & vendere, id est, munera sua in hoc mundo exsequi, cuiuscunque sint conditionis aut sextus. Et hi sunt, qui spiritualiter scortati sunt cum meretrice magna, id est, cum hac secunda bellua,

Qui characterem papisticum accipiunt in fronte, & qui in manu.

bellua, Pontifice Romano, infra cap. 17. 2. &c. Hi denique sunt, qui bibent ex vino ira Dei, infra cap. 14. 10.

Quisquis characteres papisticos & diabolicos ex animo detestatur, nec velit in fronte vel in manu accipere; ei non licet emere aut vendere siue rex sit, siue subditus, siue pastor, siue populus. Contra huiusmodi enim fulminant Papæ & satellites eorum.

Aut nomen bestie [ut dicatur papista vel catholicus.

Aut numerum nominis eius] id est, ut habeatur in numero eorū, qui sese specialiqua ratione tradunt bestiae bicorni in obsequiū.

Ver. 18.

Hic est sapientia [epiphonema, ut in vers. 11. diximus. Sicut vers. 9. lectorem monuit ut adverteret animum ad ea omnia, quæ de priori bestia dicta erant ab initio capituli; ita hoc versu hortatur lectorem diligenter perpendere non tam id omne, quod de secunda hac bellua dictum est à vers. 11. quàm vnum illud, quod proximum versum claudebat, videlicet, numerum nominis Papæ Romani. Similis admonitio sequitur infra cap. 17. 9.

Numerus eius 666. [Irenæus quasi vaticinando pulcherrimam attulit expositionem, quam nemo adhuc, quod sciam, refutauit. Sed hoc incommodi habet, quod nullum faciat discrimen inter nomen bestiae, & numerum nominis eius.]

ANALY-

ANALYSIS CAP. 14.

- | | | |
|---------------------------------------|---|--|
| Cap. 14.
partes
sunt
quatuor | 1. Perseuerantia fidelium diebus afflictionis predictæ, quorum | 1. Externa professio vers. 1, 2, 3.
2. Vita sancta vers. 4, 5. |
| | 2. Restitutio Euangelij vers. 6, 7. | |
| | 3. Ruina Babylonis vers. 8, | |
| | 4. Iudicia dei aduersus hostes Ecclesiæ, vers. 14. &c. nempe aduersus | 1. Messis vers. 14, 15, 16.
2. Vindicta vers. 17, 18, 19.
Magnitudine cladis vers. 20. |
- Persecutores martyrocidæ cap. 14.
 14. Hæc describuntur ex
- Incredulos Papistas cap. 15. & 16.

CAP. 14.

Tunc aspxi, & ecce, aderat Agnus stans super montem Sion, & cum eo centum quadraginta quatuor millia, habentia nomen Patris eius scriptum in frontibus suis.

Q

2. Es

2 Et audiui vocem è cælo tanquam vocem aquarum multarum, & tanquam sonum conitru magni: & vocem audiui citharadorum pulsantium citharas suas:

3 Et canentium quasi canticum novum ante thronum, & ante quatuor illa animalia, & illos Seniores: neque quisquam poterat discernere canticum illud nisi illa centum quadragintaquatuor millia, ij videlicet qui empti sunt è terra:

4 Hi sunt qui cum mulieribus non sunt inquinati: virgines enim sunt. hi sequuntur Agnum quocunque ierit: hi empti sunt ex hominibus, primitia Deo & Agno sacræ:

5 Et in quorum ore non est inuentus dolus: sunt enim inculpati ante thronum Dei.

6. Deinde vidi alium Angelum volentem per medium cæli, habentem Euangelium æternum, ut euangelizaret incolis terra, & omni genti, & tribui, & lingue, & populo:

7 Dicentem magna voce, Time Deum, & ei tribuite gloriam: nam venit hora iudicij eius: & adore eum qui fecit cælum & terram, & mare & fontes aquarum.

8 Et aliud Angelus sequutus est, dicens, Cecidit cecidit Babylon, urbs illa magna, quia vinum ira scortationis sue potandum præbuit omnibus gentibus:

9 Et tertius Angelus sequutus est illos, dicens, tace magna. Siquis adorauerit bestiam & imaginem eius, & acceperit characterem in fronte sua aut in manu sua,

10 Bibet hic quoque ex vino ira Dei, ex mero inquam, infuso in poculum ira ipsius: & cruciabitur igne & sulphure in conspectu Angelorum sanctorum, & ante conspectum Agni.

11 Et fumus cruciatus eorum ascendet in secula seculorum: nec habebunt requiem die nec nocte qui adorant bestiam & imaginem eius, & si quis acceperit characterem nominis eius.

12 Hic tolerantia sanctorum est: hic qui observant mandata Dei, & fidem Iesu.

13 Tunc audiui vocem è cælo dicentem mihi, Scribe, Beati ab hoc tempore mortui, ij qui Domini causa moriuntur. Etiam, dicit Spiritus: quoniam requiescunt à laboribus suis, & opera eorum sequuntur eos.

14 Aspexi autem, & ecce aderat nubes candida: & super nubem sedebat

sedebat quidam similis homini, habens impositam capite suo coronam auream, & in manu sua falcem acutam.

15 *At alius Angelus prodijt e templo, clamans voce magna ad eum qui insidebat nubi, Mitte falcem tuam, & mete quia venit tibi hora ut metas: nam aruit messis terra.*

16 *Misit igitur is qui insidebat nubi falcem suam in terram: & demessa est terra.*

17 *Tum alius Angelus prodijt e templo quod est in celo, habens & ipse falcem acutam.*

18 *Et alius Angelus prodijt ab altari, habens potestatem in igne: & clamavit voce magna ad eum qui habebat falcem acutam, dicens, Mitte falcem tuam acutam, & vindemia botros vinea terra: nam matura sunt eius vine.*

19 *Misit igitur Angelus falcem suam acutam in terram, & vindemiauit vineam terra, & misit in magnum illum lacum ira Dei.*

20 *Et calcatus est lacus extra ciuitatem: exiuitque sanguis e lacu usque ad franos equorum, per stadia mille sexcenta.*

ANNOTATIO.

Tunc aspxi] Quæ narrantur quinque primis versiculis huius capituli, coherent cum capite decimo tertio, ut quæ eodem tempore gesta sunt, quo immanes duæ belluæ, scilicet Romani Imperatores martyrocidæ, & Pontifices Pessimi Maximi vexarunt ecclesiam Christi, ab eius passione & ascensu in cælum usque ad instaurationem Euangelij circiter annū Christi 1320. His quinque versibus ostenditur, Christum habuisse in terris aspectabilem ecclesiam, quæ toto illo tempore palam profitebatur fidem suam in eo, inuitis Imperatoribus & Papis. Huius loci duo sunt præcipua capita: nempe fidelium seruorum Christi externa professio tribus versibus, & vita sancta vers. 4. 5.

Agnus] Iesus Christus, ut Ioan. 1. 29. apoc. 5. 6. & 13. 8. & 17. 14.

Super montem Sion] Quoniam Templum Solomonis figuram gerens ecclesiæ, ædificatum fuit in Sione monte excelso, & supra cæteros montes eminente; Sion usurpatur in sacra pagina pro ecclesia visibili, ut Esaia. 2. 2. Ierem. 3. 9. Micæ. 4. 1.

Et cum eo 144000.] Id est, quo tēpore Imperatores martyrocidæ per trecentos ferè annos continuos tantum luderunt christiani sanguinis, Externa professio fidelium

temporibus guinis, & Papæ postea ipsissimi Antichristi infinitam hominum multitudinē falsis miraculis seduxerunt, & ad idololatriam scedā adigerunt, nec quenquam sinerent emere aut vendere, nisi accepto stigmate aliquo antichristiano in frōte aut in manu se Romanæ sēlæ obligaret, & antichristianæ obedientiæ iugum subiret: tunc vidi super montem Sionem, id est, in visibili ecclesia, tum Christum Agonothetem, tum cum eo centum quadraginta quatuor millia fidelium christianorum, qui palam & in trepidē profitebantur fidem suam in Christo, nec ad edicta Imperatorum abnegarunt Christum, nec ad nutum Papæ stigma aliquod antichristianum susceperunt vel in frontibus vel in manibus suis. Idem hic numerus fidelium est, qui suprà cap. 7. obsignatus erat in frontibus sigillo Dei, vt ibi dictum est, & partim idem tempus.

Vers. 2.

Vocem è cælo] Vocem scilicet Christi. *Tanquam vocem aquarum*] vt Ierem. 10. 13. Psal. 29. 3. & 93. 3. 4. Apoc. 1. 16. *Tanquam sonum tonitru*] Vt suprà cap. 4. vers. 5. *Et vocem audini Citharædorum*] Id est, fidelium hymnos sacros Deo canentium. metonymia signi, & synecdoche partis.

Vers. 3.

Canticum nouum] Quod renouatur, recantatur, nunquam veterascit, sed perpetuò viget in ecclesia, vt luna noua. *Neque quisquam poterat*] Vt 1. Cor. 2. 11. &c.

Vers. 4.

Vita fidelium inculcata.

Hi sunt] Vita fidelium sancta & inculcata, vt in vers. 1 diximus. *Qui cum mulieribus*] Id est, qui spiritualiter non sunt scortati cum meretrice magna, de qua infra 17. 1. Id est, cum bellua secunda, imò neque cum prima. *Virgines enim sunt*] Id est, sancti, impoluti. Ecclesia modò comparatur virgini, modò vxori. Vt nihil detrahitur virginitati quando ecclesia comparatur sponsæ aut vxori Esai. 54. 1. 5. 6. Ierem. 4. 9. Apoc. 19. 7. & 21. 2. 9. ita non cedit in vituperium matrimonij, quando ecclesia comparatur virgini, Iere. 18. 13. & 2. Cor. 11. 2. aut virginibus Math. 25. 1. Vnde constat insulfitas stigmaticorum papillarum, qui tantis virginitatem effecerunt laudibus, vt ipsi interim ganearum nidore scereant. *Empti sunt ex hominibus*] Id est, pretioso sanguine Christi redempti sunt ex vana sua conuersatione 1. Pet. 1. 18. 19. *Primitiæ*] Id est, vt primitiæ olim sub lege, ita hi consecrantur Deo.

Vers. 6.

Verf. 6. 7.

Deinde vidit Hec tenus de miserijs & afflictionibus piorum per annos mille trecentos, qui tamen per fidem & patientiam perseuerarunt vsque ad finem: nunc sequitur aliud tempus, quo magnæ sunt rerum inclinationes. Initium temporis, quo gesta sunt quæ sequuntur, sumendum est ab anno 1300. vel 1320. vel circiter. Distributio
Res quæ deinceps exponuntur sunt in vniuersum tres, nempe, 1. instauratio Euangelij versibus duobus, 2. ruina Babylonis vers. 8. 3. iudicia Dei in aduersarios suos vers. 14. & sequentibus vsque ad cap. 17. Hoc autem obiter obseruandum, liberationem ecclesiæ, & hostium excidium in idem semper tempus coincidere. Itaque hæc tria eodem tempore contigerunt.

Post annum millesimum trecentesium sensim excitauit Dominus multos Euangelij propugnatores, quorum succenturiatus numerus ab illo tempore ad hunc vsque diem singulari Dei gratia succreuit. Nam concionatores multos in hanc inesset iniecit Dominus, Instauratio Euangelij.
Thomam Walley & Guilielmum Occamum Anglos, Michaëlem Cesenatum concionatorem Waldensium, & Marsilium Instauratores Euangelij.
Patauinum insignem Ludouici Bauari defensorem contra bruta fulmina Paparum Romanorum, Petrum de vineis & Arnoldum de villa noua, Thomam Longastrium Gallum & Ioannem Wiclefsum Anglum, Ioannem Hussium & Hieronymum Pragensem, Thomam Rhedonensem & Ioannem Rochezanam, Nicholaum Galecum & Petrum Anglicum, Martinum Lutherum & Huldricum Zuinglium, itemque reliquum classicorum theologorum chorum. Deinde Imperatores, reges, & magistratus, quorum mentes Dominus splendore Euangelij illustrasset, eiusdem lucis defensores extiterunt, vt Ludouicus Bauarus Imperator, qui animo forti tria excepit repulitque trium Paparum tela: Conradus de Berensfels Consul ciuitatis Basiliensis, qui in magna hominum frequentia Ludouici Imperatoris nuper mortui, partes masculè defendit contra Papistas: Philippus Valesius Rex Franciæ, qui veritatis prædicatores tutatus est inuito Ioanne 12. Pontifice, Carolus quartus Imperator, qui mandauit Archiepiscopo Moguntino abusus clericorum corrigere, aut fructus beneficiorum fisco regio præsentare, vt in meliores vsus conuerterentur: Nobilis ille Zisca, qui propugnauit concionatores fideles, quos malitiosè papistæ & ex inuidia Hussitas appellarunt. Neque desunt sequentium temporum exempla. Porro multis cele-

bratis concilij Euangelium in dies singulos maiores acquisiuit vires. Denique insigne illud veritatis amplificanda instrumentum, artem intelligo typographicam, in lucem produxit Dominus anno 1440. Atque illis modis instauratio Euangelij capta post annum 1300. vel 1400. tam felices haecenus Dei beneficio habuit & adhuc etiam habet successus. Vide quod observauimus supra initio c. 10.

Vers. 8.

Ruina Babylonis.

Babylonis nomine significatur Roma.

Ruina imperij.

Et alius Angelus Ruinam denuntiat hoc versu Babylonis, vt in vers. 6. diximus. Tempus huius prophetiae idem est cum superiori, quam habuimus vers. 6. & 7. Vt enim lux tenebras dispellit, vt veritas errores detegit, vt ad praesentiam Arcæ Dei cecidit Dagon; ita ad praedicationem Euangelij corruiť aduersaria potestas. Babylonis nomine Romam intelligi minimè dubitamus. Nam hoc versu dicitur vrbs magna, scilicet illa, quæ habet regnum super reges terræ, infra cap. 17. 18. Deinde summam esse similitudinem inter Babylonem & Romam, copiose ostendit Orosius lib. 2. cap. 3, 4, 5. & lib. 7. cap. 2. Porro antiqui Patres Irenæus lib. 5. cap. 25. Tertullianus aduersus Iudæos, & lib. 3. aduersus Marcionem, & alij, hanc interpretationem suis temporibus attulerunt.

Intelligo autem casum tum imperij, tum papatus. Nam anno Christi 1376. Carolus quartus Wenceslaum ex filiis suis natu maiorem, in imperio sibi successorem adhuc viuens ordinare conatus est, idque pecunia. Quum enim principes electores haud facile ad eam rem trahi possent, quod virtute obtinere non potuit, pretio comparauit, promissis cuique electori centum millibus aureis, vt ait Aeneas Syluius historiae Bohemicae cap. 33. Deinde quum non esset soluendo, publica illis imperij vectigalia obligauit. Hinc Romana potestas ad nihilum redacta est, nec posthac extollere caput imperium potuit, quum principes electores omnia sibi retinerent, Imperatoremque iureiurando adigerent, ne vectigalia vnquam reuocaret, inquit Syluius ibidem. Hinc explumatur aquila, inquit Alb. Krantz: Wandalia lib. 8. cap. 43. Porro Wympfelingius rerum Germanicarum epitomes cap. 45. ex epistolis Francisci Petrarca narrat, Innocentium 6. Antichristum Romanum Imperatori Carolo urbem paulo ante, & Italiam totam ademisisse. Eodem tempore Papæ duo, Benedictus 12. & Clemens 6. imperium pro viribus attriuerunt. Cecidit igitur Babylon, id est, imperium Romanum circi-

ter

ter annum 1376. partim Paparum fraude ac vi, partim venditione vel largitione Caroli. Bonam enim partem patrimonij Imperij à Papis possideri fatetur Krantzius Wandalia lib. 11. cap. 17.

Papatus inclinationē eodem cœpisse tempore cōstat ex eo quòd Ruina Pa-
veritas in papismo ante penē demersa, tunc paulatim emergebat, ^{patus.}
cuius lumine fideles illustrati, faciliē agnoscebant beatissimam be-
stiam secundam, quæ scēdos pedes Imperatoribus præbuit osculan-
dos, ipsissimum esse Antichristum; & Romam vrbium dominam,
Babylonem apocalypticam. Vldricus enim de Augusta Secreta-
rius Ludouici Bauari, in quibusdam regijs literis summum Pontifi-
cem vocauit bestiam ortā ē mari; & alijs cōnuitijs, idque igno-
rante Ludouico, eum proscidit, aiunt Paralipomena Abbatis Vr-
spergensis. Flacius Illyricus in Catalogo testium veritatis comme-
morat ex Henrico de Erphordia, Hayabalum quēdam anno 1345.
inter concionandum publicē solitum affirmare, se diuinitus iussu
concionari, *Ecclesiam Romanam esse Babylonicam meretricem, &*
Papam atque Cardinales esse meros Antichristos. Hoc idem intrep-
pidē coram Papa Clemente 6. cum accusaretur, affirmauit. Non le-
ue fuit ruinae papatus prælagium, quòd aula Pontificis Auenionem
in Gallia translata fuit anno 1305. vbi etiam hæserunt Papæ annis
septuaginta quatuor. Sed casum eius sellæ multò magis porten-
debant tot tamque acerba sequentium Paparum dissidia, quæ toto
illo spatio annorum 74. ijsque amplius durarunt. Vide quæ suprà
annoſauimus initio capitis decimi.

Vers. 9.

Et tertius Angelus] Hactenus de restitutione Euangelij, & de
ruina Babylonis, vt dictum est suprà in vers. 6. Priusquam accedat
ad tertium locum, nempe ad iudicia Dei declaranda, interſeritur
hic quinque versibus doctrina triplex: vna, de vitanda idololatria
vers. 9, 10, 11. altera, de tolerantia sanctorum vers. 12. tertia de foeli-
citate martyrum vers. 13.

Distributio.

Admonitio
triplex.

Vers. 14.

Vers. 14.

Iudicia Dei
aduersusPersequutores martyro-
cidas cap. 14. 14. Hæc
describuntur ex

Typo duplici

1. Messis vers. 14, 15,
16.
2. Vindemiæ vers. 17,
18, 19.

Magnitudine cladis vers. 20.

Incredulos papistas cap. 15. & 16.

Vers. 14.

Iudicia Dei,
quæ sunt
duorum
generum.

Aspexi etiam, & ecce] Tertio iam loco sequuntur iudicia Dei, vt in vers. 6. dictum est, quæ eodem tempore exsequitur, quo ecclesiam suam vindicat è manibus hostiũ, nempe post annum Christi 1300. vt suprâ sæpè obseruauimus. Hæc autem iudicia duorum sunt generum prorsus, vt illa de quibus diximus cap. 6. 12. etsi quæ ibi narrantur tempore longè discrepant ab istis quæ hoc loco commemorantur. Vnum genus horum iudiciorum est aduersus martyrocidas persecutores, reliquo hoc capite: alterum, contra incredulos papistas capitibus duobus decimoquinto & decimosexto. Prius iudicium describitur primò duplici typo, videlicet messis vers. 14, 15, 16. & vindemiæ vers. 17, 18, 19. deinde hyperbolicè amplificatur vers. 20.

Hæc autem ad extremum iudicium non magis trahi debent, quàm illa quæ apud Esaiam prophetam habentur sex primis versiculis capitis sexagesimi tertij. Atque hic est allusio quædam ad locum illum. Deinde infrâ liquet ex toto fere capite decimo nono præcipuè ex vers. 20. & ex cap. 20. vers. 10. temporale iudicium hîc describi, vt & cap. 15. & 16. Deniq; hîc mentio fit impiorum tantũ.


Similis filio hominis] Hunc super nubem sedentem interpreta-
mur Iesum Christum ex sequenti expositione cap. 19. 11. &c. Du-
plicem autem typum, vnum messis, alterum vindemiæ, certitudinẽ
& celcritatem iudiciorum Dei declarare puto, vt iterata visio Pha-
raonis, Iosepho interprete Gen. 41. vers. 2, 5, 32. Duplici hac simili-
tudine messis, videlicet, & vindemiæ, vtitur propheta Ioël cap. 3.
vers. 13. in descriptione temporalis iudicij.

Vers. 20.

Et calcatus] Secundò amplificat stragem persecutorum trita
hyperbole. Vide Psal. 58. 11. & 68. 24. & 110. 6. Esaiæ 18. 5, vel. 9. &
34. 3. Ezech. 32. 6. & 35. 8.

ANALYSIS

ANALYSIS. Cap. 15.



CAP. 15.

1 **D**Einde vidi aliud signum in celo magnum & admirabile, Angelos septem habentes plagas septem ultimas, quoniam per illas expleta est ira Dei.

2 Et vidi tanquam mare vitreum mixtum igni: & eos qui victoriam reportabant ex bestia illa & imagine eius & charactere eius, ex numero nominis eius, stantes apud mare vitreum, & habentes citharas Dei:

3 Qui etiam cantabant canticum Moysis serui Dei, & canticum Agni, dicentes, Magna & mirabilia sunt opera tua, Domine Deus omnipotens: iustæ & vera sunt viæ tuæ, rex sanctorum.

4 Quis non timebit te Domine, & glorificabit nomen tuum? nam solus sanctus es. Nam omnes gentes venient & adorabunt coram te: nam iudicia tua patefacta sunt.

R

5 Et

5 Et post hac aspexi, & ecce, apertum est templum Tabernaculi testimonij in celo.

6 Et prodierunt e templo septem Angeli, habentes septem plagas, induti lino puro & candido, & praeincti circa pectora zonis aureis.

7 Et unum ex quatuor animalibus dedit septem Angelis phialas aureas, plenas ira Dei uiuentis in secula seculorum.

8 Et impletum est templum fumo prodeunte à maiestate Dei, & à virtute eius: nec quisquam poterat ingredi in templum donec explerentur septem plaga septem Angelorum.

ANNOTATIO.

Iudicia Dei
contra pa-
pistas.

Porro vidi aliud signum] Alterum genus iudiciorum Dei quod est contra incredulos papistas vt supra in cap. 14. vers. 14. annotauimus. Quum enim multi increduli, multi contumaces, multi contemptores puræ religionis, multi derisores, multi securi de salute sua & futuro iudicio extiterunt in Papatu, immittit nunc Dominus plagas & pœnas in incredulos & inobedientes omnes, cuiusque tandem generis aut conditionis fuerint. Quod autem has plagas distringit Dominus contra papistas inclinante iam Papatu post annum Christi 1300, patet ex versu secundo huius capitis, ubi liberantur qui victoriam ex Pontifice Romano reportarunt; & ex cap. 16.2. vbi ex plagis septem, quæ tempore videntur ferè concurrere, prima infligitur ijs, qui characterem bestiae acceperunt. Præterea Deum eodem tempore hæc iudicia exercere contra Imperatores martyrocidæ, & incredulos papistas, liquet ex cap. 19. vers. 20. vbi bestia prima & secunda simul præcipitantur in barathrum. Denique hæc septem plagæ appellantur vltimæ, per quas expletur ira Dei contra papistas vers. 1. huius capitis. In ista prophetia plagarum septem, duo ordinè narrantur: præparatio videlicet cap. 15. & exsequutio cap. 16. vt obseruauit D. Franciscus Iunius. Præparationis partes sunt duæ: piorum conseruatio ab istis septem plagis vers. 2.3.4. & descriptio administratorum istarum plagarum vers. 1.5.6.7.8. Parenthesi prorsus includendos tres versus, scilicet, 2, 3, 4. cenſeo, itaq; vers. 1. per Epizeuxim repetitur vers. 5. Prætereo igitur versum primum donec ad versum quintum veniatur, & fidelium conseruationem priori loco statuo.

Vers. 2.

[Sed vidi tanquam] Conseruatio fidelium, vt modò dictum est, quos

quos in tuto collocatos vidit Propheta noster apud Deum, priusquam Angeli effundant phialas iræ Dei. Estque allusio ad liberationem Israëlitarum ex Aegypto, ut & in plagis sequentibus cap. 16. alludit multum ad Aegyptiacas. *Mare vitreum*] Quod erat ante thronum Dei supra cap. 4. vers. 6. vel alludit ad Exod. 14. *Mixtum igni*] Id est, quod non minus perditurum erat papistas incredulos, quam opem laturum fidelibus protestantibus. Ut enim mare rubrum transitum dedit Israëlitis, sed Aegyptios submersit: ita salus est ad hoc mare vitreum pro fidelibus servis Christi, in quo peribunt infideles papistæ. *Et eos qui*] Id est, fideles qui papismo renuntiarint, & externa Antichristi Romani stigmata recusarint, & ab omni specie mali abstinuerint, & vel tunicam carnis contactu maculatam odio habuerint. *Stantes apud mare vitreum*] Id est, apud Deum, ut supra ex cap. 4. 6. & per allusionem ad Exod. 14. vers. 2, 9. *Et habentes citharas Dei*] Id est, paratos ad Deum laudandum, ut duo versus sequentes exegeticè enarrant. Dicuntur citharæ Dei, id est, citharæ maximæ, ut cedri Dei Psal. 80. 11.

Fideles immuneservantur ab his iudicijs.

Vers. 3.

Canticum Moysi] Id est, sicut Moyses & Israëlitarum Deum cantico celebrarunt propter suam liberationem, & Aegyptiorum submersionem Exod. 15. ita hi Deum canunt, quod eos in medio papissimo conseruauit, & quod nunc liberat è plagis, quas in papistas immisurus est. *Magna & mirabilia*] Summa cantici vsque ad finem vers. 4. ubi clauditur parenthesis, ut in vers. 1. diximus

Fideles liberari Deum celebrant.

Vers. 5. 6.

Post hæc (inquam) aspexi] Expedita fidelium seruorum Christi conseruatione, quam parenthesis diximus includendam, vers. 2. 3. 4. sequitur altera pars præparationis, nempe designatio administratorum, qui sunt exequuturi iudicia Dei contra papistas stigmaticos, ut in vers. 1. dictum est. Itaque hic repetitur verbum primum. Hi administri iudiciorum Dei sunt septem Angeli habentes septem plagas ultimas per quas expleta est ira Dei contra papistas, vers. 1. 6. qui 1. prodeunt Templo vers. 6. id est, à præsentia Dei. Templum enim est domus Dei, ubi inter cherubinos habitat, allusio ad ceremonias legis. 2. induti lino puro & candido, id est, amictu splendido,

Administri iudiciorum Dei sunt Angeli.

prout mos est in illis regionibus vestiri albis. Vide Math 28. 3. Ioan. 20. 12. Act. 1. 10. 3. Præcincti circa pectora zonis aureis, id est, parati ad munus exsequendum, vt Exod. 12. 11, Dan. 10. 5. & 2. Reg. 4. 29. & 9, 1.

Verf. 7.

Et unus ex quatuor] Vide supra in cap. 4. verf. 4. & 6. quod cherubius iste Angelorum ordo, septem Angelis alijs ministrat hydrias iræ Dei, vt Angelus vnus alteri dedit mandatum vindicandi botros cap 14. 18. non magis debemus mirari, quàm quod prouidentia diuinâ vnus homo alteri ministrat & res necessarias, & rerum gerendarum occasionem.

Verf. 8,

Et impletum est Templum fumo] Id est, ira Dei. fumus enim aliquando est signum iræ Dei, vt Psal. 18. 9. & 74. 1. Esaia. 6. 4. & 65. 5.

CAP. 16.

1 **T**unc audiui vocem magnam è templo, dicentem septem Angelis, *Ite, effundite septem phialas ira Dei in terram.*

2 *Abijt igitur primus Angelus, & effudit phialam suam in terram: factumque est vulnus malum ac noxium aduersus homines qui habebant characterem bestia, & eos qui adorabant imaginem eius.*

3 *Deinde secundus Angelus effudit Phialam suam in mare, factumque est quasi cruor cadaueris: & quodcunque animal vivebat in mari, mortuum est.*

4 *Tum tertius Angelus effudit phialam suam in flumina & in fontes aquarum: & facta sunt sanguis.*

5 *Et audiui Angelum aquarum dicentem, Iustus es, Domine, Qui es, & Qui eras, & Qui eris, quod hac indicaris.*

6 *Quoniam sanguinem sanctorum & Prophetarum effuderunt, & sanguinem eis dedisti ad bibendum: digni enim sunt.*

7 *Et audiui alium è sanctuario dicentem, etiam Domine, Deus omnipotens, vera sunt & iusta iudicia tua.*

8 *Postea quartus Angelus effudit phialam suam in solem, & datum est ei astra affligere homines per ignem.*

9 *Et*

9 Et astuauerunt homines astu magno, & blasphemarunt nomen Dei habentis potestatem in has plagas: neque resipuerunt ut tribuerent ei gloriam.

10 Tum quintus Angelus effudit phialam suam super thronum bestiae: & factum est regnum eius tenebrosus: & mandebant linguas suas pra dolore.

11 Et blasphemarunt Deum caeli pra doloribus suis & ulceribus suis: nec resipuerunt ab operibus suis.

12 Tum sextus Angelus effudit phialam suam in flumen illud magnum, nempe Euphraten: & siccata est aqua eius, ut pararetur via regum ab ortu solis aduentantium.

13 Et vidi ex ore draconis, & ex ore illius bestiae, & ex ore pseudopropheta illius tres impuros spiritus similes ranis prodeuntes:

14 Sunt enim spiritus demoniorum edentes signa, quiq; abeunt ad reges terra & totius mundi, ut congregent eos ad praelium magni illius diei Dei omnipotentis.

15 Ecce, venio ut fur. Beatus qui vigilat & custodit vestimenta sua ne nudus ambulet, & videantur pudenda ipsius.

16 Congregarunt igitur eos in locum qui vocatur Hebraice Armageddon.

17 Tum septimus Angelus effudit phialam suam in aërem: & prodijt vix magna è templo caeli, à throno, dicens, Fuit. Factum est.

18 Factique sunt sonitus, & fulgura, & tonitrua: & terramotus factus est magnus, qualis nunquam fuit ex quo homines fuerunt super terram, terramotus inquam adeò magnus.

19 Et dirupta est vrbs illa magna in tres partes, & ciuitates Gentium ceciderunt, & Babylon magna venit in memoriam ante Deum, ut praeberet ei poculum indignationis irae suae.

20 Et omnis insula fugit, & montes non sunt inuenti.

21 Et grando magna, quasi talentaria, descendit è caelo in homines: & blasphemarunt Deum homines propter plagam grandinis: quoniam magna fuit plaga eius vehementer.

ANNOTATIO.

Tunc audini vocem] Exequutio iudiciorum Dei contra incredulos papistas, ut supra monuimus ad cap. 15.1. Sed Angeli septem administri iudiciorum aduersus papisticam impietatem, primum coelesti oraculo admonentur de officio vers. 1, quia nihil sine

Exequutio
iudiciorum
Dei.

mandato Dei: aggrediendum deinde imperata faciunt, hydriasque furoris diuini euacuant reliquo capite.

Vers. 2.

Abijt igitur primus] Accepto mandato vers. 1. exsequuntur statim suum munus Angeli; ex quibus quatuor primi phialas suas effundunt contra omnes in vniuersum papistas vsque ad vers. 10. *istributio.* tres autem postremi effusis phialis Papam Papatumque totum prosternunt vers. 10. & sequentibus ad finem capitis. Plagæ, quibus quatuor primi Angeli stigmaticos papistas affligunt, tres esse videntur, nempe morbi & vlcera sæua phialâ primâ vers. 2. tum bestia & cædes, phialâ secundâ & tertiâ vers. 3. & 4. denique siccitas, vnde fames ac pestis, phialâ quartâ vers. 8. & 9. Has enim plagas & eiusmodi alias transgredientibus mandata sua olim comminatus est Dominus Leuit. 26. & Deut. 28. ac sæpè immisit in prophanos contemptores legis, vt constat ex historia veteris Testamenti, & ex scriptoribus ecclesiasticis.

phiala prima immit-
it morbos
in mun-
lum.

Factum est vulnus] Mundus ob scelera grauissimos sæpè morbos sensit, & hoc tempore etiam post instaurationem Euangelij varijs morborum generibus fuerit castigatus: sed duo sunt præ cæteris memorabiles morbi, quibus papistica prauitatis magistros & sectatores hoc tempore flagellauit Dominus, nempe morbus Gallicus, qui Italiam primùm, Hispaniam, Galliam, & Germaniam peruasit, quando Carolus septimus Gallorum rex per Italiam exercitum ducens Neapolim expugnauit: & morbus sudatorius, qui Marpurgi anno 1529. impediuit concordiam sanctam inter D. Lutherum, & superioris Germaniæ Theologos circa negotium eucharisticum, quæ tamen Witembergæ anno 1536. facta fuit. Hic morbus sudatorius dicitur etiam anglicus, quia Angliam tunc præcipuè afflixit.

Vers. 3.

secunda
phiala bella
ouocat in
oto impe-
io.

Deinde secundus Angelus] Secundo loco duo Angeli euacuatæ hydrijs ad arma conclamant & bella, quæ sunt totius Imperij communia vers. 3. aut prouinciarum & regnorum propria vers. 4.

In mare] Id est, in Imperium Romanum. Vide infra 17. 15. Dan. 7. 2.

Huius vaticinii complementum habemus anno 1312. sub Henrico septimo Imperatore, quando totos menses tres quotidianis prælijs

prælijs in Vrbe inter Florentinos & Columnios decertatum erat, vt sanguine cæforum plateæ fluxerint, tunc etiam quum Imperator Henricus inucheretur. Deinde anno 1314. quãdo post interregnum quatuordecim mensium electores dissentientes elegerunt duos Imperatores Ludouicum Bauarum & Fridericum Austriacũ, qui per octo continuos annos graue excitarunt bellum ciuile, & quinquies iustis prælijs dimicarunt. Denique ex eo tempore imperium continuis ferè bellis attritum fuerit.

Verf. 4.

Tum tertius Angelus] Hic Angelus phialam iræ diuinæ effundit in flumina & in fontes aquarum, id est, in prouincias & in regna Imperio subiecta, quæ ita se habent ad Imperium, vt fontes & flumina ad mare. Nam vt præteream quod commemorant Paralipomena Abbatis Vrspergensis leprosos quosdam anno 1334. à Iudæis, conductos infecisse fontes aquarum pluribus in locis, vnde vehemens exorta est contagio & lues, eo quod omnes qui vsi fuissent aqua fontali, lepram contraherent; & quod narrat Albertus Krantzius Wandalie lib. 8. cap. 22. Iudæos Noribergæ combustos anno 1350. quia fontes & puteos veneno infecerant: certum est multa in Imperio Romano regna, & prouincias, ciuitatesque varia miscuisse bella, & humano redundasse sanguine, vt omnes omnium regnorum, prouinciarum, & ciuitatum historiæ testantur. Atque toto hoc tempore ab anno 1300. aut circiter ad hodiernum vsque diem luserunt reges & magistratus fœderibus, vt pueri astragulis, & pacis ac belli, induciarum ac fœderum leges & iura mensi sunt suis commodis. Id iustum, id sanctum eis, quod ad augendam potentiam utile. Agnoscamus igitur vindictam diuinam tum in toto Imperio Romano, tum in singulis regnis, prouincijs, & vrbibus propter papismum admissum, & Christum repudiatum, id quod subinde monent seriò Chronica PhilippopeucERICA sanctè & religiosè scripta.

Tertia phiala ciuiles fluctus mouet.

Verf. 5, 6, 7.

Et audint] Prædicta iudicia duorum Angelorum ministerio diuinitus aduersus crudeles & incredulos papistas iussa verf. 3. & 4. secundum legem talionis, hæc etiam duorum Angelorum testimonio comprobantur, nempe Angeli aquarum verf. 5, 6. & Angeli alterius verf. 7. Angelus autem aquarum dicitur, quia sortitus est præ-

Angelorū præfecturam aquarum. Sic enim Angeli præfecturas gerunt, qui præfecturæ dam ciuitatis Ierusalem diruendæ Ezech. 9. 1. alij quatuor ventorum supra cap. 7. 1. vnus potestatem habet in ignem supra cap. 14. 18. & alter in aquam hoc in loco. Itaque honorificis verbis appellantur dominia, imperia, potestates, Coloss. 1. 16.

Verf. 8.

Quarta
phiala fa-
mem gignit
& pestem.

Postea quartus Angelus] Hic Angelus, phialâ iracundiæ diuinæ in solem coniectâ, æstum gignit & siccitatem ingentem, terræ sterilitatem, inopiamque rei frumentariæ, denique sitim intolerandam homines & iumenta affligentem; postremò & morbos excitantem æstuantem, vt rectè inquit Bullingerus. Idem pœnæ genus, quod prædictum est Leuit. 26. 16, 19. Deut. 28. 21, 22, 23. & quo puniuit Deus gentem Iudæorum 1. Reg. 18. Ioel 1.

Anno 1312, ingens erat pluuia per totam æstatem, vnde sequuta est fames magna, itemque pestis & mortalitas per tres annos continuos, quæ tertiam partem viuentium absumpsit.

Anno 1348. accidit memorabilis illa, & multorum celebrata monumentis, pestilentia, cuius tanta vis fuit ac sæuitia, vt quinquennio spatio magnam hominum multitudinem funesta tabe strauerit. Nam in tota ferè Europa desæuijt, vrbes, monasteria, & insulas totas deuastauit. Florentiæ sexaginta millia hominum, Lubeci nonaginta millia, Auenione innumerabiles extincti sunt.

Anno 1350. Clemens sextus Papa iubileum Romæ celebrauit, quo tempore erant quotidie (vt ex Præmonstratenfi refert Balæus in Clemente isto) quinque millia peregrinorum intrantium & exeuntium Romam. Attamen tanta tum pestis triennio totam Italiam peruagauit, vt vix decimus ex millesimo homine superfuert, vt ait Platina.

Verf. 10.

Tum quintus Angelus] Hactenus de vſitatis flagellis Dei sæpè ante secundum legem Leuit. 26. Deut. 28. immisſis in mundum, hæc autem & hoc tempore in papistas stigmaticos effusis: nunc sequuntur tres postremæ hydryæ iræ Dei, quibus tanquam copijs in aciem eductis impetitur Pontifex Romanus, & Papatus ipse funditus subruitur & euertitur, vt supra in verf. 7. diximus.

Prima igitur phiala infunditur in ipsum thronum bestię, scilicet secundæ, id est, Antichristi Romani. Hoc factum fuit post annum

1300. per Ioannem Wiclefium, Guilielmum Occamum Anglos, Quinta
 Marsilium Patauinum, Ioannem Hussium, Hieronymum Pragen- phiala thro-
 sem, Ioannem Rochezanem, Gregorium Hiemburg, Ioannem de num pon-
 Wesalia, Martinum Lutherum, & ceteros potentes prædicatores tificis euer-
 & instauratores Euangelij Iesu Christi in hac mala mundi senecta.
 Hi enim & alij multi eorum socij, symnista, & adiutores in opere
 Domini, spirituali gladio verbi Dei euerterunt Papam Romanum
 cum tota eius potestate seculari, Papatum ipsum, omnemque subli-
 mitatem sese extollentem aduersus cognitionem Dei 2. Thess. 2. 8.
 Hoc iam pridem satis benè senserunt Antichristi Romani. Nam
 beato & fideli seruo Christi D. Martino Luthero potenter admodum
 tonante Euangelium Christi, Hadrianus sextus Pontifex Romanus
 ad comitia Norinbergenfia anno 1522. habita, Legatum suum Frā-
 ciscum Cheregatum misit, & commisit, vt liberè cōfiteretur coram,
 statibus imperij, in hæc verba: *Nos scimus quòd in hac sancta sede
 iam annis aliquot multa fuerunt abominabilia, abusus in rebus di-
 uinis, superfluitas traditionum, & quod tandem omnia in deterius
 conuerint. Nec mirum est, quòd infirmitas à capite in membra, à Pa-
 pis in minores prælatos derinavit. Nos omnes, hoc est, prælati & ec-
 clesiastici declinauimus, quisque in viam suam, nec iam diu fuit, A-
 liquis qui bonum operaretur.*

Verf. 12.

Tum sextus Angelus Alludens ad Babylonem in Assyria, & ad Sexta pl-
 modum, quo illa caperetur, describit excidium Babylonis apoca- la Roma-
 lypticæ, id est, Romæ, & hoc quidem in loco, Papatus Romani. Si- expugna-
 cut enim aquis Euphratis in paludes & stagna propinqua per cam- Herodo-
 porum æquora deriuatis, milites Cyri Babylonem ingrediebantur lib. 1.
 per alueum peruium iam factum & vadofum, qua nocte rex Bel-
 fazar luxurie diffuens scripturam manus vidit in tectorio: ita anna-
 tibus, primitijs, decimis, & vectigalibus regnorum, prouinciarum,
 ciuitatum totius Europæ, quæ tanquã per flumina Romam influere
 & munire solebant, aliò deriuatis, meabilis facta est via, facilisque
 datur aditus Romam, & in primis Papatum adeundi & subuertendi,
 vt infra declaratur cap. 17. verf. 1. & per totum ferè caput decimum
 octauum præcipuè à verf. 8. ad verf. 20. Atque hic est secundus mo-
 dus, quo Deus Papatum euerit. Completa fuit hæc prophetia, & in
 S dies

dies completur, quando regna, prouinciæ, ciuitates Europææ, suscepto Euangelio Iesu Christi, meretricem illam magnam deseruerunt & deserunt, quacum antè scortabantur. Aquæ istæ siccatae disertè vocantur populi, turbæ, gentes, linguæ infra cap. 17. 15. Vaticinium Hieronymi Sauonarolæ fuit circa annum 1490. quendam Alpes transiturum in Italiam, Cyro similem, qui subuertere deberet Italiam. Sed quomodo huic loco accommodetur non video. Fortassis magnum illum virum Dei, D. Ioannem Caluinum animo præuidit, vel illustrissimum principem, Henricum octauum, Angliæ regem; qui vnus ex omnibus principibus in Europa, grauissimum inflixit vulnus throno pontificali.

Vers. 13, 14

Impuri spiritus papistarum.

Et vidi ex ore] Tres isti impuri spiritus sunt Cardinales, Iesuitæ, Monachi, & in vniuersum nuntij ac legati à latere, qui ad cæteros in Europa reges & magistratus, sedi pestilentia adhuc hærentes, emittantur, vt eos instar furiarum infernalium indefinenter coaxando excitent ad bellum gerendum, & ad crudelitatem in pios Euangelij professores & Antichristi desertores exercendam, per inquisitores hæreticæ prauitatis, (vt ipsi vocant) aliosque scelerum magistros. Quod autem tres esse spiritus dicuntur, est numerus finitus pro infinito. Sed ecce quàm conuenit bestia, id est, imperatoribus Romanis, & pseudopropheta, id est, Papæ Romano, cum dracone, id est, diabolo, de persecutione sanctorum, qui in hoc splendore Euangelij, relicto Antichristo, sequuntur Agnum quocumque ierit. Sunt enim tres spiritus impuri quasi ab his tribus missi.

Vers. 15.

Ecceruenio] Epiphonema interiectum in media oratione. Finis enim vers. 14. & principium vers. 16. coherent. Itaque hic versus parenthesi includendus, vt verba illa Matth. 24. 15. (qui legit, animaduertat.)

Papistæ re-
tibus suis
apiuntur.


Arma geddon] Vt nominis etymologiam doctis relinquam, hunc sensum esse opinor, nempe hostes ecclesiæ, quando præliantur aduersus fideles seruos Christi, diuinâ providentiâ congregandos in locum eorum mactationi & stragi destinatum. Et vt locus perditionis hostium ecclesiæ appellatur *Conuallis Conuersionis* Ioël.

3. 14. ita idem locus hūc appellatur *Armageddon*. Vide Micā. 4. 12. Zachar. 5. 8. Omnium ferē doctorum consensu receptum est, allusionem esse ad locum illum, vbi magna strage periit Iosias, 2. Chro. 35. 22.

Verf. 17.

Tum septimus Angelus] Summa huius septimæ & postremæ Septima plagæ continetur verf. 19. urbem scilicet illam magnam toties hoc phiala extremam pontificatus desolationem importat, libro nominatam, in tres partes diruptam, hoc est, Papatum funditus euersum iri. Nam quum ad Pontificatum stabiliendum conspirasset Europa ferē vniuersa, Deus, vt eum dissiparet ac disperderet, primum plagam vnā iniecit in ipsum Papatus thronum verf. 10. deinde alterā iniecit plagā, deficcavit flumina, quibus diuitiæ gentium in pontificatum solebant importari verf. 12. nunc demum tertiā effusa phialā, Pontificatum euertit atque in tres partes dispergit id omne quod ante faciebat ad Papatum constituendum. Homines igitur in Europa, qui prius Antichristum Romanum adorabant, & cum meretrice illa magna, bestia nempe bicorni, scortabantur, iam in tres sectas abierunt. Nam alij sunt veri Evangelij Iesu Christi professores, Protestantes dicti ex quo Elector Saxoniz, Georgius Brandenburgicus, Ernestus & Franciscus Lunenburgici, Lantgrauius, & Anhaltius se decreto Spirensi opposuerunt decimo nono die aprilis anno 1529. Sleidan. comment. lib. 6. Hi Papatum ex animo detestantur. Alij in cœno papismi adhuc peruersē hærent, nec inde se auelli patientur quamuis sole clarius sit, Pontificem Romanum esse bestiam apocalypticam, nempe secundam illam bicornem de qua suprā cap. 13. 11. & ipsissimum Antichristum. Tertium genus hominum, est eorum, qui neutri parti adherentes, sequuntur Epicureismum aut Atheismum.

ANALYSIS. CAP. 17.



CAP. 17.

1 **T**um venit unus ex septem Angelis qui habebant septem phialas, & loquutus est mecum, dicens mihi, Hæus tu, ostendam tibi damnationem meretricis magna, sedentis super aquas multas:

2 Cum quæ scortati sunt reges terra, & cuius scortationis vino inebriati sunt incola terra.

3 Quumque me per spiritum in desertum transfuisset, vidi mulierem insidentem bestia coccinea, plena nominibus blasphemia, habentem capita septem, & cornua decem.

4 Erat autem mulier illa amicta purpura & cocco, & inaurata auro & lapidibus pretiosis & margaritis, habens poculum aureum in manu sua plenum abominationibus & immunditia scortationis sue:

5 Es

5 Et in fronte suo nomen scriptum, *Mysterium*, *Babylon magna*, mater fornicationum & abominationum terra.

6 Et vidi mulierem illam ebriam sanguine sanctorum & sanguine martyrum Iesu, & miratus sum, quum viderem illam, admiratione magna.

7 Tunc dixit mihi *Angelus*. Quare miraris? ego dicam tibi *mysterium mulieris*, & *bestia qua portat eam*, qua habet capita septem & cornua decem.

8 *Bestia quam vidisti*, fuit, & non est: & ascensura est ex abyssu, & in exitium abitura: mirabuntur incola terra, (quorum nomina scripta non sunt in libro vite à iactis mundi fundamentis) videntes *bestiam qua erat*, & non est, & tamen est.

9 Hic est mens qua habet sapientiam. Septem capita, septem montes sunt super quos mulier sedet.

10 Et reges septem sunt: quinque ceciderunt, unus est, & alius nondum venit: & quum venerit, oportet illum breue tempus manere.

11 *Bestia autem qua erat*, & non est, is octauus est, & e septem est, & in exitium abit.

12 Decem autem cornua qua vidisti, decem reges sunt qui regnum nondum acceperunt, sed potestatem tanquam reges, una hora accipient cum bestia.

13 Hi unum consilium habent, & vires ac potestatem suam bestia tradent.

14 Hi cum *Agnus* pugnabunt, & *Agnus* vincet eos: quoniam Dominus dominorum est, & Rex regum: & qui cum eo sunt, vocati, & electi, & fideles.

15 Deinde dixit mihi, *Aqua quas vidisti*, ubi meretrix sedet, populi sunt, & turba, & gentes, & lingua.

16 Et decem cornua qua vidisti in bestia, hi odio persequentur meretricem, & solam reddent illam & nudam, & carnes eius comedent, & ipsam igne exurent.

17 Deus enim dedit in corda eorum ut faciant quod placitum est ei, & ut consentiant, dentque regnum suum bestia donec compleantur verba Dei.

18 Et mulier quam vidisti, est *vrbs illa magna* qua habet regnum super reges terra.

ANNOTATIO.

Expositio
preceden-
tium pro-
phetiarum.

Tum venit] Haftenus de prophetia status Ecclesiae à Christo nato ad hæc nostra tempora; sequitur eiusdem prophetiae, aut saltem præcipuarum quarundam partium eius repetitio & expositio, ut antè ad principium capitis duodecimi docuimus. Nam primum duas illas immanes belluas subobscurè cap. 13. descriptas, repetit & exponit Angelus hoc capite decimo septimo. Deinde ruina Babylonis perbreuiter cap. 14. 8. & typicè cap. 15. & 16. prædicta, vberiùs & planiùs exponitur cap. 18. & cap. 19. vsque ad vers. 11. Denique iudicia Dei cap. 14. 14. & sequentibus ad finem capitis, contra bestiam primam, & cap. 16. vers. 17. &c. contra bestiam secundam seu contra pseudopphetam directò & districtè denuntiata, iterantur atque enarrantur apertiùs, præsertim respectu personarum quæ iudicant & quæ iudicantur cap. 19. vers. 11. & sequentibus ad finem capitis.

Tum venit vnus] Huius capitis, quo enarrantur duæ illæ feræ cap. 13. prædictæ, partes sunt duæ: occasio enarrationis quatuor versibus, scilicet vers. 3, 4, 5, 6. & expositio seu enarratio ipsa vers. 1, 2, 7. & sequentibus ad finem capitis. Quamobrem euidentiae gratiâ incipiemus à vers. 3. tum coniungemus duos primos versiculos cum vers. 7.

Vers. 3, 4, 5, 6.

Nam me per spiritum in desertum transfulerat] Occasio per hysterosin in causarum narrationibus frequentissimam, interposita quatuor his versiculis, duo continet: nouam visionem Apostolo exhibitam, & mirationem Ioannis postremis verbis vers. 6. Visionis summa habetur vers. 3. descriptio in reliquis. Apostolus seorsim per spiritum subductus in desertum, vidit mulierem insidentem bestiae coccineæ. Hæc est visio, cuius duæ sunt partes: mulier, & bestia coccinea. Bestiae descriptio, quod sit plena nominibus blasphemiarum, & quod habet capita septem, & cornua decem, continetur in fine vers. 3. Mulier autem describitur quatuor notis: primò, ex vestitu, priori hemistichio vers. 4. Secundò, quod manu teneat poculum plenum abominationibus, posteriori hemistichio vers. 4. Tertio, ex nomine scripto in fronte vers. 5. Quarto, quod ebria sit sanguine sanctorum priori parte vers. 6. Atque hæc est noua visio Ioanni exhibita in deserto. In qua obseruandum est, primò, duas illas belluas

belluas suprà cap. 13. vers. 1 & 11. visas, híc rursus Ioanni exhibitas: secundò, ipsas híc ostendi formà paululum diuersà: tertio, secundà bestiam, nempe bicornem cap. 13. 11. h. c. sub typo mulieris exhiberi, vt vnà eandemque agnoscamus: quartò, mulierem hanc, id est, bestiam secundam insidere primæ. His obseruatis, cum tora huius purpuratæ meretricis descriptione, non erit difficile statuere, quid Babylonis apocalypticæ nomine significatur suprà cap. 14. 8. & cap. 16. 19. & infrà cap. 18. 2, 10. Hic igitur videmus duas belluas capitis 13. primùm alia visione ostendi his quatuor versibus; deinde exponi reliquo hoc capite. Vnde cõstat hoc caput in duas istas partes distribuendum, scilicet, quod prædictæ bellux cap. 13. híc alia visione iterantur quatuor versibus, & tum exponuntur reliquo capite.

Et miratus sum] Ioannes hac visa visione obstupescit & admiratur valde quid sibi velit.

Vers. 1, 2, 7.

Tum venit] Hi tres versus optimè inter se coherent. Quare & quatuor versus, quibus occasio sequentis expositionis continetur, parenthesi censeo includendos. *Tum*] Scilicet quando Ioannes obstupefactus visione mulieris insidentis bestix coccinæ, mirabatur valde, vnus ex septem illis Angelis, venit ad consolandum eum; atque primùm vtrò non rogatus operam suam in expositione visionis ad Ioannem defert his tribus versibus, nempe vers. 1, 2, 7. deinde, Ioannē non modò annuente, verùm etiam animi gratitudinem propter illud officium innuente, præstat quod promisit, & reliquo capite rem totam dilucidè enarrat. Duo autem primi versus per anticipationem ponuntur, vt quatuor sequentes per hysterosin. Nam Ioannes hanc mulierem bestix coccinæ insidentem non viderat ante ab initio huius libri. Sed quod vers. 3. &c. sequitur, per anticipationem commemorat primo in loco.

Promittit autem Angelus expositionem vtriusque, nempe mulieris, & bestix portantis eum, id est, imperij & Papatus.

Vers. 8.

Bestia] Enarrationem superioris visionis vers. 3, 4, 5, 6. exhibitæ, hoc loco reddit Angelus, prout promisit vers. 1, 2, 7. Vidit Ioannes Bestiam coccinam, typum scilicet Romani imperij, & mulierem bestix insidentem, id est, Papam Romanum imperio Romano incubantem.

cubantem. Huius nunc sequitur visionis expositio vsque ad finem capitis; ac bestiae quidem, id est, imperij Romani ad vers. 15. mulieris, id est, Papae & Papismi inde ad finem capitis.

Bestia] Id est, Romanum imperium. Nam cuius facile pateat, hanc bestiam coccineam, & illam decem primis versiculis capitis decimi tertij descriptam vnam & eandem esse. *Quam vidisti*] Scilicet supra posteriori parte vers. 3. *Erat*] Describitur bestia coccinea duobus modis: primò, ex quibusdam notis generalibus vers. 8. Secundò, ex partibus, nempe, capitibus & cornibus vers. 9. & sequentibus ad vers. 15.

Generales notae, quibus describit bestiam, vt ex iisdem agnoscatur, sunt tres, prima hæc est, *Erat, sed non est*: secunda, *ascensura tamen est ex abyssu, & in exitium abitura*: tertia, *& mirabuntur incolae terra, &c.*

Erat, sed non est] Prima nota bestiae coccineae. Sed bestiae nomine caput duntaxat vnum bestiae synecdochicè intelligendum est, vt ex vers. 11. liquet. Sic igitur habendum. Caput vnum septicipitis bestiae, nempe imperatoria maiestas (quæ prius cap. 13. erat caput sextum) *erat*, subaudi trecentis illis primis annis post Christum, erat inquam, & persequēbatur Ecclesiam Christi, sed nunc non est, scilicet, euolutis illis trecentis annis. Nam postea sensim inclinata est imperatoria maiestas, ac tandem extincta anno 475. vel 480. vt supra ad cap. 13. 11. dictum est. Attamen est, vt in fine huius versus dicitur, quia non prorsus abolita fuit. Erant enim Imperatores Constantinopolitani in Oriente.

Tamen ascensura est ex abyssu] Altera nota bestiae. Quamuis imperatoria maiestas emortua videbatur plus quàm trecentis annis, Papa tamen restituit imaginem bestiae in Carolo magno anno 800. & ita bestia, quæ primùm erat persequens Ecclesiam Christi totos fere trecentos annos vsque ad Constantinum magnum, & tum quasi extincta videbatur, reuixit tandem in Carolo magno, & opē tulit Antichristo iam tum patefacto, aduersus Ecclesiam Dei. Atque ob hanc causam dicitur tum ex abyssu ascendere, q. d. ex inferis, vt primùm ex mari cap. 13. 1. tum in exitium abire propter persecutionem contra sanctos Dei seruos & martyres excitatam, vt infra videre licet in fine capitis decimi noni.

Et mirabuntur] Tertia nota bestiae. Quemadmodum enim infanus mundus bestiam hanc septicipem, id est, caput sextum huius bestiae

bestiæ admirabatur, & sequebatur, & venerabatur suprà cap. 13. 3, 4. ita & hoc caput octauum eiusdem bestiæ, id est, imperatoriam maiestatem in Carolo magno Pontificis Pessimi Maximi arte & ingenio restitutam, admiratur.

Videntes bestiam qua erat] Persequens Ecclesias annos trecentos. *Sed non est*] Id est, quæ postea paulatim decreuit ita vt tandè non erat. *Et tamen est*] Id est, aliquandiu permanfit et si non eadem, & in Imperatoribus Constantinopolitanis fuit. In ista interpretatione huius obscuri loci, attuli quod potui. Si quid erratum sit, mihi veniam dari peto. Ratio tantummodo temporis scrupulum aliquem meritò inijciat. Aliàs nihil video non apertum.

Vers. 9.

Hic est mens] Hortatio faciens audientiam, vt Matth. 11. 15. & 13. 9. & 24. 15. vt suprà 13. 9, 18. Incertum autem est, vtrum ad præcedentia, an ad sequentia magis referatur, vtrisque certè potest accommodari.

Septem capita] Ego alterum versum hic rectè inchoandum censeo. Est autem altera bestiæ coccinæ descriptio ex partibus, scilicet ex capitibus septem vers. 9, 10, 11. & ex cornibus decem vers. 12, 13, 14. vt in versum proximum diximus. Septem capita primum significant septem montes super quos mulier sedet, vt suprà in cap. 13. 1 dictum est abundè.

Vers. 10.

Et reges septem sunt] De his, aut saltem de sex istorum diximus suprà ad cap. 13. vers. 1. *Quinque ceciderunt*] Videlicet, regia potestas, consulatus, dictatura, decemuiratus, & tribunatus. *Vnus est*] Subaudi rex, id est, forma administrationis reipublicæ Romanæ, videlicet Imperatoria maiestas. *Et alius nondum venit*] Ego Exarchatum esse opinor, qui cœpit anno Christi 570. & durauit quasi annos 160. vsque ad annum Christi 730. & hoc est breue tempus durationis eius. Papatus autem diu admodum & nimis multum, temporis durauit. Quamobrem Exarchatum Rauennatem in septimum caput numero.

Vers. 11.

Bestia autem] Id est, caput bestiæ. synecdoche. *Quæ erat*] Scilicet persequens Ecclesiam per annos trecentos. *Sed non est*] Id est, defecit sensim quasi lenta tæbe, vt in vers. 8. diximus. *Is octauus est*]

est] Scilicet rex, vel caput octauum, & octaua forma administrationis imperij Romani. Hic autem octauus rex, octauum hoc caput bestiae, & octaua gubernatio imperij, est potestas imperatoria instaurata in Carolo magno anno. 800. vt sæpè suprà diximus. *Et è septem illis est*] Hoc est, nulla noua est administratio imperij à septem prioribus diuersa, sed vna ex illis septem formis gubernationis, nimirum sexta, ipsa imperatoria maiestas in Carolo magno & sequentibus Imperatoribus repetita ac renouata. *Et in exitum ab*] Scilicet, quia Papam adiuvat in sanctis persequendis.

Verf. 12, 13, 14.

Decem autem cornua] De his vide quæ suprà ad c. 13. 1. monuimus. Sicut enim reges, magistratus, præfides prouinciarum, & prætores vrbiū per totā Europā primis illis imperatoribus martyrocidis, qui sexto bestiae capite figurabantur cap. 13. 1. adiumento erant aduersus sanctos Dei primis trecentis annis: ita magistratus ijdem potestate in suam tradiderunt huic octauo capiti bestiae, id est, Carolo magno & sequentibus imperatoribus, & pugnarunt cum Agno Christo, & cum sanctis eius. Sed vt in priori congressu quando potestatem suam tradiderunt reges decem primis illis martyrocidis per annos trecentos, vicerunt sancti virtute Agni, vt suprà quinque primis versiculis capitis decimi quarti videre licet: ita & hoc in loco ab Agno, videlicet in seruis suis fidelibus superantur & hi decem reges, & Imperatores ipsi, quibus potestatem suam tradunt.

Verf. 15.

Deinde dixit mihi] Bestiam verf. 3. visam, Ioanni enarrauit Angelus à verf. 8. ad hunc locum: nunc mulierem illam, meretricem magnam, scortum Romanum, beatissimum scilicet Papam exponit in sequentibus ad finem capitis, vt suprà dictum est in verf. 8. Describitur autē Lupa hæc Romana tribus modis: primò, verf. 15. secundò, verf. 16. tertio, verf. 18. *Aqua*] Prima descriptio ex loco vbi habitat scortum, vel ex populis, quibus imperat. Aqua, inquit, quas vidisti, vbi meretrix sedet, populi sunt, & turbæ, & gentes, & linguæ. Sed quæritur vbinam Ioannes istas vidit aquas, non quidem suprà verf. 3, 4, 5, 6. huius capitis, quamuis id videtur Angelus innuere, neque cap. 13. 11. vbi hanc ipsam meretricem sub figura bestiae bicornis è terra ascendentis viderat. Nemo est opinor,

nor, qui non videat visionem cap. 13. hinc iteratam. Verum capite 13. vers. 1. vidit Apostolus Bestiam deformem e mari ascendentem, & ita mari siue aquis imminentem & insidentem. Et imperium Romanum appellatur mare supra cap. 16. 3. Huic autem informi bestiae insidentem meretricem magnam vidit Ioannes supra vers. 3. & ita insidentem aquis multis, id est, populis, &c. q. d. meretrix ista exercet potestatem omnem primae bestiae, vt supra cap. 13. 12. & populis imperat, quibus imperabat bestia prima. Vide supra cap. 16. 12. Nulla autem meretrix per vniuersum orbem prater scortum Romanum (papistae pontificem honorificentissime appellant, vicarium Christi, successorem Petri, & principem orbis) imperat populis, quibus imperabant Imperatores Romani sub typo primae bestiae figurati. Papa igitur Romanus est meretrix haec magna.

Vers. 16.

Et decem cornua] Id est, reges & magistratus Europaei, qui prius potestatem suam tradiderant bestiae primae, & ita etiam post adiutores erant Papae in persecutione sanctorum, vt supra vidimus vers. 12, 13, 14. nunc demum efficaciter vocati per verbum Evangelij, vires suas conuertunt ad Antichristum Romanum fundendum, fugandum & perdendum, vt supra vidimus cap. 16. 12. Haec secunda nota meretricis, qua eam agnoscamus, nempe quam Europaei magistratus deseruerunt, & etiam his postremis temporibus post annum 1300. oppugnarunt.

Vers. 17.

Deus enim dederat] Aetiology prioris dicti. Si enim quaeras cur non citius deuastarunt Papatum, respondet, quia diuinitus aliter statutum erat donec complerentur verba Dei.

Vers. 18.

Et mulier] Tertia nota meretricis, quod est vrbs illa. i. Domina vrbs magnae quae habet regnum super reges terrae. Solus Papa est dominus illius vrbs, ergo is solus est meretrix haec magna & ipsissimus Antichristus.

ANALYSIS. Cap. 18.

- Cap. 18. & cap. 19. ad versum. partes sunt in uniuersum quatuor
- 1. Prædicatio ruinæ Babylonis cap. 18. vers. 1, 2, 3.
 - 2. Mandatum triplex pijs imperatum
 - 1. Ut celeriter fugiant de Babylone vers. 4.
 - 2. Ut supplicium sumant de meretrice vers. 6 vnde sequitur fletus regum vers. 9. mercatorum vers. 11. nautarum vers. 17.
 - 3. Ut lætentur de excidio Babylonis v. 20.
 - 3. Doctrina de perpetua desolatione Babylonis vers. 21. vnde epinicion cap. 19. 1.
 - 4. Hortatio ad Deum laudibus celebrandum cap. 19. 5.

CAP. 18.

1. **ET** post hæc vidi alium Angelum descendentem de cælo, habentem potestatem magnam: adeo ut terra resplenderet gloria eius.

2. Exclamauit autem vehementer voce magna, dicens. Cecidit Babylon illa magna, & facta est domicilium demoniorum, & custodia omnis spiritus impuri, & custodia omnis volucris immunde & iniuste.

3. Quia ex vino ira scortationis eius biberunt omnes gentes: & reges terra cum ea scortati sunt, & mercatores terra opibus deliciarum eius diuites facti sunt.

4. Et audiui aliam vocem de cælo dicentem, Exite ex ea populi, ne participes sitis peccatorum eius, & ex plagis eius accipiat.

5. Nam accumulata peccata eius pertigerunt usque in cælum: & recordatus est Deus scelerum eius.

6. Reddite ei sicut & ipsa reddidit vobis: & duplicate ei duplum secundum opera eius: in poculo quod propinavit, propinate ei duplum.

7. Quantum extulit sese & luxuriata est, tantum date ei cruciatum & luctum: quia in corde suo dicit, Sede regina, nec sum vidua, nec luctum videbo.

8. Ideo una die venient plaga eius, mors & luctus, & fames: & igne exuret, quia validus est Dominus Deus, qui damnauit eam.

9. Tum silebunt eam, & plangent super ea reges terra, qui cum il-

La scortati & luxuriati sunt, quum viderint fumum incendiij eius:

10 *Procul stantes propter metum cruciatus eius, & dicentes, Vah, vah, magna illa vrbs, Babylon, vrbs illa valida, cuius una hora venit iudicium.*

11 *Sed & mercatores terra flebunt & lugebunt super ea: quoniam merces eorum nemo emit amplius:*

12 *Merces auri, & argenti, & lapidis pretiosi, margaritarum, byssi, purpura, serici & cocci, & omne lignum thuyinum, & omne vas eburneum, & omne vas ex ligno pretiosissimo, & are, & ferro, & marmore,*

13 *Et cinamomum, & suffitus, & unguentum, & thus, & vinum & oleum, & similam, & triticum & inmenta, & oves, & equos, & rbedas, & mancipia, & animas hominum.*

14 *Et fructus desiderij anime tue abierunt à te: & omnia pingua & praeclara abierunt à te: nec amplius ea inuenies.*

15 *Harum inquam rerum mercatores diuites facti, procul ab ea stabunt propter timorem cruciatus eius, flentes ac lugentes:*

16 *Et dicentes, Vah, vah, ciuitas illa magna, qua amicta erat bysso & purpura & cocco, & deaurata erat auro & lapidibus pretiosis & margaritis: quinam una hora vastata sunt tanta diuitia?*

17 *Sed & omnes gubernatores, & omnis in manibus versantium turba, & nauta, & quotquot ex mari questum faciunt, longè stabunt,*

18 *Et clamabunt videntes fumum incendiij eius, & dicent, Qua similis erat vrbi isti magna?*

19 *Et iniecto capitibus puluere, clamabunt flentes ac lugentes, & dicentes, Vah, vah, quòd vrbs illa magna, in qua diuites facti sunt omnes qui habebant naues in mari, pretijs eius, qua una hora desolata est.*

20 *Exulta super eam cælum, & sancti Apostoli, & Propheta, quoniam sumpsit pœnas Deus vestra ultionis causa.*

21 *Tum sustulit quidam Angelus fortis lapidem instar mola magna, & proiecit in mare, dicens, Ita cum impetu projicietur Babylon vrbs illa magna, nec amplius inuenietur.*

22 *Et vox citharædorum & musicorum, & tibia ac tuba canentium non audietur in te amplius: nec ullius artifex cuiuscunque artis inuenietur in te amplius: & sonitus mola non audietur in te amplius.*

23 *Et lux lucerna non lucebit in te amplius, & vox sponsi & spon-*

*se non audietur amplius in te: cuius mercatores erant proceres terra,
& cuius beneficys seducta sunt omnes gentes.*

*24 Sed in ea sanguis Prophetarum & sanctorum innocentis est,
& omnium qui mactati sunt in terra.*

ANNOTATIO.

Et posthac videt] Vberior expositio ruinæ Babylonis prædictæ breuiter cap. 14. 8. & obscure cap. 15. & 16. vt supra in cap. 17. 1. annotatū est. Huius loci partes sunt in primis duæ, etsi historia rei gestæ potius declaretur, quàm methodi ratio iusta obseruetur. Prima pars est de ruina ipsa ad vers. 9. altera de effectibus ruinam concomitantibus & sequentibus inde vsque ad cap. 19. 11. In parte priori hæc ordine narrantur; primum, Angelus nuntius futuræ cladis vers. 1. tum ruina ipsa vers. 2. deinde ratio cladis vers. 3. postremò hortatio ad fideles vt à Babylone fugiant vers. 4. debitamque de ea vindictam sumant vers. 6. In posteriori parte ponuntur effecta duo: vnum in ijs qui prius scortati sunt cum ea, nempe ploratus & luctus in regibus vers. 9. mercatoribus vers. 11. nauarchis naucleris & nau-
tis vers. 17. alterum in ijs qui se puros à papismo & immaculatos
conseruarunt cap. 19. 1. &c. Sed his præteritis, malum filum histo-
riæ sequi, in qua oraculo cœlesti, nempe quatuor Angelorum mini-
sterio res tota declaratur. Primus Angelus ruinam Babylonis ge-
neratim prædicat tribus primis versibus. Secundus tria mandat fi-
delibus seruis Christi; primum induere talaria, citissimè auolare, &
longissimè recedere vers. 4. Deinde supplicium de meretrice sumere
vers. 6. vnde sequitur ploratus regum vers. 9. mercatorum vers. 11.
& nauarchorum vers. 17. Denique toto cordis affectu exultare
vers. 20. Tertius desolationem fore perpetuam, sine vlla spe instau-
rationis, docet, tum signo vers. 21. tum verbo vers. 22. Hinc epini-
cion sanctorum cap. 19. 1. &c. Quartus hortatur omnes sanctos ser-
uos Dei, vt meritis eum laudibus celebrent cap. 19. 5. &c.

Huius capi-
is & cap. 19
distributio
in quatuor
partes.

Vers. 2.

Cecidit, cecidit] Ingeminatus clamor certitudinem rei denotat.
Babylon illa magna] De qua supra cap. 14. 8. & 16. 19. & 17. 5. Hoc
nomine intelligitur Papatus præcipue. *Facta est domicilium de-
moniorum*] Vt Elia 13. 21.

Vers. 3.

Vers. 3

Quia ex vino] Ratio destructionis & ruinæ Babylonis Papi-
sticæ.

Vers. 4.

Et audius] Scilicet alterum Angelum, vel vocem alterius Ange-
li. Nam Angelorum ministerio Christus vtitur in patefactione ho-
rum mysteriorum, vt supra cap. 1. 1. obseruatum est. Hic Angelus
tria mandat piis & fidelibus, vt in vers. 1. dictum est. Primum vt fu-
giant citissime ac longissime, vt Ierem. 51. 6. Esaiæ 48. 20.

Vers. 6.

Reddite ei] Secundum mandatum Angeli, vt fideles condigno
supplicio meretricem afficiant.

Vers. 9.

Tum flebunt] Quum fideles ex mandato Angeli supplicium
sumpserint de meretrice Romana, tum sequetur fletus & ploratus
magnus, regum terræ hoc versiculo, mercatorum vers. 9. & na-
uarchorum vers. 17. vt in vers. 1. diximus. Primo loco nomi-
nat reges & magnates, qui scortati sunt cum illa, eò quod idolo-
latrariam Romanam sequuti sunt: & luxuriati sunt cum illa, quia
delicijs diffluere, & genio indulgere amarunt potius quàm Deum
sincerè colere.

Vers. 11.

Sed & mercatores] Secundo loco numerat mercatores & ne-
gotiatores terræ, id est, eos, qui acceperunt characterem in manu,
aut in fronte supra cap. 13. 16. 17. De mercatoribus istis, & de
mercatura Romana, quædam scripsit Abbas Vrspergensis ad an-
num 1193. Baptista Mantuanus rem paucis compeçit.

Venalia Romæ,

Templa, sacerdotes, altaria, sacra, corona,

Ignes, thura, preces, cælum est venale, Deusque.

Ioannes Sleidanus commentariorum lib. 9. ait libellum quen-
dam incerti authoris Gallica lingua facetè conscriptum in pontifi-
cios mercatores atque cauponas, prodijisse in lucem anno 1534.
cuius quædam capita recenset lectu dignissima Sed nemo nescit
mercatores illos.

Vers.

Vers. 17.

Sed & omnes gubernatores] Tercio loco ponit nauarchos, naucleros & nautas, id est eos omnes, qui ita operam suam impendunt Pontifici Romano, ut solent nauarchi, naucleri, & nautæ, mercatoribus.

Vers. 20.

Exulta] Tertium secundi Angeli mandatum, ut in vers. 1. monuimus.

Vers. 21.

Tum sustulit] Tertius Angelus desolationem Romani Papatus perpetuam fore docet typo, hoc versu, & verbo tribus postremis versibus huius capituli. Sumpta est oratio ex Ieremiæ cap. 51. vers. 63. 64.

CAP. 19

Post hac audini vocem magnam turba multa in cælo dicentis, Halleluia: salus, & honor, & gloria, & virtus Domini Deo nostro est,

2 Quia vera & iusta iudicia eius: & meretricem illam magnam quæ corripit terram scortatione sua, damnauit, & vindicauit sanguinem seruorum suorum ex manu eius.

3 Deinde secundo dixerunt, Halleluia: & fumus eius ascendit in secula seculorum.

4 Et prociderunt viginti quatuor Seniores & quatuor illa animalia, & adorauerunt Deum insidentem throno, dicentes, Amen, Halleluia.

5 Tum vox è throno prodiit, dicens, Laudate Deum nostrum omnes serui eius, & qui timetis eum parui & magni.

6 Et audini tanquam sonitum turba multa, & tanquam sonitum aquarum multarum, & tanquam sonitum tonitruorum magnorum, dicentium, Halleluia: quoniam regnum inquit Dominus Deus ille noster omnipotens.

7 Gaudeamus, & exultemus, & demus gloriam ei: quia uenerunt nuptia Agni, & uxor eius parauit se.

8 Et datum est ei ut amictiatur bysso puro & splendido. byssus enim iustificationes sunt sanctorum.

9 Tum dixit mihi, Scribe, Beati, qui ad cœnam nuptiarum Agni vocati

vocati sunt. Et dixit mihi, *Hac verba Dei vera sunt.*

10 Et procidi ante pedes eius ut adorarem eum: sed dixit mihi, *Vide ne feceris: conseruus tuus sum, unus fratrum tuorum qui habent testimonium Iesu. Deum adora: testimonium enim Iesu est spiritus prophetia.*

11 Deinde vidi cælum apertum, & ecce adfuit equus albus: & qui insidebat ei, vocabatur *Fidelis & Verax*, & qui iuste iudicat & pugnat.

12 Oculi autem eius erant tanquam flamma ignis, & in capite eius diademata multa, habebatq; nomen scriptum quod nemo nouit nisi ipse.

13 Et amictus erat veste tincta sanguine, vocatürque nomen eius *Sermo Dei.*

14 Exercitus autem qui sunt in cælo, sequebantur eum equis albis, vestiti bysso albo & puro.

15 Et ex ore eius prodibat gladius acutus, ut eopercuteret gentes, ipse enim reget eas virga ferrea: ipse enim est qui calcatur lacum vini furoris & ira Dei omnipotentis.

16 Habebatque in vestimento & in femore suo nomen scriptum, *Rex regum, & Dominus dominantium.*

17 Tunc vidi quendam Angelum stantem in sole, qui clamauit voce magna, dicens omnibus auiibus quæ volabant per medium cæli, *Adeste, & congregamini ad cœnam magni Dei.*

18 *Ut edatis carnes regum, & carnes tribunorum, & carnes for-
tium, & carnes equorum, & eorum qui ipsis insident, & carnes om-
nium liberorum ac seruorum, paruorum ac magnorum.*

19 Deinde vidi Bestiam illam, & reges terra, & exercitus eorum congregatos ad gerendum bellum cum eo qui insidebat equo, & cum exercitu ipsius.

20 Et comprehensa est Bestia & cum ea pseudopropheta ille qui ediderat signa coram ea, quibus seduxit eos qui acceperunt charactere-
rem bestia, & qui adorauerant imaginem eius: & viui coniecti sunt ambo in stagnum ignis ardens sulphure:

21 Et reliqui occisi sunt gladio eius qui insidet equo, prodeunte ex ore ipsius: & omnes aues saturatae sunt carnibus eorum.

ANNOTATIO.

Posthac audiuntur Decem priimi versus huius capituli pertinent ad cap. 18. ad ruinam Babylonis, ut antè diximus in cap. 18. 1. & res ip-
sa

sa ostendit. Quatuor primi versus continent epinicion, quod fideles, cum audissent ruinam Babylonis irreparabilem, alternis cecinerunt Deo, ut Moses & Israëlita Exod. 15. Nam quod à prioribus canitur duobus primis versibus, amcebatur repetitur ab alijs versu tertio.

Vers. 4.

Es prociderunt] Epinicion Ecclesiæ, suo concentu claudunt Angeli, ut præclare ostendit D. Franciscus Junius.


Vers. 5.

Tum vox] Quartus Angelus monet omnes etiam denuo & amplius Deum laudibus debitis ob desolationem meretricis magnæ, celebrare hoc versu, quod faciunt vers. 6, 7, 8.

Vers. 9.

Tum] Conclusio bimenibris. Priori membro Angelus confirmat Ioannem de certitudine præcedentium vers. 9. Posteriori Ioannes in gratitudinis testimonium adoraturus est Angelum, sed prohibetur vers. 10. ut etiam infra cap. 22. 9. *Dixit mihi*] Subaudi Angelus ille, de quo supra cap. 17. 1.

Vers. 11.



Vers. 11.

Deinde videt] Nunc demum sequitur repetitio & enarratio iudiciorum Dei denuntiatorum contra primam bestiam cap. 14. 14. & contra secundam bestiam cap. 16. 17. vt supra annotauimus cap. 17. 1. & ex fine huius capitis liquet vers. 20 vbi duæ illæ bestiæ simul coniunguntur in stagnum ignis ardens sulphure. Quare non alienum esset, aliud hic caput inchoare. In his iudicijs Dei contra beluas duas, tria in vniuersum enarrantur: primum enim habetur descriptio duorum aduersorum exercituum ab hoc loco ad medium vers. 19. deinde prælium, quod innuitur in fine vers. 19. denique victoria vers. 20, 21.

Exercituum illorum prior describitur vsque ad vers. 19. posterior priori parte vers. 9. Quod attinet ad priorē exercitum, eius descriptio primum continetur versibus sex; tum, quasi æneator quidam triumphum caneret ante victoriam, volucres inuitantur ad cœnam magni Dei vers. 17, 18.

Ecce (adfuit) equus albus] Prioris exercitus descriptio, vt modo dictum est, in qua agitur primò de imperatore vers. 11, 12, 13. Secundò, de militibus voluntarijs vers. 14. Tertio, de armis vers. 15. Quarto de insignibus vers. 16. *Et qui infidebat ei*] Descriptio Imperatoris, & talis quidem, vt Christum esse nemo possit diffiteri.

Vers. 14.

Exercitus] Descriptio militum Christi, vt dictum est. *Vestitus hyssop*] Vide octauum versiculum huius capitis.

Vers. 15.

Et ex ore] Ex instrumentis bellicis solo gladio spirituali vtitur Christus, qui sufficit ad hostes fundendos & perdendos. Vide Ephes. 6. 12. & c. Esaiæ 11. 4.

Is est qui calcabit lacum] Vt supra cap. 14. 20. Vnde idem esse iudicium perspiciamus.

Vers. 16.

Habebatque in vestimento] Quemadmodum principes insignia quædam imperij sibi sumunt, quo venerabiliores sint & augustiores, vt ostendunt Plinius hist. nat. lib. 10. cap. 4. & Auentinus lib. 5. annalium Boiorum in Henrico quarto: ita hoc nomen scriptum in vestimento & in femore Christi, est insigne maiestatis supremæ.

Vers. 17.

Tum vidi] Sarcastica hostium ad pugnam prouocatio, vt inquit doctissimus Iunius, eò quòd certus de victoria ante congressum, aues cœli inuitat ad conuiuium magni Dei.

Vers. 19.

Deinde vidi] Alterius & aduersi exercitus descriptio, vt in vers. 11. dictum est. Huius duo sunt imperatores summi, bestia septiceps, & pseudopropheta, vt patet ex vers. 20. quibus in subsidium veniunt reges terræ. Milites item sunt multi. Magnæ sunt igitur copiae hostium Ecclesiæ.

Bestiam illam] Scilicet primam, de qua cap. 13. 1. & secundam, de qua cap. 13. 11.


Congregatos ad gerendum bellum cum eo] His verbis significatur prælium commissum, alludit ad cap. 16. vers. 14, 16. vt intelligamus locum illum hîc enarrari.

Vers. 20.

Et comprehensa est] Victoria, vt in vers. 11. diximus. *Bestia*] Nempe prima, id est, imperium & Imperatores Romani, qui persecuti sunt Ecclesiam Dei. *Pseudopropheta ille*] Id est, Antichristus Romanus, beatissimus scilicet Papa. Eant nunc Pontifices Romani Pessimi Maximi, & glorientur de plenitudine suæ potestatis in cœlo, in terra, & apud inferos.

ANALYSIS.

ANALYSIS. Cap. 20.



CAP. 20.

- 1 **D**Einde vidi Angelum descendentem à cælo, qui habebat cla-
nem abyssi, & catenam magnam in manu sua.
- 2 **Q**ui apprehendit draconem serpentem inquam illum antiquum,
qui est diabolus & Satanas: & vinxit eum ad annos mille.
- 3 **C**oniecitq. eum in abyssum, quam occlusit, & obsignavit super
eum, ut non seduceret amplius gentes, donec complerentur anni mille:

nam postea oportet eum solui ad exiguum tempus.

4 Deinde vidi sedes, & sederunt super eas, & iudicium datum est eis: & animas eorum qui securi percussi sunt propter testimonium Iesu, & propter sermonem Dei, qui que non adorarunt bestiam, neque imaginem eius, nec acceperunt characterem eius in frontibus suis, aut in manibus suis: vineque & regnabunt cum Christo mille annis.

5 Reliqui verò ex mortuis non reniuescent donec expleti fuerint mille anni. Hec est resurrectio prima.

6 Beatus & sanctus qui habet partem in resurrectione prima: in hos enim secunda mors non habet potestatem: sed erunt sacerdotes Dei & Christi, & regnabunt cum eo mille annis.

7 Quum verò expleti fuerint mille anni, soluetur Satanàs e carcere suo.

8 Et exibit ut seducat gentes qua sunt in quatuor angulis terra, Gog & Magog, ut congreget eos in praelium: quorum numerus est sicut arena maris.

9 Ascenderunt igitur super latitudinem terra, & circumierunt castra sanctorum, & urbem dilectam: sed descendit ignis à Deo e caelo, qui deuorauit eos.

10 Et diabolus qui seducebat eos, coniectus est in stagnum ignis & sulphuris, vbi & bestia & pseudopropheta: & cruciabantur die ac nocte in secula seculorum.

11 Tum vidi thronum magnum candidum, & quendam ei insidentem, à cuius conspectu fugit terra & calam, quorum locus non est inuentus.

12 Et vidi mortuos magnos & pusillos stantes in conspectu Dei, & libri aperti sunt: & alius liber apertus est, qui est liber vite: indicantque sunt mortui ex ijs que scripta erant in libris, secundum opera ipsorum.

13 Et reddidit mare mortuos quos habebat: Mors quoque & infernus reddiderunt mortuos quos habebant: & indicatū est de singulis secundum opera ipsorum.

14 Infernus autem ac Mors coniecti sunt in stagnum ignis: quæ est mors secunda.

15 Et qui non inuentus est in libro vite scriptus, coniectus est in stagnum ignis.

ANNOTATIO.

Deinde vidi] Secundam Ecclesiæ in hoc mundo peregrinantis & militantis prophetiam capite duodecimo inchoatam, ibi diximus esse duplicem: priorem de rebus in Ecclesia gestis à Christo nato ad hæc nostra tempora, ab initio cap. 12. huc vsque perduximus; posteriorem de rebus Ecclesiæ ab instauratione Euangelij, id est, ab anno Christi 1300. vel 1320. ad finem seculi iam aggredimur hoc capite explicare. Huius autem capitis partes sunt in vniuersum duæ: vna, prophetia rerū in Ecclesia & de Ecclesia ab anno 1320 ad consummationem seculi decem primis versibus; altera, descriptio finis seculi vers. 11. & sequentibus ad finem capitis. Prophetiam antecedit præparatio quædam sex primis versiculis, qua summam perstringuntur & repetuntur res duæ gestæ ab anno Christi 320. ad annum 1320. nempe vincula Satanæ ad annos mille tribus primis versibus, & status Ecclesiæ per eosdem annos mille, vers. 4, 5, 6.

Angelum] De Angelo, clauæ, & catena non est anxie disquirendum, quum propter tarditatem nostram Deus nobiscum balbutire, & quasi pueriliter ad captum nostrum loqui necesse habeat.

Vers. 2.

Annos mille] Mille isti anni incipiunt diebus Constantini magni post horrendas illas decem persecutiones, quas commouit diabolus per Romanos Imperatores martyrocidæ, quibus potestatem suam tradidit suprâ cap. 13. 2. De ipso articulo temporis non est facile statuere, neque necesse curiosè laborare. Viceſimum summo annum Imperij Constantini, qui est annus Christus 320. quia eodem anno habebatur celebre illud concilium Nicænum in Bithynia. Vincit autem dicitur Satan & constrictus vinculis, eò quòd misericors Pater noster cœlestis apertum eius furorem atque rabiem frenare tunc dignatus sit & inhibere. Ex eo tempore enim quo Constantinus magnus pacem reddidit Ecclesijs, diabolus apertè Marte non oppugnauit Ecclesiam, vt prius fecerat per annos trecentos. Nam primis illis trecentis annis, tantum odium nominis Christi inſeuit in animis gentium, & præſertim Imperatorum Romanorum, vt promiscuè ſæuitum fit in omnes, sine vlla ſexus, ætatis, aut dignitatis ratione, qui ſe Chriſtianos profeſſi ſunt. Poſtea verò, hoc furore diuinâ clementiâ cohibito, diabolus occultè & cuniculis inſidiatus.

insidiatus est fidelibus, & Christi nomine clanculum Christianos oppugnauit per annos mille. usque ad annum 1320. quando Christus libertatis nostræ vindex, instaurato Euangelio, quod in papisticam ignorantiam, quam pontifices filij diaboli appellant religionem, cōuersum ferè erat, eripuit nos è potestate tenebrarum. Non autem otiosus erat diabolus his mille annis, aut ita constriktus vt nihil prorsus ageret. Sed qui magnam suam potestatem tradidit Imperatoribus martyrocidis per annos trecentos ad apertam persecutionem, eandem postea concessit suprà cap. 13. 12. bestia secundæ, beatissimis scilicet Papis, Antichristis Romanis, vt per annos mille clandestinis insidijs sub nomine vicarij Christi, successoris Petri, Ecclesiæ cacolicæ, & plenitudinis potestatis, perderet Ecclesiam Christi, si fieri potuisset. Sed Deo gratias agamus indefinenter, quòd non permittit diabolo & filio eius Pontifici Romano, vt faciant quod exoptant. Decreuerunt enim illi, ne quis posset emere aut vendere, nisi qui habeat characterem Papæ Romani, suprà cap. 13. 16, 17.

Verf. 3.

Vt non seduceret] Scilicet aperto Marte, & tam crudeli persecutione, vt antè fecerat. *Postea oportet*] Id est, expletis mille annis, diabolus rursus incipiet furere & insanire, id quod factum fuit anno 1320. vt infrà dicitur verf. 7, 8, &c.

Verf. 4.

Deinde vidi sedes] Vincula Draconis vidimus tribus primis versibus: sequitur status Ecclesiæ per illos annos mille quibus vinctus erat Satan, vt in verf. 1. diximus. Est autem duplex status Ecclesiæ toto illo tempore: vnus, verè fidelium hoc versu, alter, hypocritarum verf. 5. His subiungitur epiphonema verf. 6.

Vidi sedes] Status verè fidelium ab anno Christi 320. ad annum 1320. nempe, quòd illo temporis spatio regnarunt omnes cum Christo, quatenus sunt membra capiti coniuncta, qui securi sunt percussi propter testimonium Iesu, & qui bestiam non adorarunt, nec characterem eius acceperunt, vt suprà vidimus quinque primis versiculis capitis decimi quarti.

Verf. 5.

Reliqui verò] Status hypocritarum, vt in versum proximum diximus.

Reliqui

Reliqui mortuorum, vel ex mortuis] Omnes homines, tam verè fideles vers. 4. quàm hypocritæ hoc versu, omnes inquam mortui sunt in Adamo. Hæc est prima mors. Ex hac morte vindicauit Christus omnes, qui in eum credunt, & illi regnabunt cum eo. Hæc est resurrectio prima. Iraque verè fideles, qui noluerunt bestiam adorare, neque characterem eius accipere, è prima illa morte resuscitados, vidimus vers. 4. regnare cum Christo totis illis mille annis. Reliqui verò mortuorum, qui non credunt in Christum, nec eum sequuntur quocunque ierit, sed hypocritæ sunt, & quamuis se nudo Christi nomine palliant, & occultos latere putant, bestiam adorant, & characterem eius accipiunt, non reuiuiscunt, id est, non regenerentur, non liberentur à morte illa prima, sed totis illis mille annis in prima morte iacent. Hæc conditio & status operariorum papistarum.

Verf. 6.

Beatus] Epiphonema, vt dictum est in vers. 4. Resurrectio prima est, quando à peccatis, in quibus nascimur & mortui sumus, in nouam vitam resurgimus. Resurrectio secunda est quando corporibus è sepulchro resuscitatis nouissimo die, recipiemur in cœlum, & perpetuò regnabimus cum Deo. Mors prima est, qua in Adamo peccante omnes mortui sumus. Mors secunda est æterna condemnatio in fine seculi.

Ioan. 3. 36.
& 8. 51.
1. Ioan. 3. 14
Ioan. 5. 24.

Mille annis] Id est, non solum illis mille annis, quibus ligatus erat Satan, sed in æternum.

Verf. 7.

Quum verò expleti] Hic versus est transituius à præparatione, quam diximus, & à breui repetitione rerum in Ecclesia gestarum ab anno 320. ad annum 1320. ad sequentem prophetiam de statu Ecclesiæ post solutum Satanam, id est, post annum 1320. ad finem vsque mundi. Huius prophetiæ partes sunt duæ: vna prædicat Satanæ malitiam versu octauo & priori hemistichio versus noni; altera eius perditionem posteriori hemistichio versus noni & versu decimo. Qui per annos illos mille domesticus erat latro, nunc rursus se apertum hostem prodit post instauratum Euangelium. Tam ægrè fert lucem Euangelij.

Vers. 8.

Et exibit] Malitia & furor Satanæ iam soluti anno 1320. Rabies eius cernitur primò, quòd seducit gentes hoc versu: secundò, quòd eas ducit contra Ecclesiam priori parte versus noni.

Seducat gentes] Gentium nomine intelligendi sunt ij, qui persecuti sunt Ecclesiam ab instauratione Euangelij anno 1320. ad hanc usque diem, & qui persecuturi sunt ad finem mundi. Quare papistas & pontificios omnes, qui sellæ Antichristianæ tyrannidem quouis modo tutantur, hoc loco intelligimus; item Turcas, qui anno Christi 1300. prodierunt sub Ottomanno, à quo Imperatores eorum, qui his temporibus fuerunt, originem trahunt. *Gog & Magog*] Alludit tantum ad prophetiam Ezechielis cap. 38. & 39. Quemadmodum enim Ecclesia Iudæorum gravissimè affligebatur per Gogum & Magogum post reditum è Babylone & ante primum Christi aduentum: ita diabolus Pontificios omnes in Europa, & Turcas in Asia, quasi alteros Gogos & Magogos excitauit ab anno 1300. vel 1320. contra Ecclesiam, ut eam funditis perderet, si fieri posset, antequam Christus secundò veniat ad iudicium. *Ut congreget eos in prælium*] Contra Ecclesiam. *Quorum numerus*] Sub signis diaboli militarunt omnes per Europam papistæ, & Turcæ in Asia.

Vers. 9.

Ascenderunt igitur] Huius prophetiæ complementum per papistas in Europa, elegàter admodum & religiosè sermone Anglicano declarauit sanctus ille vir Dei D. Ioannes Foxus in martyrologio suo. Turcarum copiæ in Asiam minorem & magnam Europæ partem infusa, Christianum nomen odio capitali sunt persecuta. Duo enim primi Turcarum Imperatores, nempe Ottomannus & Orhanes intra annos quinquaginta, vrbes regionesque Asiæ clarissimas longè latèque subiugarunt. Duo sequentes proximè Imperatores, Amurathes primus & Baiazethes minori annorù curriculum in Græciam traiciunt, arcæque belli in Chersoneso constituta, Thraciam, Misiæ, Bulgariam, & adiacentes regiones peruadunt, atque Constantinopolim post octo annorum obsidionem cepissent, nisi Tamerlanes Scythæ Baiazethem ab obsidione Bizantina procul in Asiam abstractum ad Stellam montem superasset. Anno 1444. die 10. Nouembris accidit clades illa Varnensis tot doctorum scrip-

tis celebrata, qua Amurathes secundus victoriam ex Christianis principibus reportauit, quos Antichristus Romanus Eugenius quartus cum suo Cardinale Iuliano in Armageddon congregasset, vt supra cap. 16. vers. 16. Et quamuis Georgius Castriotus Epiri dux, propter animi magnitudinem Scanderbeius vel Scanderbegus dictus, q. d. Alexander magnus, cui pugnam ingredienti, è labris, æstuantis animi vehementia, sanguinem erupisse ajunt, Turcarum victorias paulisper retardauit: tamen Mahometes secundus anno 1453. secundo die Iulij Constantinopolim expugnauit, & antiquissimum orientis imperium euerit. Solymanus anno 1521. Belgradum, quæ & Alba græca dicitur, totius Vngariæ propugnaculū in suam potestatem redegit. Anno 1541. Budam Hungarorum regiam occupauit.

Sed descendit ignis] De malitia Satanæ ab initio versus octauum hætenus dictum est; sequitur eius subuersio vt in vers. 7. annotauimus. Atque primum ministri ac satellites diaboli, Papistæ & Turcæ superantur reliquo hoc versu, nisi quis malit hic vers. 10. inchoare: deinde ipse Satan in infernum præcipitatur vers. 10. Quomodo Dominus spiritu oris sui fudit papistas sæpius, ex quo instaurauit Euangelium, nemini fere ignotum est, & supra cap. 16. vidimus, postremam autem de duobus magnis papistarum ducibus, videlicet, Imperatoribus & Pontificibus Romanis, victoriam partam, & supplicium de illis exercitibusque eorum sumptum supra vidimus cap. 19. vers. 11. & sequentibus ad finem illius capitis. Superatos sæpe Turcas & diuina vindicta coercitos docent historię. Postrema tamen eorum clades nondum venit, sed breui futura est.

Vers. 10.

Et diabolus] Postrema hæc damnatio Satanæ erit in fine seculi. Sed ipsum post abolitum papismum, vexare fideles seruos Christi hinc liquet, eò quod Imperatores & duces papistarum in stagnum ignis coniecti sunt primum, quibus postea suo tempore diabolum aggregabit Dominus.

Vers. 11.

Tum vidi] Secunda pars capitis, descriptio extremi iudicij, vt in vers. 1. diximus. Describitur autem iudicium ex personis primum, tum ex rebus gestis. Personæ sunt Iudex vers. 11. & ij qui iudicandi

sunt vers. 12. Res gestæ sunt forma & modus iudicij, quo libris apertis examen atq; disquisitio fit reprobis posteriori parte vers. 12. sententia pronuntiatur posteriori parte vers. 13. & exsequutio iudicij ac sententiæ latæ habetur vers. 14, 15. *Thronum*] Descriptio Christi iudicis.

Vers. 12.

Et vidi mortuos] Omnes, præsertim reprobi comparent coram tribunali Christi priori parte huius versus. Ratio huius redditur priori parte vers. 13. *et iudicabit*, nam reddidit mare mortuos quos habebat, mors quoque & infernus reddiderunt mortuos quos habebant.

Et libri aperti sunt] Modus & forma iudicij, quo primò duo aperiuntur libri, quorum primus liber, est conscientia reprobis, alter appellatur liber vitæ, in quo scilicet scribuntur nomina electorum, qui prædestinati sunt ad vitam æternam. Deinde disquisitio fit & examen reprobis tantum ex ijs quæ scripta sunt in libris, scilicet primis, id est, conscientijs eorum.

Vers. 13.


Et indicatum est] Pronuntiatio sententiæ de reprobis tantum. Nam qui credit in Christum habet vitam æternam, *et non morietur*, & in iudicium, id est, examen non veniet, sed transit à morte (scilicet prima) in vitam, subaudi æternam Ioan. 5. 24. Vide supra vers. 6.

Vers. 14, 15.

et iudicabit, mors autem & infernus] Exsequutio sententiæ latæ. Mors & infernus ponuntur pro hominibus in peccato mortuis & in sepulchro conditis, vel in cæcitate ambulantes.

ANALYSIS

ANALYSIS. Cap. 21. & 22.



CAP. 21.

1 **D**einde vidi cælum nouum & terram nouam : primum enim cælum & prima terra abierat : & mare non amplius extabat.

2 Et ego Ioannes vidi sanctam urbem Hierusalem nouam, descendente a Deo e cælo, paratam ut sponsam ornatam viro suo.

3 Et audiui vocem magnam e cælo, dicentem, Ecce, tabernaculum Dei est cum hominibus, & habitabit cum eis : & ipsi, populi eius erunt, & ipse Deus cum eis erit, Deus ipsorum.

4 Et abstersurus est Deus omnem lachrimam ab oculis eorum: & mors amplius non extabit, neque luctus, neque clamor, neque dolor extabit amplius. quia prima abierunt.

5 Et dixit ei qui insidebat throno, Ecce, nunc facio omnia. Et dicit mihi, Scribe: nam haec verba fidelia sunt & vera.

6 Et dixit mihi, Actum est: Ego sum & initium & finis. Ego sitienti dabo ex fonte aqua viva, gratis.

7 Qui vicerit, possidebit omnia: & ero ei Deus, & ipse erit mihi filius.

8 Timidis autem, & incredulis, & execrabilibus, & homicidis, & scortatoribus, & veneficis, & idololatriis, & omnibus mendacibus, pars assignata est in stagno ardenti igne & sulphure, quod est mors secunda.

9 Tum venit ad me unus ex septem illis Angelis qui habuerant septem illas phialas plenas septem plagis novissimis: & loquutus est mecum, dicens, Veni ostendam tibi sponsam uxorem Agni.

10 Et sustulit me per Spiritum in montem magnum & sublimem, & ostendit mihi urbem magnam, sanctam inquam illam Hierusalem, descendantem ex caelo à Deo.

11 Habentem gloriam Dei, & cuius lumen erat simile lapidi pretiosissimo, tanquam lapidi iaspidi instar chrystalli splendenti.

12 Habebat autem murum magnum & sublimem, habentem portas duodecim, & in portis Angelos duodecim, & nomina inscripta, quae sunt nomina duodecim tribuum filiorum Israel.

13 Ab oriente erant porta tres: ab aquilone, porta tres: ab austro, porta tres: ab occasu, porta tres.

14 Et murus urbis habebat fundamenta duodecim, in quibus erant duodecim nomina Apostolorum Agni.

15 Porro is qui loquebatur mecum, habebat calamus aureum ut metiretur urbem, & portas eius & murum eius.

16 Urbs ipsa verò quadrangularis est: cuius longitudo tanta est quanta & latitudo. Mensusque est urbem calamo, ad stadiorum duodecim millia: sumque longitudo & latitudo & altitudo eius aequales.

17 Et mensus est murum eius, centum quadraginta quatuor cubitorum, mensura hominis, quae est Angeli.

18 Erat autem structura muri eius ex iaspide, ipsa verò urbs aurum purum, & similis vitro puro.

19 Et fundamenta muri urbis omni lapide pretioso ornata, fundamentum primum erat iaspis: secundum, sapphirus: tertium, chalcidionius: quartum, smaragdus:

20 Quintum, sardonix: sextum, sardius: septimum, chrysolithus: octauum, beryllus: nouum, topazius: decimum, chrysoprasus: undecimum, hyacinthus: duodecimum, amethystus.

21 Duodecim autem porte, duodecim margarite sunt, & singula porta, ex singulis margaritis sunt: forum urbis, aurum purum, tanquam vitrum perlucidum.

22 Nec templum vidi in ea: Dominus enim Deus omnipotens, templum illius est, id est, Agnus.

23 Neque urbs ista eget sole vel luna, ut luceant in ea: nam gloria Dei illustrauit eam, & lucerna eius est Agnus.

24 Ergentes qua seruate fuerunt, ambulabunt ad lucem eius: & reges terra gloriam suam & honorem ad eam adferent.

25 Nec porte eius cludentur interdum: nox enim non erit illis.

26 Et adferetur gloria & honor Gentium ad eam.

27 Non intrabit in eam quicquam quod inquinat, aut abominandum quippiam patrat, vel mendacium loquitur: sed qui scripti sunt in libro vite Agni.

ANNOTATIO.

Deinde ostendis] Exposita duplici prophetia de statu militantis ecclesie ab initio capitis quarti ad hunc vsque locum: sequitur demum triumphantis ecclesie in coelis prophetica descriptio duobus istis postremis capitibus, ut supra ad cap. 4. 1. monuimus. Hic autem duo restant declaranda, nempe prophetia ipsa toto hoc capite & nouem primis versibus capitis vicesimi secundi; & conclusio totius libri Apocalypsis cap. 22. 10. & sequentibus ad finem libri. Prophetie partes sunt in vniuersum duae: propositio octo primis versibus, & propositionis enarratio vers. 9. & sequentibus. Propositio duabus constat partibus, scilicet visis vers. 1. 2. & auditis vers. 3. &c. In ipsa visione Apostolus Ioannes vidit duo: nouum caelum, nouamque terram, quasi totius machinae mundi renouationem vers. 1. & nouam urbem Hierusalem coelestem vers. 2.

Vers. 3. 4.

Et audis] De visis dictum est, sequuntur audita. Audit Ioannes

nes vocem Dei, qui antegressam visionem primò exponit vers. 3. 4. secundò confirmat vers. 4. &c. tertio corrigit in fine vers. 6. &c. *Ecce tabernaculum Dei*] Expositio visionis. q.d. nihil aliud sibi volunt cœlum nouum, terra noua, & noua Hierusalem, quæ vidisti vers. 1. 2. quàm Deum nunc Tabernaculum suum cum hominibus habiturum & cum illis habitaturum, vt lachrymis absterfis, quas ante vbertim effuderant propter absentiam Domini, deinceps tripudient ac lætentur in seculum seculorum.

Vers. 5.

Et dixit is] Confirmatio visionis & eius expositionis, vt modo dictum est. Est autem quadruplex.

1 Prima, *Ecce, noua facio omnia*. q.d. tempus iusturationis omnium, sicut sæpe prædictum fuit à prophetis, iam adest, & noua facio omnia. Itaque in posterum semper habitabo cum hominibus.

2 *Scribe*] Secunda confirmatio, qua Deus iubet Apostolum prædictam visionem & expositionem eius literis prodere, & communicare cum fidelibus, quia hæc verba fidelia sunt & vera. *Qui insidebat throno*] suprà cap. 4. 2. 3.

Vers. 6.

3 *Etiā dixit mihi, factum est*] Tertia confirmatio q.d. non prædico nunc futura, sed quod tibi ostensum est vers. 1. 2. & expositum 3. 4. factum iam puta.

4 *Ego sum & ñ. initium & finis*] Quarta visionis & expositionis confirmatio. q.d. sicut ego sum primus & vltimus, qui mentiri non possum, ita hæc certa & vera esse credito.

Ego sitienti dabo] Epanorthosis siue correctio, qua prædicta visio, expositio, & confirmatio quadruplex generatim enuntiata, nunc restringuntur ad duo tantum hominum genera, nempe sitientium reliquo hoc versu, nisi malis nouum hic inchoare versum, & victorum vers. 7. q.d. non omnibus in vniuersum hominibus nouum creo cœlum, lachrymas abstergo, &c. sed tantum sitientibus & desiderantibus ista, itemque victoribus, qui virtute Agni vicerunt mundum, diabolum, & proprias concupiscentias. Cum his tantum habitaturus sum.

Vers. 9.

Vers. 8.

Timidis] Illustratio antecedentis correctionis per contrarium, q. d. huiusmodi timidis &c. non creo nouum cœlum, nec habitabo cum illis.

Vers. 9. 10.

Tum venit] Enarratio antecedentis propositionis, vt in vers. 1. dictum est. Constat autem duabus præcipuè partibus, nempe expositione ciuitatis nouæ Hierusalem supra visæ vers. 2. ab hoc loco ad cap. 22. 6. & confirmatione expositionis cap. 22. vers. 6. & sequentibus. De noua Hierusalem tria in vniuersum exponit, videlicet pulchritudinem eius vers. 11. structuram eius vers. 12. & sequentibus ad finem capituli, & commoditates eius cap. 22. 1. Duobus his versiculis 9. & 10. pollicetur tantum Angelus se nouam Hierusalem Ioanni expositurum.

Vers. 11.

Habentem gloriam] Prima expositio nouæ Hierusalem, nempe decoris & pulchritudinis eius, vt in vers. 9. diximus.

Vers. 12.

Habebat] secunda expositio nouæ Hierusalem, nempe structuræ & fabricæ eius, vt in vers. 9. dictum est. Hic primum quasdam partestantum exponit ab hoc loco ad vers. 22. deinde per anticipationem reddit rationem, cur non reliquas item ciuitatis partes exponat vers. 22. & sequentibus. Ciuitatem Hierusalem duobus tantum modis describit: primò, ex forma vers. 12. secundò, ex materia vers. 18. In forma describenda, muri in primis habet rationem, tum vrbs vers. 15. 16. 17. Muri formam describit primò ex portis duodecim, quæ in eo sunt vers. 12. 13. secundò, ex fundamentis duodecim, in quibus sunt duodecim nomina Apostolorum Agni vers. 14. tertio, ex mensura vers. 15. qua metitur urbem vers. 16. & murum vers. 17.

Vers. 18.

Erat autem] Descripta formâ muri & vrbs, materiam ostendit solidi parietis esse ex iaspide, priori parte vers. 18. ciuitatis, esse aurum, & ciuitatem ipsam totam esse aurum, & similem vitro, posteriori parte vers. 18. materiam verò fundamenti muri, esse ex lapide pretioso vers. 19. 20. duodecim portarum, esse ex margaritis pri-

ori parte vers. 21. fori autem ciuitatis, esse ex auro puro posteriori parte vers. 21.

Vers. 22.

Sed Templum non vidi in ea] Per anticipationem anteuertit obiectiones tres, de templo, de lucernis, de valuis portarum. Ne enim interroget quis cur tria ista non describat, prolepticè subijcit primò Templum in sancta ista & noua vrbe esse nullum, quia Deus Templum illius est vers. 22. secundò, nihil ibi opus esse sole, lunâ, aut lucernis, quia Agnus est lucerna eius vers. 23. 24. tertio, non opus esse valuis quibus noctu claudentur portæ, quia ibi nulla erit nox vers. 25. Nec immundum quicquam interdiu intrabit in eam vers. 26. 27.

CAP. 22.

1 **D**Einde ostendit mihi purissimum flumen aque viue, splendidum tanquam chrysellum, procedentem ex throno Dei & Agni.

2 In medio autem foro eius, & ex utraque parte fluminis, erat arbor vite adferens fructus duodecim, per menses singulos edens fructum suum, & folia sua ad inferniendum Gentibus.

3 Nec vllum maledictum erit amplius: sed sedes Dei & Agni in ea erit: & serui eius seruiant ei.

4 Et videbunt faciem eius: & nomen eius in frontibus ipsorum erit.

5 Et nox illic non erit, neque opus est eis lumine lucerna, neque lumine solis: quoniam Dominus Deus illustrat eos: & regnabunt in secula seculorum.

6 Tum dixit mihi, Hec verba fida sunt & vera: & Dominus Deus sanctorum Prophetarum misit Angelum suum ut indicet seruis suis quæ oporteat fieri citò.

7 Ecce, venio citò: beatus qui obseruat verba Prophetia libri huius.

8 Ego verò Iohannes, is sum qui hec audiui & vidi. Et quum audissem & vidissem, cecidi ut adorarem ante pedes Angeli qui mihi hec ostendebat:

9 Is verò dixit mihi. Vide ne feceris: conseruus enim tuus sum, & vnus fratrum tuorum Prophetarum, & eorum qui seruant verba libri huius. Denudora.

10 Deinde dixit mihi, Ne obfignes verba prophetia libri huius: tempus enim propè est.

11 Qui nocet, noceat adhuc: & qui sordidus est, sordescat adhuc: & qui iustus est, iustificetur adhuc: & sanctus, sanctificetur adhuc.

12 Ecce, venio citò: & merces mea mecum est, ut reddam vni-
cuique prout opus ipsius erit.

13 Ego sum A & Ω, principium & finis, primus & ultimus,

14 Beati qui seruant eius mandata: ut sit eis ius in arborem vi-
ta, & per portas ingrediantur in urbem.

15 Foris autem erunt canes & venefici, & scortatores, & homi-
cida, & idololatra, & quisquis amat ac committit mendacium.

16 Ego Iesus, misi Angelum meum, ut hac vobis testificetur in
Ecclesijs: Ego sum stirps & progenies illa Davidis, stella splendida &
matutina.

17 Et Spiritus & sponsa dicunt, Veni. Et qui audit dicat, Veni,
& qui sitit, veniat: & qui vult, accipiat aquam vitæ gratis.

18 Enimverò testor cuius audienti verba Prophetia libri hu-
ius, si quis adiecerit ad hæc, imponet ei Deus plagas scriptas in libro
isto:

19 Et si quis abstulerit aliquid ex verbis libri Prophetia huius, au-
feret Deus partem eius è libro vitæ, & ex vrbis sancta, & ex ijs quæ
scripta sunt in libro isto.

20 Dicit qui testatur ista: Etiam venio citò. Amen. Etiam ve-
ni Domine Iesu.

21 Gratia Domini nostri Iesu Christi cum omnibus vobis. Amen

ANNOTATIO.

Deinde ostendit] Tertia expositio nouæ Hierusalem, id est, com-
moditatum eius ut suprâ in cap. 21. vers. 9. dictum est. Comodi-
tates istæ ad vsum vitæ perquam necessariae, numero sex sunt. Pri-
ma est fluuius aquæ vitæ vers. 1. Secunda, arbor vitæ per totum an-
num fructuum ybertate curua vers. 2. Tertia, Thronus Dei & Agni
vers. 3. Quarta, gratissimus Dei conspectus vers. 4. Quinta, perpe-
tua lux, priori parte vers. 5. Sexta, regnum æternum, in fine vers. 5.

Vers. 6.

Tum dixit mihi] Confirmatio tum visionis exhibitæ cap. 21.
vers. 1, 2. tum enarrationis cap. 21. 9. ut ibidem diximus. Summa

est, visio illa, quam cap. 21. 1, 2. vidisti, & vberior eius expositio, quā pluribus verbis à cap. 21. 9 ad hunc vsque locum, tibi enarraui, vera est ac certa; verba, quæ tibi loquutus sum, fidelia sunt ac vera. Hoc confirmatur quatuor modis: primò, testimonio huius Angeli, qui asserit vera esse verba, quibus visionem exposuit, initio huius sexti versus. Secundò, testimonio Dei, qui in hunc finem Angelum suum misit, vt testificetur hæc verba esse vera, reliqua parte huius sexti versus. Tertiò, testimonio Christi, qui asserit totam hanc apocalypsim, & ita hanc visionis expositionem adeo veram & certam esse, vt beatus habeatur, qui verbis prophetiæ huius fidem habeat, eaque obseruet vers. 7. Quartò, testimonio Ioannis Apostoli, qui his auditis ac visis, testatur omnia esse vera, principio versus octauæ. Atque hæc est confirmatio non modo enarrationis præcedentis cap. 21. 9. sed etiam totius huius libri Apoclaypsis.

Vers. 8, 9.

Et quum audissem] Effectus enarrationis & confirmationis. Reuelatio enim eorum omnium, quæ hoc libro continentur, & confirmatio postremæ visionis de triumphante Ecclesia in cœlis, & expositionis eiusdem, adeo Ioanni erat grata & iucunda, vt sibi temperare non potuit, quin Angelum tanti gaudij ministrum ac nuntiū, veneretur vt Deum, reliquo hoc versu octauo. Verum, quia Deus gloriam suam alteri non dabit, Angelus hanc venerationem renuit, & Apostolum reprehendit vers. 9. vt supra cap. 19. 9.

Vers. 10.

Denique dixit] Conclusio totius libri, vt supra ad cap. 21. 1. monuimus. Ioannes acceptâ totâ hac reuelatione, multum apud se dubitauit, vtrum hæc mysteria literis prodita publicaret, an sibi potius & pijs paucis reseruaret. Præuidit enim istorum mysteriorum patefactione, futurum, vt impij omnes, & præ cæteris ij maxime, qui hoc libro, quasi digito demonstrantur, videlicet Imperatores & Pontifices Romani præsertim, omnem non solum religionem sed etiam humanitatem exuti insanirent, bonos infestarent, & contra Deum ipsum furerent; pij item & fideles serui Christi tædio atque diuturnitate tantorum malorum frangerentur aut defetiscerent: Dum

Dum hæc animo volueret Apostolus, iussit eum Angelus Apocalypsim istam in lucem edere, non autem suppressere. Huius mandati ratio sequitur in fine vers. 10. *tempus enim prope est*, scilicet, quo fient quæ hoc libro reuelantur. Quando enim supra cap. 10. 4. iussus erat quædam suppressere & obsignare, ratio fuit, quia leuiter castigati perseuerabant obfirmati in improbitate sua. Quando Daniel cap. 8. 26. & cap. 12. 4. iussus erat visionem occludere & obsignare, non autem communem statim facere omnibus, ratio hæc redditur, quia dierum multorum erat visio, quia effectus visionis in longum tempus protraheretur. Quando Esaias cap. 8. 16. & alibi iussus est obsignare & ligare visionem, in causa fuit obstinata populi malitia, qui iam diu verbum Dei & prophetas ita essent ludificati, vt prorsus erant indigni, quibus diutius loqueretur Deus. Sed hoc loco iubetur Apostolus Ioannes hanc Apocalypsim diuulgare & in lucem emittere, præcipue quia prædicta hoc libro mox effectum erant consequutura, imò iam tum operabatur mysterium iniquitatis, vt facile pateat cuius quæ à cap. 4. ad hunc locum annotauimus, consideranti. Deinde vt esset hic liber loco testis contra omnes improbos, vt vers. 11. manifestum est. Hac enim ratione iussus est Moses canticum scribere Deut. 31. 19. & Ezechiel cap. 3. 12. prophetare.

Summa igitur huius conclusionis hæc est, vt Apostolus reuelationem hanc totam literarum monumentis consignet, & publicam omnibus faciat, priori parte vers. 10. Tum sequuntur rationes duæ; vna, à tempore in fine vers. 10. altera, ab effectis vers. 11. Tertio loco tum mandatum scribendi & publicandi hanc prophetiam, tum rationes eius duæ multis modis confirmantur. Prima confirmatio sumitur à testimonio Christi, qui primam rationem confirmat vers. 12. Secunda confirmatio sumitur à testimonio Dei vers. 13. qui secundam rationem confirmat vers. 14. & 15. Tertia confirmatio sumitur à testimonio Christi, qui mandatum confirmat argumento à fine sumpto, vers. 16. Quarta confirmatio sumitur à comuni voto Spiritus sancti, catholicæ & sanctæ Ecclesiæ, & singulorum fidelium, qui primam rationem ratam haberi exoptant vers. 17. Quinta confirmatio sumitur à testificatione & comminatione Ioannis nostri, qui secundam rationem confirmans, denuntiat grauissima iudicia contra profanos huius reuelationis hostes, vers. 18,

19. Sexta confirmatio sumitur à testimonio Christi, qui primam rationem confirmat, priori hemistichio vers. 20. & cui subscribe Ioannes posteriori hemistichio vers. 20.

Vers. 21.

Gratia Communis salutatio; qua Ioannes, exposita tota reuelatione ista, & ratione tam copiose reddita, cur hæc mysteria in lucem edit, & omnibus legendi & inspiciendi copiam facit, totum hunc librum claudit.

FINIS.

